

Namo tassa bhagavato arahato sammāsambuddhassa

Suttantapiṭaka

Samyuttanikāye

Sagāthāvaggapāli

Samgāyanassa pucchā vissajjanā

Pucchā – paṭhamamahāsaṃgītikāle āvuso dhammasaṃgāhakā mahākassapādayo mahātheravarā porāṇasaṃgītikārā paṭhamam vinayapiṭakam saṃgāyivā tadanantaram suttantapiṭakam saṃgāyantā dīghanikāyañca majjhimanikāyañca saṃgāyivā tadanantaram kimnāma pāvacaṇam saṃgāyimsu.

Vissajjanā – paṭhamamahāsaṃgītikāle bhante dhammasaṃgāhakā mahākassapādayo porāṇatheravarā paṭhamam vinayapiṭakam saṃgāyivā tadanantaram suttantapiṭakam saṃgāyantā dīghanikāyañca majjhimanikāyañca saṃgāyivā tadanantaram sattahi ca suttasahashehi sattahi ca suttasatehi dvāsaṭṭhiyā ca suttehi paṭimaṇḍitam bhāṇavārasataparimāṇam samyuttanikāyam nāma pāvacaṇam saṃgāyimsu.

Pucchā – samyuttanikāye ca āvuso sagāthāvaggo nidānavaggo khandhavaggo saḷāyatanavaggo mahāvaggoti pañcasamyuttappakaraṇāni, tesu paṭhamam kataram samyuttappakaraṇam te saṃgāyimsu.

Vissajjanā – pañcasu bhante samyuttappakaraṇesu paṭhamam sagāthāvaggasamyuttappakaraṇam saṃgāyimsu.

Pucchā – sagāthāvaggepi āvuso devatāsamyuttādivasena ekādasasamyuttāni, tesu paṭhamam kataram samyuttam te saṃgāyimsu.

Vissajjanā – ekādasasu bhante samyuttesu paṭhamam devatāsamyuttam saṃgāyimsu.

Pucchā – devatāsamyuttepi āvuso naḷavaggādayo aṭṭha vaggā, oghataraṇasuttādīni ca ekāsīti suttāni, tesu paṭhamam kataram vaggam katarañca suttam sagāyimsu.

Vissajjanā – aṭṭhasu bhante vaggesu paṭhamam naḷavaggam ekāsītiyā ca suttasu paṭhamam oghataraṇasuttam saṃgāyimsu.

Sādhu sādhu āvuso, mayampi dāni tatoyeva paṭṭhāya saṃgītipubbaṅgamāni pucchavissajjanakiccāni āvahitum samārabhāra.

Devatāsamyutta

Oghataraṇasutta

Pucchā – tenāvuso bhagavatā jānatā passatā arahatā sammāsambuddhena oghataraṇasuttam kattha kam ārabha kismiṃ vatthusmiṃ kathañca bhāsitam.

Vissajjanā – sāvatthiyam bhante aññataram devatam ārabha bhāsitam, aññatarā bhante devatā

abhikkantāya rattiya abhikkantavaṇṇā kevalakappaṃ jetavanaṃ obhāsetvā yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ aṭṭhāsi, ekamantaṃ ṭhitā kho sā devatā bhagavantaṃ etadavoca “kathaṃ nu tvaṃ mārisa oghamatarī”ti,

Tasmiṃ bhante vatthusmiṃ “apatiṭṭhaṃ khvāhaṃ āvuso anāyūhaṃ oghamatarim”ti, evaṃ kho bhante bhagavatā bhāsitaṃ.

Accentisutta

Pucchā – accentisuttaṃ panāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante aññataraṃ devataṃ ārabba bhāsitaṃ. Aññatarā bhante devatā bhagavantaṃ etadavoca–

“Accenti kālā tarayanti rattiyo,
Vayoguṇā anupubbaṃ jahanti,
Etaṃ bhayaṃ maraṇe pekkhamāno,
Puññāni kayirātha sukhāvahānī”ti–

Tasmiṃ bhante vatthusmiṃ –

“Accenti kālā tarayanti rattiyo,
Vayoguṇā anupubbaṃ jahanti,
Etaṃ bhayaṃ maraṇe pekkhamāno,
Lokāmiṣaṃ pajahe santipekkho”ti –

Evaṃ kho bhante bhagavatā bhāsitaṃ.

Sattisutta

Pucchā – sattisuttaṃ panāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante aññataraṃ devataṃ ārabba bhāsitaṃ, aññatarā bhante devatā bhagavantaṃ etadavoca–

“Sattiyā viya omaṭṭho, ḍayhamānova matthake;
Kāmarāgappahānāya, sato bhikkhu paribbaje”ti–

Tasmiṃ bhante vatthusmiṃ–

Sattiyā viya omaṭṭho ḍayhamānova matthake;
Sakkāyadiṭṭhippahānāya, sato bhikkhu paribbajeti;

Evaṃ kho bhante bhagavatā bhāsitaṃ.

Sattiyā viya omaṭṭho, ḍayhamānova matthake;
Kāmarāgappahānāya, sato bhikkhu paribbaje –

Sattiyā viya omaṭṭho, ḍayhamānova matthake,
Sakkāyadiṭṭhippamānāya, sato bhikkhu paribbaje –

Jaṭāsutta

Pucchā – jaṭāsuttaṃ panāvuso bhagavatā kattha kaṃ ārabba kismiṃ vatthusmiṃ kathaṃca bhāsitaṃ.

Vissajjanā – sāvatthiyaṃ bhante aññataraṃ devataṃ ārabba bhāsitaṃ, aññatarā bhante devatā bhavantaṃ etadavoca–

‘‘Anto jaṭa bahijaṭā, jaṭāya jaṭitā pajā;
Taṃ taṃ gotama pucchāmi, ko imaṃ vijaṭaye jaṭa’’nti–

Tasmiṃ bhante vatthusmiṃ –

Sīle patiṭṭhāya naro sapañño, cittaṃ paññaṃca bhāvayaṃ;
Ātāpī nipako bhikkhu, so imaṃ vijaṭaye jaṭaṃ.

Yesaṃ rāgo ca doso ca, avijjā ca virājitā;
Khīṇāsavā arahanto, tesāṃ vijaṭitā jaṭati;

Evamādinā bhante bhagavatā bhāsitaṃ.

Sīle patiṭṭhāya naro sapañño, cittaṃ paññaṃca bhāvayaṃ;
Ātāpī nipako bhikkhu, so imaṃ vijaṭaye jaṭaṃ–

Yesaṃ rāgo ca doso ca, avijjā ca virājitā;
Khīṇāsavā arahanto, tesāṃ vijaṭitā jaṭā–

Yattha nāmaṃca rūpaṃca, asesāṃ uparujjhati;
Paṭighaṃ rūpasāññaṃ ca, etthesā chijjate jaṭā.

Accharāsutta

Pucchā – accharāsuttaṃ panāvuso bhagavatā kattha kaṃ ārabba kismiṃ vatthusmiṃ kathaṃca bhāsitaṃ.

Vissajjanā – sāvatthiyaṃ bhante aññataraṃ devaputtaṃ ārabba bhāsitaṃ. Aññataro bhante devaputto bhagavantaṃ etadavoca–

‘‘Accharāgaṇasaṅghaṭṭhaṃ, pisāca gaṇasevitaṃ;
Vanantaṃ mohanaṃ nāma, kathaṃ yātrā bhavissati’’ti.

Tasmiṃ bhante vatthusmiṃ–

‘‘Ujuko nāma so maggo, abhayā nāma sā disā,
Ratho akūjano nāma, dhammacakkehi saṃyuto.

Hirī tassa apālambo, satyassa parivāraṇaṃ;

Dhammāhaṃ sārathim brūmi, sammādiṭṭhi purejvaṃ.

Yassa etādisaṃ yānaṃ, itthiyā purisassa vā;
Sa ve etena yānena, nibbānasseva santike’’ti.

Evam kho bhante bhagavatā bhāsitaṃ.

Accharāgaṇasaṅghuṭṭhaṃ, pisācagaṇasevitaṃ;
Vanantaṃ mohanaṃ nāma, kathaṃ yātrā bhavissati—

Jarāsutta

Pucchā – jarāsuttaṃ panāvuso bhagavatā kattha kaṃ ārabha kismiṃ vatthusmiṃ kathaṃca bhāsitaṃ.

Vissajjanā – sāvatthiyaṃ bhante aññataraṃ devataṃ ārabha bhāsitaṃ. Aññatarā bhante devatā bhagavantaṃ etadavoca—

‘‘Kiṃ su yāva jarā sādhu, kiṃ su sādhu patiṭṭhitaṃ;
Kiṃ su narānaṃ ratanaṃ, kiṃ su corehi dūhara’’nti.

Tasmiṃ bhante vatthusmiṃ—

‘‘Sīlaṃ yāva jarā sādhu, saddhā sādhu patiṭṭhitā;
Paññā narānaṃ ratanaṃ, puññaṃ corehi dūhara’’nti.

Evam kho bhante bhagavatā bhāsitaṃ.

Kiṃ su yāva jarā sādhu.

Kiṃ su sādhu patiṭṭhitaṃ.

Kiṃ su narānaṃ ratanaṃ.

Kiṃ su corehi dūharaṃ.

Devaputtasamyutta

Subrahmasutta

Pucchā – tenāvuso bhagavatā jānatā passatā arahatā sammāsambuddhena subrahmasuttaṃ kattha kaṃ ārabha kismiṃ vatthusmiṃ kathaṃca bhāsitaṃ. Kīdiso ca tattha dhammapaṭiggāhakassa dhammassavanānisamaṃso adhigato.

Vissajjanā – rājagahe bhante subrahmadevaputtaṃ ārabha bhāsitaṃ. Subrahmā bhante devaputto maraṇabhayaabhīto bhagavantaṃ upasaṅkamtivā etadavoca—

‘‘Niccaṃ utrastamidaṃ cittaṃ, niccaṃ ubbiggamidam mano;
Anuppannesu kicchesu, atho uppatitesu ca;
Sace atthi anutrastaṃ, taṃ me akkhāhi pucchito’’ti—

Tasmim bhante vatthusmim.

‘‘Nāññatra bojjā tapasā, nāññatrindriyasamvarā;
Nāññatra sabbanissaggā, sotthim passāmi pāṇina’’nti.

Evam kho bhante bhagavatā bhāsitaṃ. Desanāpariyosāne ca bhante subrahmassa devaputtassa tasmimyeva āsane virajaṃ vītamaḷaṃ dhammacakkuṃ udapādi, ‘‘yaṃkiñci samudayadhammaṃ, sabbaṃ taṃ nirodhadhamma’’nti.

Niccaṃ utrastamidaṃ cittaṃ, niccaṃ ubbiggamidaṃ mano;
Anuppannesu kicchesu, atho uppatitesu ca;
Sace atthi anutrasta, taṃ me akkhāhi pucchito-hu-

Nāññatra bojjā tapasā, nāññatrindriyasamvarā;
Nāññatra sabbanissaggā, sotthim passāmi pāṇinaṃ-

Rohitassasutta

Pucchā – rohitassasuttaṃ panāvuso bhagavatā kattha kaṃ ārabha kismiṃ vatthusmim kathaṇca bhāsitaṃ.

Vissajjanā – sāvatthiyaṃ bhante rohitassaṃ devaputtaṃ ārabha bhāsitaṃ. Rohitasso bhante devaputto bhagavantaṃ etadavoca ‘‘yattha nu kho bhante na jāyati na jīyati na mīyati na cavati na upapajjati, sakkā nu kho so bhante gamanena lokassa anto ñātuṃ vā daṭṭhuṃ vā pāpuṇituṃ vā’’ti. Tasmim bhante vatthusmim ‘‘yattha kho āvuso na jāyati na jīyati na mīyati na cavati na upapajjati, nāhaṃ taṃ gamanena lokassa antaṃ ñāteyyaṃ aṭṭheyyaṃ patteyyanti vadāmī’’ti evamādinā bhante bhagavatā bhāsitaṃ.

Kosalasamyutta

Daharasutta

Pucchā – daharasuttaṃ panāvuso bhagavatā kattha kaṃ ārabha kismiṃ vatthusmim kathaṇca bhāsitaṃ.

Vissajjanā – sāvatthiyaṃ bhante rājānaṃ pasenadiṃ kosalaṃ ārabha bhāsitaṃ. Rājā bhante pasenadi kosalo yena bhagavā tenupasaṅkami, upasaṅkamitvā bhagavatā saddhiṃ sammodi, ekamantaṃ nisinno kho bhante rājā pasenadi kosalo bhagavantaṃ etadavoca ‘‘bhavampi no gotamo ‘anuttaraṃ sammāsambodhiṃ abhisambuddho’ti paṭijānāti’’ti. Tasmim bhante vatthusmim ‘‘yañhi taṃ mahārāja sammā vadamānovadeyya ‘anuttaraṃ sammāsambodhiṃ abhisambuddho’ti, mameva taṃ sammā vadamāno vadeyyā’’ti evamādinā bhante bhagavatā bhāsitaṃ.

Tasmā hi paṇḍito poso, sampassaṃ atthamattano;
Bhujāṅgamaṃ pāvakaṇca, khattiyaṇca yasassinaṃ;
Bhikkhuṇca sīlasampannaṃ, sammadeva samācare-

Attarakkhitasutta

Pucchā – attarakkhitasuttaṃ panāvuso bhagavatā kattha kaṃ ārabha kismiṃ vatthusmim kathaṇca bhāsitaṃ.

Vissajjanā – sāvattthiyaṃ bhante rājānaṃyeva pasenadiṃ kosalaṃ ārabba bhāsitaṃ. Rājā bhante pasenadi kosalo bhagavantaṃ upasaṅkamtīvā “‘idha mayhaṃ bhante rahogatassa paṭisallīnassa evaṃ cetaso parivitaṅko udapādi”’ti evamādiṅkaṃ vacanaṃ avoca. Bhagavā ca bhante evametaṃ mahārāja evametaṃ mahārājāti evamādinā vibhajitvā bhāsitaṃ.

Kāyena saṃvaro sādhu, sādhu vācāya saṃvaro;
Manasā saṃvaro sādhu, sādhu, sabbattha saṃvaro;
Sabbattha saṃvuto lajjī, rakkhitoti pavuccati.

Appakasutta

Pucchā – appakasuttaṃ paṇāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvattthiyaṃ bhante rājānaṃyeva pasenadiṃ kosalaṃ ārabba bhāsitaṃ. Rājā bhante pasenadi kosalo bhagavantaṃ upasaṅkamtīvā “‘idha mayhaṃ bhante rahogatassa paṭisallīnassa evaṃ cetaso parivitaṅko udapādi appakā te sattā lokasmiṃ, ye ulāre ulāre bhoge labhitvā na ceva majjanti na ca pamajjanti, na ca kāmesu gedhaṃ āpajjanti”’ti evamādiṅkaṃ vacanaṃ avoca. Bhagavā ca bhante “‘evametaṃ mahārāja evametaṃ mahārājā”’ti evamādinā appakasuttaṃ bhāsitaṃ.

Mallikāsutta

Pucchā – mallikāsuttaṃ paṇāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvattthiyaṃ bhante rājānaṃyeva pasenadiṃ kosalaṃ ārabba bhāsitaṃ. Rājā bhante pasenadi kosalo mallikaṃ devīṃ etadavoca “‘atthi nu kho te mallike kocañño attanā piyataro”’ti. Tasmīṃ vatthusmiṃ sabbādisā anuparigamma cetasāti evamādinā bhante bhagavatā bhāsitaṃ.

Sabbā disā anuparigamma cetasā, nevajjhagā piyataramattanā kvaci. Evaṃ piyo puthu attā paresaṃ, tasmā na hiṃse paramattakāmo—

Sattajaṭilasutta

Pucchā – tenāvuso bhagavatā...pe... sammāsambuddhena sattajaṭilasuttaṃ kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvattthiyaṃ bhante rājānaṃ pasenadiṃ kosalaṃ ārabba bhāsitaṃ. Rājā bhante pasenadi kosalo acirapakkantesu sattasu ca jaṭilesu sattasu ca nigaṇṭhesu sattasu ca acelakesu sattasu ca ekasāṭakesu sattasu ca paribbājakesu yena bhagavā tenupasaṅkami, upasaṅkamtīvā bhagavantaṃ abhivādetvā ekamantaṃ nisīdi, ekamantaṃ nisīno kho bhante rājā pasenadi kosalo bhagavantaṃ etadavoca “‘ye te bhante loke arahanto vā arahattamaggaṃ vā samāpannā, ete tesāṃ aññatarā”’ti. Tasmīṃ bhante vatthusmiṃ “‘dujjānaṃ kho etaṃ mahārāja tayā gihinā kāmabhoginā puttāsambādhasayanaṃ ajjhāvasantena kāsiṇacandaṇaṃ paccanubhontena mālāgandhavilepanaṃ dhārayantena jātārūparajataṃ sādiyantena “‘ime vā arahanto, ime vā arahattamaggaṃ samāpannā”’ti evamādinā bhante bhagavatā bhāsitaṃ.

Na vaṇṇarūpena naro sujāno, na vissase ittaradassanena;
Susaññatānañhi viyañjanena, asaññatā lokamimaṃ caranti.

Patirūpako mattikākuṇḍalova, lohaḍḍhamāsova suvaṇṇachanno;
Caranti loke parivārachannā, anto asuddhā bahisobhamānā-hū

Pañcarājasutta

Pucchā – pañcarājasuttaṃ paṇāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante rājānaṃyeva pasenadiṃ kosalaṃ ārabba bhāsitaṃ. Rājā bhante pasenadi kosalo bhagavantam etadvoca “kiṃ nu kho bhante kāmānaṃ agga”nti. Tasmim bhante vatthusmiṃ “maṇāpapariyantam khvāham mahārāja pañcasu kāmagaṇesu agganti vadāmi”ti evamādinā bhante bhagavatā bhāsitaṃ.

Idha bhante amhākaṃ pañcannaṃ rājūnaṃ pañcahi kāmagaṇehi samappitānaṃ samaṅgībhūtānaṃ paricārayamānānaṃ ayamantarākathā udapādiṃ ‘kiṃ nu kho kāmānaṃ agga’nti—

Padumaṃ yathā kokanadaṃ sugandhaṃ, pāto siyā phullamavītagandhaṃ. Aṅgīrasaṃ passa virocamaṇaṃ, tapantamādiccamivantalikkhe—

Dutiyaaputtakasutta

Pucchā – dutiyaaputtakasuttaṃ paṇāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante rājānaṃyeva pasenadiṃ kosalaṃ ārabba bhāsitaṃ. Rājā bhante pasenadi kosalo bhagavantam upasankamitvā “idha bhante sāvatthiyaṃ seṭṭhi gahapati kālaṅkato, tamaḥaṃ aputtakaṃ sāpateyyaṃ rājantepuraṃ atiharitvā āgacchāmi”ti evamādikaṃ vacanaṃ avoca. Bhagavā ca bhante “evametaṃ mahārāja, evametaṃ mahārāja, bhūtapubbaṃ so mahārāja seṭṭhi gahapati taggarasikhiṃ nāma paccekasambuddhaṃ piṇḍapātena paṭipādesī”ti evamādinā tassa seṭṭhissa gahapatissa atītaṃ vatthum āharitvā pariyosāne catūhi gāthāhi bhāsitaṃ.

Dhaññaṃ dhanam rajataṃ jātārūpaṃ, pariggahaṃ vāpi yadatthi kiñci,
Dāsā kammakarā pessā, ye cassa anujīvino.

Sabbaṃ nādāya gantabbaṃ, sabbaṃ nikkhippagāminam;
Yañca karoti kāyena, vācāya udacetasā.

Tañhi tassa sakaṃ hoti, taṃva ādāya gacchati;
Taṃvassa anugaṃ hoti, chāyāva anapāyinī.

Tasmā kareyya kalyāṇam, nicayaṃ samparāyikaṃ;
Puññaṃ paralokasmim, patiṭṭhā honti paṇinaṃ –

Mārasamyutta

Tapokammasutta

Pucchā – tapokammasuttaṃ paṇāvuso bhagavatā jinena kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – uruvelāyaṃ bhante māraṃ pāpimantaṃ ārabba bhāsitaṃ. Māro bhante pāpimā bhagavantaṃ upasaṅkamtivā gāthāya ajjhabhāsi.

“Tapokammā apakkamma, yena sujjhanti māṇavā;
Asuddho maññasi suddho, suddhimaggā aparaddho”’ti.

Tasmiṃ bhante vatthusmiṃ–

“Anattasaṃhitaṃ ñatvā, yaṃ kiñci amaraṃ tapaṃ;
Sabbhaṃ natthāvahaṃ hoti, phiyārittaṃva dhammani;
Sīlaṃ samādhi paññañca, maggaṃ bodhāya bhāvayaṃ;
Pattosmi paramaṃ suddhiṃ, nihato tvamasi antakā”’ti.

Evam kho bhante bhagavatā jinena bhāsitaṃ.

Tapokammā apakkamma, ye na sujjhanti māṇavā;
Asuddho maññasi suddho, suddhimaggā aparaddho–

Anattasaṃhitaṃ utvā, yaṃkiñci amaraṃ tapaṃ;
Sabbhaṃ natthāvahaṃ hoti, phiyārittaṃva dhammani;

Hatthirājavaṇṇasutta

Pucchā – hatthirājavaṇṇasuttaṃ panāvuso bhavagatā jinena kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – uruvelāyaṃ bhante māraṃkaṃyeva pāpimantaṃ ārabba bhāsitaṃ. Māro bhante pāpimā bhagavato bhayaṃ chambhitattaṃ lomahaṃsaṃ uppādetukāmo mahantaṃ hatthirājavaṇṇaṃ abhinimminivā yena bhagavā tenupasaṅkami.

Tasmiṃ bhante vatthusmiṃ–

“Saṃsaraṃ dīghamaddhānaṃ, vaṇṇaṃ katvā subhāsubhaṃ;
Alaṃ te tena pāpima, nihato tvamasi antakā”’ti.

Evam kho bhante bhagavatā jinena bhāsitaṃ.

Saṃsaraṃ dīghamaddhānaṃ, vaṇṇaṃ katvā subhāsubhaṃ,
Alaṃ te tena pāpima, nihato tvamasi antaka –

Bhikkhunīsaṃyutta

Āḷavikāsutta

Pucchā – idāni āvuso bhikkhunī saṃyuttaṃ pucchāmi, yaṃ tassa bhagavato arahato sammāsambuddhassa sāvikāhi therīhi attano

Ca buddhasāsanassa ca yathābhūtaṃ guṇaṃ pakāsetvā bhāsitaṃ. Tatthāvuso paṭhamaṃ porāṇakehi mahākassapādīhi dhammasaṃgāhakehi theravarehi saṃgītaṃ āḷavikāsuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – sāvatthiyaṃ bhante māraṃ pāpimantaṃ ārabha ālavikāya bhikkhuniyā bhāsitaṃ. Māro bhante pāpimā ālavikāya bhikkhuniyā bhayaṃ chambhitattaṃ lomahaṃsaṃ uppādetukāmo vivekamhā cāvetukāmo ālavikaṃ bhikkhuniṃ gāthāya ajjhabhāsi—

“Natthi nissaraṇaṃ loke, kiṃ vivekena kāhasi;
Bhuñjassa kāmaratiyo, māhu pacchānutāpini’”ti.

Tasmiṃ bhante vatthusmiṃ—

“Atthi nissaraṇaṃ loke, paññāya me suphussitaṃ;
Pamattabandhu pāpima, na tvaṃ jānāsi taṃ padaṃ;
Sattisūlūpamā kāmā, khandhāsaṃ adhikuṭṭanā;
Yaṃ tvaṃ kāmaratiṃ brūsi, arahi mayha sā ahū’”ti.

Evam kho bhante ālavikāya bhikkhuniyā bhāsitaṃ.

Natthi nissaraṇaṃ loke, kiṃ vivekena kāhasi;
Bhuñjassu kāmaratiyo, māhu pacchānutāpini-hu—

Atthi nissaraṇaṃ loke, paññāya me suphussitaṃ;
Pamattabandhu pāpima, na tvaṃ jānāsi taṃ padaṃ.

Sattisūlūpamā kāmā, khandhāsaṃ adhikuṭṭanā;
Yaṃ tvaṃ kāmaratiṃ brūsi, arati mayha sā ahū—

Somāsutta

Pucchā – somāsuttaṃ panāvuso kattha kaṃ ārabha kismiṃ vatthusmiṃ kena kathaṅca bhāsitaṃ.

Vissajjanā – sāvatthiyaṃyeva bhante andhavane māraṃ pāpimantaṃ ārabha somāya bhikkhuniyā bhāsitaṃ. Māro bhante pāpimā somāya bhikkhuniyā bhayaṃ chambhitattaṃ lomahaṃsaṃ uppādetukāmo samādhimhā cāvetukāmo somaṃ bhikkhuniṃ gāthāya ajjhabhāsi.

“Yaṃ taṃ isihi pattabbaṃ, ṭhānaṃ durabhisambhavaṃ;
Na taṃ dvaṅgulapaññāya, sakkā pappotumitthiyā’”ti.

Tasmiṃ bhante vatthusmiṃ—

“Itthibhāvo kiṃ kayirā, cittaṃhi susamāhite;
Ñāṇaṃhi vattamānamhi, sammā dhammaṃ vipassato;
Yassa nūna siyā evaṃ, itthāhaṃ purisoti vā;
Kiñci vā pana aññasmi, taṃ māro vattumarahatī’”ti.

Evam kho bhante somāya bhikkhuniyā ariyasāvikāya bhāsitaṃ.

Yaṃ taṃ isihi pattabbaṃ, ṭhānaṃ durabhisambhavaṃ;
Na taṃ dvaṅgulapaññāya, sakkā pappotumitthiyā—

Itthi bhāvo kiṃ kayirā, cittaṃhi susamāhite;
Ñāṇaṃhi vatta mānamhi, sammā dhammaṃ vipassato.

Yassa nūna siyā evaṃ, itthāhaṃ purisoti vā;
Kiñci vā pana aññasmi, taṃ māro vattumarahati.

Kisāgotamīsutta

Pucchā – tatthāvuso kisāgotamīsuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – sāvatthiyaṃyeva bhante andhavane māraṃ pāpimantaṃ ārabba kisāgotamiyā bhikkhuniyā theriyā bhāsitaṃ. Māro bhante pāpimā kisāgotamiyā bhikkhuniyā bhayaṃ chambhitattaṃ lomahaṃsaṃ uppādetukāmo samādhimhā cāvetukāmo kisāgotamiṃ bhikkhuniṃ gāthāya ajjhabhāsi–

“Kiṃ nu tvaṃ mataputtāva, ekamāsi rudammukhī;
Vanamajjhagatā ekā, purisaṃ nu gavesasi”’ti.

Tasmiṃ bhante vatthusmiṃ–

Accantaṃ mataputtāmhi, purisā ekadantikā;
Na socāmi na rodāmi, na taṃ bhāyāmi āvuso.

Sabbattha vihatā nandī, tamokkhandho padālito;
Jevāna maccuno senaṃ, viharāmi anāsavā”’ti.

Evaṃ kho bhante kisāgotamiyā bhikkhuniyā bhāsitaṃ.

Kiṃ nu tvaṃ mataputtāva, ekamāsi rudammukhī;
Vanamajjhagatā ekā, purisaṃ nu gasesasi-hu–

Accantaṃ mataputtāmhi, purisā etadantikā;
Na socāmi na rodāmi, na taṃ bhāyāmi āvuso.

Sabbattha vihatā nandī, tamokkhandho padālito;
Jevāna maccuno senaṃ, viharāmi anāsavā.

Uppalavaṇṇāsutta

Pucchā – tatthāvuso porāṇehi saṃgītikāramahātheravarehi saṃgītaṃ uppalavaṇṇasuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – sāvatthiyaṃyeva bhante andhavane māraṃ pāpimantaṃ ārabba uppalavaṇṇāya bhikkhuniyā bhāsitaṃ. Māro bhante pāpimā uppalavaṇṇāya bhikkhuniyā bhayaṃ chambhitattaṃ lomahaṃsaṃ uppādetukāmo samādhimhā cāvetukāmo uppalavaṇṇaṃ bhikkhuniṃ gāthāya ajjhabhāsi–

“Supupphitaggaṃ upagamma bhikkhuni, ekā tuvaṃ tiṭṭhasi sālamūle. Na catthi te dutiyā vaṇṇadhātu, bāle na tvaṃ bhāyasi dhuttakāna”’nti.

Tasmiṃ bhante vatthusmiṃ–

“Sataṃ sahasānīpi dhuttakānaṃ,
Idhāgatā tādisakā bhavēyyuṃ;

Lomaṃ na iñjāmi na santasāmi,
Na māra bhāyāmi tamekikāpi.

Esā antaradhāyāmi, kucchiṃ vā pavisāmi te;
Pakhumantarikāyampi, tiṭṭhantiṃ maṃ na dakkhasi.

Cittasmiṃ vasībhūtāmi, iddhipādā subhāvitā;
Sabbabandhanamuttāmi, na taṃ bhāyāmi āvuso’’ti.

Evam kho bhante uppalavaṇṇāya bhikkhuniyā bhāsitaṃ.

Cālāsutta

Pucchā – tatthāvuso cālāsuttaṃ kattha kaṃ ārabba kismiṃ vatthusmiṃ kena kathaṇca bhāsitaṃ.

Vissajjanā – sāvatthiyaṃ bhante andhavane māraṃyeva pāpimantaṃ ārabba cālāya bhikkhuniyā ariyasāvīkāya bhāsitaṃ. Māro bhante pāpimā cālaṃ bhikkhuniṃ upasaṅkamtivā etadavoca ‘‘kiṃ nu tvaṃ bhikkhuni na rocesi’’ti. Jātiṃ khvāhaṃ āvuso na rocemī’’ti.

Kiṃ nu jātiṃ na rocesi, jāto kāmāni bhuñjati;
Ko nu taṃ idamādapayi, jātiṃ mā roca bhikkhunīti.

Tasmiṃ bhante vatthusmiṃ–

Jātassa maraṇaṃ hoti, jāto dukkhāni phussati;
Bandhaṃ vadhaṃ pariklesaṃ, tasmā jātiṃ na roca.

Buddho dhammadesesi, jātiyā samatikkamaṃ;
Sabbadukkhappahānāya, so maṃ sacce nivesayi.

Ye ca rūpūpagā sattā, ye ca arūpaṭṭhāyino;
Nirodhaṃ appajānantā, āgantāro punabbhavanti.

Evam kho bhante cālāya bhikkhuniyā bhāsitaṃ.

Kiṃ nu jātiṃ na rocesi, jāto kāmāni bhuñjati;
Ko nu taṃ idamādapayi, jātiṃ mā roca bhikkhunī.

Jātassa maraṇaṃ hoti, jāto dukkhāni phussati;
Bandhaṃ vadhaṃ pariklesaṃ, tasmā jātiṃ na roca.

Buddho dhammadesesi, jātiyā samatikkamaṃ,
Sabbadukkhappahānāya, so maṃ sacce nivesayi.

Selāsutta

Pucchā – tatthāvuso selāsuttaṃ kattha kaṃ ārabba kismiṃ vatthusmiṃ kena kathaṇca bhāsitaṃ.

Vissajjanā – sāvatthiyaṃ bhante māraṃyeva pāpimantaṃ ārabba selāya bhikkhuniyā ariyasāvīkāya bhāsitaṃ. Māro bhante pāpimā selāya bhikkhuniyā bhayaṃ chambhitattaṃ lomahaṃsaṃ

uppādetukāmo samādhimhā cāvetukāmo selaṃ bhikkhuniṃ gāthāya ajjhabhāsi—

Kenidaṃ pakataṃ bimbaṃ, kvanu bimbassa kāraḷo;
Kvanu bimbaṃ samuppannaṃ, kvanu bimbaṃ nirujjhatīti.

Tasmiṃ bhante vatthusmiṃ—

Nayidaṃ attakataṃ bimbaṃ, nayidaṃ parakataṃ aghaṃ;
Hetuṃ paṭicca sambhūtaṃ, hetubhaṅgā nirujjhatīti.

Evamādinā bhante selāya bhikkhuniyā bhāsitaṃ.

Kenidaṃ pakataṃ bimbaṃ, kvanu bimbassa kāraḷo;
Kvanu bimbaṃ samuppannaṃ, kvanu bimbaṃ nirujjhati-hu—

Nayidaṃ attakataṃ bimbaṃ, nayidaṃ parakataṃ aghaṃ;
Hetuṃ paṭicca sambhūtaṃ, hetubhaṅgā nirujjhati.

Vajirāsutta

Pucchā – tathāvuso porāṇakehi mahākassapādīhi dhammasaṃgāhakatheravarehi saṃgītaṃ vajirāsuttaṃ kattha kaṃ ārabha kena kathaṇca bhāsitaṃ.

Vissajjanā – sāvatthiyaṃ bhante māraṃ pāpimantaṃ ārabha vajirāya theriyā bhikkhuniyā bhāsitaṃ. Māro bhante pāpimā purimanayeneva vajiraṃ bhikkhuniṃ gāthāya ajjhabhāsi—

Kenāyaṃ pakato satto, kuvaṃ sattassa kāraḷo,
Kuvaṃ satto samuppanno, kuvaṃ satto nirujjhatīti.

Tasmiṃ bhante vatthusmiṃ—

Kiṃ nu sattoti pacesi, māraditṭhigataṃ nu te;
Suddhasaṅkhārapuñjayaṃ, nayidha sattupalabbhati.

Yathā hi aṅgasambhārā, hoti saddo ratho iti;
Evaṃ khandhesu santesu, hoti sattoti sammuti.

Dukkameva hi sambhoti, dukkhaṃ tiṭṭhati veti ca,
Nāññatra dukkhā sambhoti, nāññaṃ dukkhā nirujjhatīti.

Evaṃ kho bhante vajirāya bhikkhuniyā bhāsitaṃ.

Kenāyaṃ pakato satto, kuvaṃ sattassakāraḷo;
Kuvaṃ satto samuppanno, kuvaṃ satto nirujjhati-hu—

Kiṃ nu sattoti pacesi, māra ditṭhigataṃ nu te;
Suddhasaṅkhārapuñjayaṃ, nayidha sattupalabbhati.

Brahmasaṃyutta

Gāravasutta

Pucchā – brahmasaṃyutte āvuso porāṇehi mahākassapatherādīhi dhammasaṃgāhakatheravarehi dutiyaṃ saṃgītaṃ gāravasuttaṃ kattha kathaṅca samuppannaṃ.

Vissajjanā – uruvelāyaṃ bhante samuppannaṃ. Bhagavā bhante uruvelāyaṃ viharati najjā nerañjarāya tīre ajapālanigrodhamūle paṭhamābhisambuddho. Atha kho bhagavato rahogatassa paṭisallīnassa evaṃ cetaso parivītakko udapādi “dukkhaṃ kho agāravo viharati appatisso, kaṃ nu khvāhaṃ samaṇaṃ vā brāhmaṇaṃ vā sakkatvā garuṃ katvā upanissāya vihareyya”nti.

Atha kho bhante bhagavato etadahosi “aparipuṇṇassa kho sīlakkhandhassa pāripūriyā aññaṃ samaṇaṃ vā brāhmaṇaṃ vā sakkatvā garuṃ katvā upanissāya vihareyyuṃ, na kho panāhaṃ passāmi sadevake loke samārake sabrahmake sassamaṇabrāhmaṇiyā pajāya sadevamanussāya attanā sīlasampannatarāṃ aññaṃ samaṇaṃ vā

Brāhmaṇaṃ vā, yamaṃ sakkatvā garuṃ katvā upanissāya vihareyyuṃ.

Aparipuṇṇassa kho samādhikkhandhassa;
Aparipuṇṇassa kho paññākkhandhassa;
Aparipuṇṇassa kho vimuttikkhandhassa.

Aparipuṇṇassa kho vimuttiñāḍadassanakkhandhassa pāripūriyā aññaṃ samaṇaṃ vā brāhmaṇaṃ vā sakkatvā garuṃ katvā upanissāya vihareyyaṃ. Na kho panāhaṃ passāmi sadevake loke samārake sabrahmake sassamaṇabrāhmaṇiyā pajāya sadevamanussāya attanā vimuttiñāḍadassanasampannatarāṃ aññaṃ samaṇaṃ vā brāhmaṇaṃ vā, yamaṃ sakkatvā garuṃ katvā upanissāya vihareyyaṃ. Yaṃnūnāhaṃ yvāyaṃ dhammo mayā abhisambuddho, tameva dhammaṃ sakkatvā garuṃ katvā upanissāya vihareyya”nti. Evaṃ kho bhante bhagavato cetaso parivītakavasena uppannaṃ.

Ye ca atītā sambuddhā, ye ca buddhā anāgatā;
Yo cetaṛahi sambuddho, bahūnaṃ sokaṇāsano;
Sabbe saddhammagaruno, vihaṃsu viharanti ca;
Tathāpi viharissanti, esā buddhāna dhammatā.

Tasmā hi attakāmena, mahattamabhikaṅkhatā;
Saddhammo garukātabbo, saraṃ buddhāna sāsanaṃ.

Aññaratabrahmasutta

Pucchā- tathāvuso porāṇakehi mahākassapādīhi dhammasaṃgāhakatheravarehi paṭhamaṃ saṃgītaṃ aññaratabrahmasuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – brahmaloke bhante aññatarāṃ brahmānaṃ ārabba āyasmatā mahāmoggallānattherena bhāsitaṃ. Aññatarassa bhante brahmuno evarūpaṃ pāpakaṃ diṭṭhigataṃ uppannaṃ hoti “natthi so samaṇo vā brāhmaṇo vā, yo idha āgaccheyyā”ti. Tasmīṃ bhante vatthusmiṃ–

Ajjāpi te āvuso sā diṭṭhi, yā te diṭṭhi pure ahu;
Passasi vītivattantaṃ, brahmaloke pabhassaranti;
Evaṃ kho bhante āyasmatā mahāmoggallānattherena bhāsitaṃ.

Ajjāpi te āvuso sā diṭṭhi, yā te diṭṭhi pure ahu;

Passasi vītivattanta, brahmaloke pabhassaraṃ-hu-

Na me mārisa sā diṭṭhi, yā me diṭṭhi pure ahu;
Passāmi vītivattantaṃ, brahmaloke pabhassaraṃ;
Svāhaṃ aja kathaṃ vajjaṃ, ahaṃ niccomhi sassato hu-

Tevijjā iddhipattā ca, cetopariyāya kovidā;
Khīṇāsavā arahanto, bahū buddhassa sāvaka-hu-

Aruṇavatīsutta

Pucchā – tatthāvuso aruṇavatīsuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “bhūtapubbaṃ bhikkhave rājā ahoṣi aruṇavā nāma. Rañño kho pana bhikkhave aruṇavato aruṇavatī nāma rājadhānī ahoṣī”ti evamādinā bhante bhagavatā aruṇavatī suttaṃ bhāsitaṃ.

Ārambhatha nikkamatha, yuñjatha buddhasāsane;
Dhunātha maccuno senaṃ, naḷāgāraṃva kuñjaro;
Yo imasmiṃ dhammavinaye, appamatto vihassati;
Pahāya jāti saṃsāraṃ, dukkhassantaṃ karissati-hu-

Brāhmaṇasaṃyutta

Dhanañjānīsutta

Pucchā – brāhmaṇasaṃyutte āvuso paṭhamaṃ saṃgītaṃ dhanañjānīsuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – rājagahe bhante bhāradvājagottaṃ brāhmaṇaṃ ārabba bhāsitaṃ. Bhāradvājagotto bhante brāhmaṇo bhagavantaṃ upasaṅkamitvā gāthāya ajjhabhāsi.

“Kiṃ su chetvā sukhaṃ seti,
Kiṃ su chetvā na socati;
Kissassu ekadhammassa,
Vadhaṃ rocesi gotamā”ti-

Tasmiṃ bhante vatthusmiṃ-

“Kodhaṃ chetvā sukhaṃ seti;
Kodhaṃ chetvā na socati;
Kodhassa visamūlassa,
Madhuraggassa brāhmaṇa;
Vadhaṃ ariyā pasamsanti,
Tañhi chetvā na socatī”ti;

Evam kho bhante bhagavatā bhāsitaṃ.

Kiṃ su chetvā sukhaṃseti, kiṃ su chetvā na socati;
Kissassu ekadhammassa, vadhaṃ rocesi gotama-

Pucchā – imañca panāvuso dhammadesanaṃ sutvā bhāradvājagotto brāhmaṇo imasmiṃ dhammavinaye pasanno kīdisaṃ pasannākāramakāsi, kīvattakañca atthaṃ sampādesi.

Vissajjanā – imañca pana bhante dhammadesanaṃ sutvā bhāradvājagotto brāhmaṇo “‘abhikkantaṃ bho gotama, abhikkantaṃ bho gotama, seyyathāpi bho gotama nikkujjitaṃ vā ukkujjeyya, paṭicchannaṃ vā vivareyya, mūlhasa vā maggaṃ ācikkheyya, andhakāre vā telapajjotaṃ dhāreyya cakkhumanto rūpāni dakkhanti”’ti evamādinā bhante imasmiṃ dhammavinaye pasanno pasannākāramakāsi. Imañca pana bhante dhammadesanaṃ sutvā bhāradvājagotto brāhmaṇo bhagavato santike pabbajjaṃ upasampadaṃ yācivā acirūpasampanno yāva arahattaṃ sampādesi.

Akkosasutta

Pucchā – akkosakabhāradvājasuttaṃ panāvuso bhagavatā kattha kaṃ ārabba kismiṃ vatthusmiṃ kathaṃca bhāsitaṃ.

Vissajjanā – rājagahe bhante akkosakabhāradvājaṃ brāhmaṇaṃ ārabba bhāsitaṃ. Akkosakabhāradvājo bhante brāhmaṇo bhagavantaṃ upasaṅkamitvā asabbhāhi pharusāhi vācāhi bhagavantaṃ akkosati paribhāsati. Tasmīṃ bhante vatthusmiṃ “‘taṃ kiṃ maññasi brāhmaṇa, api nukho te āgacchanti mittāmaccā ñātisālohitā atitīyo”’ti evamādinā bhante bhagavatā bhāsitaṃ.

Akkodhassa kuto kodho,
Dantassa samajīvino;
Sammadaññā vimuttassa,
Upasantassa tādino.

Tasseva tena pāpiyo,
Yo kuddhaṃ paṭikujjhati;
Kuddhaṃ appaṭikujjhanto,
Saṅgāmaṃ jetaṃ dujjayaṃ.

Ubhinnamatthaṃ carati,
Attano ca parassa ca;
Paraṃ saṅkupitaṃ ñatvā,
Yo sato upasammati.

Ubhinnaṃ tikicchantaṃ,
Attano ca parassa ca;
Janā maññanti bāloti,
Ye dhammassa akovidā.

Pucchā – imañca panāvuso dhammadesanaṃ sutvā akkosakabhāradvājo brāhmaṇo imasmiṃ dhammavinaye pasanno kīdisaṃ pasannākāramakāsi. Kīvattakañca atthaṃ sampādesi.

Vissajjanā – imañca pana bhante dhammadesanaṃ sutvā akkosakabhāradvājo brāhmaṇo “‘abhikkantaṃ bho gotama, abhikkantaṃ bho gotamā”’ti evamādinā imasmiṃ dhammavinaye pasanno pasannākāramakāsi. Yāva arahattā ca pana mahantaṃ atthaṃ sampādesi.

Bahudhītarasutta

Pucchā – tenāvuso bhagavatā jānatā...pe... sammāsambuddhena brāhmaṇasaṃyutte bahudhītarasuttaṃ kattha kaṃ ārabba kismiṃ vatthusmiṃ kathaṃca bhāsitaṃ.

Vissajjanā – kosalesu bhante aññatarasmiṃ vanasaṅḍe aññataraṃ bhāradvājagottaṃ brāhmaṇaṃ ārabha bhāsitaṃ. Aññataro bhante bhāradvājagotto brāhmaṇo goṇe naṭṭhe pariyesanto bhagavato santike imā gāthāyo abhāsi.

“Na hi nūnimassa samaṇassa, balībaddā catuddasa;
Ajjasaṭṭhiṃ na dissanti, tenāyaṃ samaṇo sukhī;
Na hi nūnimassa samaṇassa, tilākhettasmi pāpakā;
Ekapaṇṇā dupaṇṇā ca, tenāyaṃ samaṇo sukhī.

(Peyyāla)

Na hi nūnimassa samaṇassa, paccūsamhi iṇāyikā;
Detha dethāti codenti, tenāyaṃ samaṇo sukhī’'ti.

Tasmiṃ bhante vatthusmiṃ–

Na hi mayhaṃ brāhmaṇa, balībaddā catuddasa;
Ajjasaṭṭhiṃ na dissanti, tenāhaṃ brāhmaṇā sukhī;
Na hi mayhaṃ brāhmaṇa, tilākhettasmi pāpakā;
Ekapaṇṇā dupaṇṇā ca, tenāhaṃ brāhmaṇā sukhī.

(Peyyāla)

Na hi mayhaṃ brāhmaṇa, paccūsamhi iṇāyikā;
Detha dethāti codenti, tenāhaṃ brāhmaṇā sukhīti.

Evam kho bhante bhagavatā bhāsitaṃ.

(1)

Na hi nūnimassa samaṇassa, balībaddā catuddasa;
Ajjasaṭṭhiṃ na dissanti, tenāhaṃ samaṇo sukhī.

(2)

Na hi nūnimassa samaṇassa, tilākhettasmi pāpakā;
Ekapaṇṇā dupaṇṇā ca, tenāyaṃ samaṇo sukhī.

(3)

Na hi nūnimassa samaṇassa, tucchakoṭṭhasmi mūsikā;
Ussolhikāya naccanti, tenāyaṃ samaṇo sukhī.

(4)

Na hi nūnimassa samaṇassa, santhāro sattamāsiko;
Uppātakehi sañchanno, tenāyaṃ samaṇo sukhī.

(5)

Na hi nūnimassa samaṇassa, vidhavā satta dhītarō;
Ekaputtā duputtā ca, tenāyaṃ samaṇo sukhī.

(6)

Na hi nūnimassa samaṇassa, piṅgalā tilakāhatā;
Sottaṃ pādena bodheti, tenāyaṃ samaṇo sukhī.

(7)

Na hi nūnimassa samaṇassa, paccūsami iṇāyikā;
Detha dethāti codenti, tenāyaṃ samaṇo sukhī.

(1)

Na hi mayhaṃ brāhmaṇa, balībaddā catuddasa;
Ajjasatthiṃ na dissanti, tenāhaṃ brāhmaṇā sukhī.

(2)

Na hi mayhaṃ brāhmaṇa, tilākhettasmi pāpakā;
Ekapaṇṇā dupaṇṇā ca, tenāhaṃ brāhmaṇā sukhī.

(3)

Na hi mayhaṃ brāhmaṇa, tucchakoṭṭhasmi mūsikā;
Usoḷhikāya naccanti, tenāhaṃ brāhmaṇā sukhī.

(4)

Na hi mayhaṃ brāhmaṇa, santhāro sattamāsiko;
Uppātakehi sañchanno, tenāhaṃ brāhmaṇā sukhī.

(5)

Na hi mayhaṃ brāhmaṇa, vidhavā satta dhītarō;
Ekaputtā duputtā ca, tenāhaṃ brāhmaṇā sukhī.

(6)

Na hi mayhaṃ brāhmaṇa, piṅgalā tilakāhatā;
Sottaṃ pādena bodheti, tenāhaṃ brāhmaṇā sukhī.

(7)

Na hi mayhaṃ brāhmaṇa, paccūsamhi iṇāyikā;
Detha dethāti codenti, tenāhaṃ brāhmaṇā sukhī.

Pucchā – imaṅca paṇāvuso dhammadesanaṃ sutvā so bhāradvājagotto brāhmaṇo imasmiṃ
dhammavinaye pasanno kīdisaṃ pasannākāramakāsi. Kīva mahantaṅca imasmiṃ dhammavinaye atthaṃ

sampādesi.

Vissajjanā – imañca pana bhante dhammadesanaṃ sutvā so bhāradvājagotto brāhmaṇo “‘abhikkantaṃ bho gotama abhikkantaṃ bho gotama, seyyathāpi bhogotama, nikkujjitaṃ vā ukkujjeyya, paṭicchannaṃ vā vivareyya, mūlhasa vā maggaṃ ācikkheyya, andhakāre vā telapajjotaṃ dhāreyya, cakkhumanto rūpāni dukkhantī’”ti evamādinā imasmi dhammavinaye pasanno pasannākāramakāsi. Bhagavato ca santike “‘labheyyāhaṃ bhoto gotamassa santike pabbajaṃ, labheyyaṃ upasampada’”nti evamādinā pabbajjaṃ upasampadaṃ yācitvā acirūpasampanno yāva arahattā mahantaṃ visesaṃ sampādesi.

Kasibhāradvājasutta

Pucchā – tathāvuso ekādasamaṃ mahākassapādīhi porāṇadhammasaṃgāhakatherehi saṃgītaṃ kasibhāradvājasuttaṃ bhagavatā kattha kaṃ ārabba kismiṃ vatthusmiṃ kathañca bhāsitaṃ.

Vissajjanā – magadhesu bhante dakkhiṇāgirismiṃ ekanālayaṃ brāhmaṇagāme kasibhāradvājaṃ brāhmaṇaṃ ārabba bhāsitaṃ. Kasibhāradvājo bhante brāhmaṇo bhagavantaṃ gāthāya ajjhabhāsi.

“Kassako paṭijānāsi, na ca passāmi te kasiṃ. Kassako pucchito brūhi, kathaṃ jānemu taṃ kasi’”nti. Tasmīṃ bhante vatthusmiṃ–

“Saddhā bījaṃ tapo vuṭṭhi, paññā me yuganaṅgalaṃ;
Hirī isā mano yottaṃ, sati me phālapācanaṃ.

Kāyagutto vacīgutto, āhāre udare yato;
Saccaṃ karomi niddānaṃ, soraccaṃ me pamocanaṃ.

Vīriyaṃ me dhuradhorayaṃ, yogakkhemādhivāhanaṃ;
Gacchati anivattantaṃ, yattha gantvā na socati.

Evamesā kasī kaṭṭhā, sā hoti amatapphalā;
Etaṃ kasiṃ kasitvāna, sabbadukkhā pamuccatī’”ti.

Evam kho bhante bhagavatā bhāsitaṃ.

Kassako paṭijānāsi, na ca passāmi te kasiṃ;
Kassako pucchito brūhi, kathaṃ jānemu taṃ kasiṃ.

Saddhā bījaṃ tapo vuṭṭhi, paññā me yuganaṅgalaṃ;
Hirī isā mano yottaṃ, sati me phālapācanaṃ.

Pucchā – imañca panāvuso dhammadesanaṃ sutvā so kasibhāradvājo brāhmaṇo imasmiṃ dhammavinaye pasanno kīdisaṃ pasannākāramakāsi.

Vissajjanā – imañca pana bhante dhammadesanaṃ sutvā kasibhāradvājo brāhmaṇo “‘abhikkantaṃ bho gotama, abhikkantaṃ bho gotamā’”tievamādinā imasmiṃ dhammavinaye pasanno pasannākāramakāsi.

Seyyathāpi bho gotama ukkujjitaṃ vā nikkujjeyya.

Udayasutta

Pucchā – udayasuttaṃ panāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante udayaṃ brāhmaṇaṃ ārabba bhāsitaṃ. Udayo bhante brāhmaṇo bhagavantaṃ etadavoca “pakaṭṭhakoyaṃ samaṇo gotamo punappunaṃ āgacchati”ti. Tasmim bhante vatthusmiṃ–

Punappunañceva vapanti bījaṃ, punappunaṃ vassati devarājā;
Punappunaṃ khettaṃ kasanti kassakā, punappunaṃ dhaññaṃ upeti raṭṭhaṃ.

Evamādinā bhante bhagavatā bhāsitaṃ.

Punappunaṃ ceva vapanti bījaṃ, punappunaṃ vassati deva rājā;
Punappunaṃ khettaṃ kasanti kassakā, punappunaṃ dhaññaṃ upeti raṭṭhaṃ.

Punappunaṃ yācakā yācayanti, punappunaṃ dānapatī dadanti;
Punappunaṃ dānapatī daditvā, punappunaṃ saggamupeti ṭhānaṃ.

Punappunaṃ khīranikā duhanti, punappunaṃ vaccho upeti mātaraṃ;
Punappunaṃ kilamati phandati ca, punappunaṃ gabbhamupeti mando.

Punappunaṃ jāyati mīyati ca, punappunaṃ sivathikaṃ haranti;
Maggaṅca laddhā apunabbhavāya, na punappunaṃ jāyati bhūripañño-hu–

Mātuposakasutta

Pucchā – mātuposakasuttaṃ panāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante mātuposakaṃ brāhmaṇaṃ ārabba bhāsitaṃ. Mātuposako bhante brāhmaṇo bhagavantaṃ etadavoca “ahañhi bho gotama dhammena bhikkhaṃ pariyesāmi, dhammena bhikkhaṃ pariyesitvā mātāpitaro posemi, kaccāhaṃ bho gotama evaṃkārī kiccakārī homī”ti, tasmim bhante vatthusmiṃ “taggha tvam brāhmaṇa evaṃkārī kiccakārī hosi, yo kho brāhmaṇa dhammena bhikkhaṃ pariyesati, dhammena bhikkhaṃ pariyesitvā mātāpitaro poseti, bahuṃ so puññaṃ pasavati”ti evamādinā bhante bhagavatā bhāsita.

Yo mātaraṃ vā pitaraṃ vā, macco dhammena posati;
Tāya naṃ pāricariyāya, mātāpitūsu paṇḍitā;
Idheva naṃ pasamsanti, pecca sagge pamodati–

Khomadussasutta

Pucchā – tenāvuso bhagavatā...pe... sammāsambuddhena brāhmaṇasaṃyutte khomadussasuttaṃ kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sakkesu bhante khomadusse nāma sakyānaṃ nigame khomadussake brāhmaṇagahapatike ārabba bhāsita, khomadussakā bhante brāhmaṇagahapatikā bhagavantaṃ etadavocum “ke ca muṇḍakā samaṇakā, ke ca sabhādhammaṃ jānissanti”ti.

Tasmiṃ bhante vatthusmiṃ–

“Nesā sabhā yattha na santi santo,
Santo na te ye na vadanti dhammaṃ;
Rāgañca dosañca pahāya moḥaṃ,
Dhammaṃ vadantā ca bhavanti santo”’ti.

Evam kho bhante bhagavatā bhāsitaṃ.

Nesā sabhā yattha nasanti santo,
Santo na te ye na vadanti dhammaṃ;
Rāgañca dosañca pahāya moḥaṃ,
Dhammaṃ vadantā ca bhavanti santo–

Vaṅḡsasamṃyutta

Ānandasutta

Pucchā – vaṅḡsasamṃyutte paṇāvuso catutthaṃ saṃḡgītaṃ ānandasuttaṃ katthakaṃ ārabba kismiṃ vatthusmiṃ kena kathaṇca bhāsitaṃ.

Vissajjana – sāvatthiyaṃ bhante āyasmantaṃ vaṅḡsattheraṃ ārabba āyasmatā ānandattherena dhammabhaṇḍāgārikaṇa bhāsitaṃ. Āyasmatā bhante vaṅḡso āyasmantaṃ ānandaṃ gāthāya ajjhabhāsi–

“Kāmarāgena ḍayhāmi, cittaṃ me pariḍayhati;
Sādhu nibbāpanaṃ brūhi, anukampāya gotamā”’ti.

Tasmiṃ bhante vatthusmiṃ–

“Saññāya vipariyesā, cittaṃ te pariḍayhati;
Nimittaṃ parivajjehi, subhaṃ rāgūpasamḡhitaṃ;
Saṅkhāre parato passa, dukkhato mā ca attato;
Nibbāpehi mahārāgaṃ, mā ḍayhittho punappaṇaṃ;
Asubhāya cittaṃ bhāvehi, ekaggaṃ susamāhitaṃ;
Sati kāyagatā tyatthu, nibbidābahulo bhava;
Animittaṇca bhāvehi, mānānusayamujjaha;
Tato mānābhisamayā, upasanto carissasī”’ti.

Evam kho bhante āyasmatā ānandattherena dhammabhaṇḍāgārikaṇa bhāsitaṃ.

Kāmarāgena ḍayhāmi, cittaṃ me pariḍayhati;
Sādhu nibbāpanaṃ brūhi, anukampāya gotama–

Saññāya vipariyesā, cittaṃ te pariḍayhati;
Nimittaṃ parivajjehi, subhaṃ rāgūpasamḡhitaṃ.

Saṅkhāre paratopassa, dukkhato mā ca attato;
Nibbāpehi mahārāgaṃ, mā ḍayhittho punappaṇaṃ.

Asubhāya cittaṃ bhāvehi, ekaggaṃ susamāhitaṃ;

Sati kāyagatā tyatthu, nibbidābahulo bhava.

Animittañca bhāvehi, mānānusayamujjaha;
Tato mānābhisamayā, upasanto carissasi.

Vaṅgīsasutta

Pucchā – tattha āvuso dvādasamaṃ vaṅgīsasuttaṃ kattha kena kathañca bhāsitaṃ.

Vissajjanā – sāvatthiyaṃ bhante āyasmatā vaṅgīsattherena acira arahattappattena vimuttisukhaṭṭisaṃvedinā–

“Kāveyyamattā vicarimha pubbe, gāmāgāmaṃ purāpuraṃ,
Athaddasāma sambuddhaṃ, saddhā no upapajjatha;
So me dhamma madesesi, khandhāyatana dhātuyo;
Tassāhaṃ dhammaṃ sutvāna, pabbajiṃ anagāriyaṃ;
Bahunnaṃ vata atthāya, bodhiṃ ajjhagamā muni;
Bhikkhūnaṃ bhikkhūnīnañca, ye niyāmagataddasā;
Svāgataṃ vata me āsi, mama buddhassa santike;
Tisso vijjā anuppattā, kataṃ buddhassa sāsaṇaṃ;
Pubbe nivāsaṃ jānāmi, dibbacakkhuṃ visodhitaṃ;
Tevijjo iddhipattomhi, cetopariyāya kovido.

Evam kho bhante udānavasena bhāsitaṃ.

Kāveyya mattā vicarimha pubbe; Gāmāgāmaṃ purāpuraṃ,
Athaddasāma sambuddhaṃ, saddhā no upapajjatha.

So me dhammamadesesi, khandhāyatana dhātuyo;
Tassāhaṃ dhammaṃ sutvāna, pabbajiṃ anagāriyaṃ.

Bahunnaṃ vata atthāya, bodhiṃ ajjhagamā muni;
Bhikkhūnaṃ bhikkhūnīnañca, ye niyāmagataddasā.

Svāgataṃ vata me āsi, mama buddhassa santike;
Tasso vijjā anuppattā, kataṃ buddhassa sāsaṇaṃ.

Pubbenivāsaṃ jānāmi; Dibbacakkhu visodhitaṃ;
Tevijjo iddhipattomhi, cetopariyāyakovido.

Vanasaṃyutta

Ānandasutta

Pucchā – vanasaṃyutte pañāvuso pañcamaṃ saṃgītaṃ ānandasuttaṃ kadā kattha kaṃ ārabha kismiṃ vatthusmiṃ kena kathañca bhāsitaṃ.

Vissajjanā – kosalesu bhante aññatarasmiṃ vanasaṇḍe aciraparinibbute bhagavati āyasmantaṃ ānandaṃ ārabha tasmiṃ vanasaṇḍe adhivatthāya devatāya bhāsitaṃ. Āyasmā bhante ānando aciraparinibbute bhagavati ativelaṃ gihisaññattibahulo viharati, tasmiṃ bhante vatthusmiṃ–

“Rukkhamūlagahanam pasakkiya,
Nibbānam hadayasmim opiya;
Jhāya gotama mā pamādo,
Kiṃ te biḷibiḷikā karissatī”ti.

Evam kho bhante vanasaṇḍe adhivatthāya devatāya āyasmato ānandattherassa anukampikāya atthakāmāya bhāsitaṃ.

Rukkhamūla gahanam pasakkiya, nibbānam hadayasmim opiya;
Jhāya gotama mā pamādo, kiṃ te biḷibiḷikā karissati-hu-

Yakkhasaṃyutta

Indakasutta

Pucchā – yakkhasaṃyutte panāvuso paṭhamam saṃgītam indakasuttam bhagavatā kattha kam ārabha kismim vatthusmim kathaṃca bhāsitaṃ.

Vissajjanā – rājagahe bhante indakūṭe pabbate indakassa yakkhassa bhavane indakam yakkham ārabha bhāsitaṃ. Indako bhante yakkho attavādo bhagavantam upasaṅkamitvā gāthāya ajjhabhāsi-

“Rūpam na jīvanti vadanti buddhā,
Katham nvayam vindatimam sarīram;
Kutassa aṭṭhīyakapiṇḍamebhi,
Katham nvayam sajjati gabbharasmi”nti.

Tasmim bhante vatthusmim-

“Paṭhamam kalalam hoti, kalalā hoti abbudam,
Abbudā jāyate pesi, pesi nibbattatī ghano;
Ghanā pasākhā jāyanti, kesā lomā nakhāpica;
Yañcassa bhuñjatī mātā, annam pānañca bhojanam;
Tena so tattha yāpeti, mātukucchigatonaro”ti.

Evam kho bhante bhagavatā bhāsitaṃ.

Ālavakasutta

Pucchā – tenāvuso bhagavatā...pe... sammāsambuddhena yakkhasaṃyutte ālavakasuttam kattha kam ārabha kismim vatthusmim kathaṃca bhāsitaṃ.

Vissajjanā – ālaviyam bhante ālavakassa yakkhassa bhavane ālavakam yakkham ārabha bhāsitaṃ. Ālavako bhante yakkho bhagavantam gāthāya ajjhabhāsi-

Kiṃ sūdhavittam purisassa seṭṭham,
Kiṃ su suciṇṇam sukhamāvahāti;
Kiṃ su have sādutaram rasānam,
Katham jīvim jīvitāmāhu seṭṭhanti.

Tasmim bhante vatthusmim-

Saddhīca vittaṃ purisassa seṭṭhaṃ,
Dhammo suciṇṇo sukhamāvahāti;
Saccaṃ have sādutaraṃ rasānaṃ,
Paññājīviṃ jīvitamāhu seṭṭhanti.

Evamādinā bhante bhagavatā bhāsitaṃ.

Na khvāhaṃ taṃ āvuso nikkhamissāmi, yaṃ te karaṇīyaṃ, taṃ karohi,

Pañhaṃ taṃ samaṇa pucchissāmi, sace me na byākarissasi, cittaṃ vā te khipissāmi, hadayaṃ vā te phālessāmi, pādesu vā gahetvā pāraṅgāya khipissāmi—

Kiṃ sūkha vittaṃ purisassa seṭṭhaṃ, kiṃ su suciṇṇaṃ sukhamāvahāti;
Kiṃ su have sādubharaṃ rasānaṃ, kathaṃ jīviṃ jīvitamāhu seṭṭhaṃ—

Saddhīdha vittaṃ purisassa seṭṭhaṃ, dhammo suciṇṇo sukhamāvahāti;
Saccaṃ have sādutaraṃ rasānaṃ, paññājīviṃ jīvitamāhu seṭṭhaṃ;

Kathaṃsu tarati oghaṃ, kathaṃsu tarati aṇṇavaṃ;
Kathaṃsu dukkha macceti, kathaṃsu parisujjhati.

Saddhāya tarati oghaṃ, appamādena aṇṇavaṃ;
Vīriyena dukkha macceti, paññāya parisujjhati—

Kathaṃsu labhate paññaṃ, kathaṃsu vindate dhaṇaṃ;
Kathaṃsu kittiṃ pappoti, kathaṃ mittāni ganthati;
Asmā lokā paraṃ lokam, kathaṃ pecca na socati—

Saddahāno arahataṃ, dhammaṃ nibbānapattiyā;
Sussūsaṃ labhate paññaṃ, appamatto vicakkhaṇo;
Patirūpakārī dhuravā, uṭṭhātā vindate dhaṇaṃ;
Saccena kittiṃ pappoti, dadaṃ mittāni ganthati;
Asmā lokā paraṃ lokam, evaṃ pecca na socati;
Yassete caturo dhammā, saddhassa gharamesino;
Saccaṃ dhammo dhiti cāgo, sa ve peccana socati—

Sakkasaṃyutta

Vatapadasutta

Pucchā – sakkasaṃyutte panāvuso vatapadasuttaṃ bhagavatā kattha kaṃ ārabha kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabha sakkassa bhikkhave devānamindassa pubbe manussabhūtaṃ satta vatapadāni samattāni samādināni ahesuṃ, yesaṃ samādinattā sakko sakkattaṃ ajjhagāti evamādinā bhante bhagavatā bhāsitaṃ.

Sakkassa bhikkhave devānamindassa pubbe manussabhūtaṃ imāni satta vatapadāni samattāni samādināni ahesuṃ.

Mātāpettibharam jantum, kule jetthāpacāyinaṃ;
 Saṅhaṃ sakhilasambhāsaṃ, pesuṇeyyappahāyinaṃ;
 Maccheravinaye yuttaṃ, saccaṃ kodhābhibhuṃ naraṃ;
 Taṃ ve devā tāvatimsā, āhu “sappuriso”iti.

Daliddasutta

Pucchā – daliddasuttaṃ panāvuso kattha kaṃ ārabba kathaṅca bhāsitaṃ. Vissajjanā. Rājagahe bhante sambahule bhikkhū ārabba “bhūtapubbaṃ bhikkhave aññataro puriso imasmimyeva rājagahe manussadaliddo ahosi manussakapaṇo manussavarāko, so tathāgatappavedite dhammavinaye saddhaṃ samādiyi, sīlaṃ, suttaṃ, cāgaṃ, paññaṃ samādiyi”ti evamādinā bhante bhagavatā bhāsitaṃ.

Yassa saddhā tathāgate, acalā suppatitthitā;
 Sīlaṅca yassa kalyāṇaṃ, ariyakantaṃ pasamsitaṃ.

Yajamānasutta

Pucchā – yajamānasuttaṃ panāvuso bhagavatā kattha kaṃ ārabba kismaṃ vatthusmiṃ kathaṅca bhāsitaṃ.

Vissajjanā – rājagahe bhante sakkaṃ devānamindaṃ ārabba bhāsitaṃ. Sakko bhante devānamindo bhagavantaṃ gāthāya ajjhabhāsi–

“Yajamānānaṃ manussānaṃ, puññapekkhāna pāṇinaṃ;
 Karotaṃ opadhikaṃ puññaṃ, kattha dinnaṃ mahapphala”nti.

Tasmim bhante vatthusmiṃ–

“Cattāro ca paṭipannā, cattāroca phale tthitā;
 Esa saṅho ujubhūto, paññāsīlasamāhito;
 Yajamānānaṃ manussānaṃ, puññapekkhāna pāṇinaṃ;
 Karotaṃ opadhikaṃ puññaṃ, saṅghe dinnaṃ mahapphalaṃ”nti.

Evam kho bhante bhagavatā bhāsitaṃ.

Yajamānānaṃ manussānaṃ, puññapekkhāna pāṇinaṃ,
 Karotaṃ opadhitaṃ puññaṃ, kattha dinnaṃ mahapphalaṃ–

Cattāro ca paṭipannā, cattāro ca phale tthitā;
 Esa saṅho ujubhūto, paññāsīlasamāhito;
 Yajamānānaṃ manussānaṃ, puññapekkhāna pāṇinaṃ;
 Karotaṃ opadhikaṃ puññaṃ, saṅghe dinnaṃ mahapphalaṃ–

Gahaṭṭhavandanāsutta

Pucchā – gahaṭṭhavandanāsuttaṃ panāvuso bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “bhūtapubbaṃ bhikkhave sakko devānamindo mātaliṃ saṅgāhakaṃ āmantesī”ti evamādinā bhante bhagavatā bhāsitaṃ.

Taṃ namassanti tevijjā, sabbe bhumkā khattiyā;
Cattāro ca mahārājā, tidasāca yasassino;
Athako nāma so yakkho, yaṃ tvaṃ sakka namassasi—

Ahañca sīlasampanne, cirarattasamāhite;
Sammāpabbajite vande, brahmacariyaparāyane.

Ye gahaṭṭhā puññakarā, sīlavanto upāsakā;
Dhammena dāraṃ posenti, te namassāmi mātali.

Nidānavaggapāḷi

Nidānasamyutta

Paṭiccasamuppādasutta

Pucchā – tenāvuso bhagavatā...pe... sammāsambuddhena nidānavaggasamyutte paṭhamam saṃgītam paṭiccasamuppādasuttam kattha taṃ ārabha kismiṃ vatthusmiṃ kathañca bhāsitam.

Vissajjanā – sāvatthiyam bhante pañcasate janapadavāsino bhikkhū ārabha bhāsitam. Pañcasatā bhante janapadavāsino bhikkhū sabbe ugghāṭitañño dhutaṅgadhara āradhavīriyā yuttayogā vipassakā saṅham sukhamaṃ suññatam paccayākāradhammadesanam patthayamānā bhagavantam abhivādetvā bhagavantam parivāretvā nisīdimsu. Tasmim vatthusmiṃ “paṭiccasamuppādam vo bhikkhave desessāmi, taṃ suññatha sādhuṃ manasi karotha, bhāsissāmi”ti evamādinā bhante bhagavatā bhāsitam.

Katamo ca bhikkhave paṭiccasamuppādo. Avijjāpaccayā bhikkhave saṅkhārā, saṅkhārapaccayā viññānam (peyyāla) jātipaccayā jarāmarāṇam sokaparidevadukkhadomanassupāsā sambhavanti, evametassa kevalassa dukkhandhassa samudayo hoti. Ayaṃ vuccati bhikkhave paṭiccasamuppādo.

Avijjāya tveva asesavirāganirodho saṅkhāranirodho (peyyāla) jātinirodhā jarāmarāṇam sokaparidevadukkhadomanassupāyāsā nirujjhanti, evametassa kevalassa dukkhakkhandhassa nirodho hoti –

Vibhaṅgasutta

Pucchā – tatthāvuso dutiyam saṃgītam vibhaṅgasuttam bhagavatā kattha kaṃ ārabha kismiṃ vatthusmiṃ kathañca bhāsitam.

Vissajjanā – sāvatthiyam bhante pañcasate janapadavāsino vipaṅcitanño bhikkhū ārabha bhāsitam. Pañcasatā bhante janapadavāsikā bhikkhū vipaṅcitanño dhutaṅgadhara āradhavīriyā yuttayogā vissakā saṅham sukhamaṃ suññatapaṭisamyuttam paccayākāradhammadesanam patthayamānā bhagavantam parivāretvā nisīdimsu. Tasmim vatthusmiṃ “paṭicca samuppādam vo bhikkhave dedessāmi vibhajissāmi, taṃ suññatha sādhuṃ manasikarotha, bhāsissāmi”ti evamādinā bhante bhagavatā bhāsitam.

Pañcaverabhayasutta

Pucchā – pañcaverabhayasuttam panāvuso bhagavatā kattha kaṃ ārabha kathañca bhāsitam.

Vissajjanā – sāvatthiyaṃ bhante anāthapiṇḍikaṃ gahapatiṃ ārabha ‘‘yato kho gahapati ariyasāvakaṃ pañca bhayāni verāni vūpasantāni honti, catūhi ca sotāpattiyaṅgehi samannāgato hoti, ariyo cassa ñāyo paññāya sudiṭṭho hoti suppaṭividdho, so ākankhamāno attanāva attānaṃ byākareyya khīṇanirayomi khīṇatiracchānayani khīṇapettivisayo khīṇāpāyaduggativinipāto, sotāpannohamasmi avinipātadhammo niyato sambodhiparāyano’’ti evaṃ kho bhante bhagavatā bhāsitaṃ.

Pucchā – kathañcāvusotattha bhagavatā ariyasāvakaṃ pañcannaṃ bhayānaṃ verānaṃ vūpasantatā pakāsitaṃ.

Vissajjanā – ‘‘katamāni pañca bhayāni verāni vūpasantāni honti. Yaṃ gahapati pāṇātipātī pāṇātipātapaccayā diṭṭhadhammikampi bhayaṃ veraṃ pasavati, samparāyikampi bhayaṃ veraṃ pasavati, cetasikampi dukkhaṃ domanassaṃ paṭisaṃvedayati. Pāṇātipātā ṭiviratassa evaṃ taṃ bhayaṃ veraṃ vūpasantaṃ hoti’’ti evamādinā bhante tattha bhagavatā ariyasāvakaṃ pañcannaṃ bhayānaṃ verānaṃ vūpasantatā pakāsitaṃ.

Pucchā – kathañcāvuso tattha bhagavatā ariyasāvakaṃ catūhi sotāpattiyaṅgehi samannāgatatā pakāsitaṃ.

Vissajjanā – katamehi catūhi sotāpattiyaṅgehi samannāgato hoti. Idha gahapati ariyasāvako buddhe aveccappasādena samannāgato hoti ‘‘itipiso bhagavā arahaṃ sammāsambuddho vijjācaraṇasampanno sugato lokavidū anuttaropurisadammasārathi satthādevamanussānaṃ buddho bhagavā’’ti evamādinā bhante tattha bhagavatā ariyasāvakaṃ catūhi sotāpattiyaṅgehi samannāgatatā pakāsitaṃ.

Pucchā – kathañcāvuso tattha bhagavatā ariyasāvakena ariyassa ñāyassa paññāya sudiṭṭhatā suppaṭividdhatā pakāsitaṃ.

Vissajjanā – katamo cassa ariyo ñāyo paññāya sudiṭṭho hoti suppaṭividdho. Idha gahapati ariyasāvako paṭiccasamuppādañeva sādhukaṃ yoniso manasi karoti ‘‘iti imasmiṃ sati idaṃ hoti, imasmiṃ asati idaṃ na hoti, imassuppādā idaṃ uppajjati, imassa nirodhā idaṃ nirujjhati, yadidaṃ avijjāpaccayā (peyyāla) evametassa kevalassa dukkhakkhandhassa nirodho hoti’’ti, evaṃ kho bhante bhagavatā tattha ariyasāvakena ariyassa ñāyassa paññāya sudiṭṭhatā suppaṭividdhatā pakāsitaṃ.

Yato kho gahapati ariyasāvakaṃ imāni pañca bhayāni verāni vūpasantāni honti. Imehi catūhi sotāpattiyaṅgehi samannāgato hoti. Ayañcassa ariyo ñāyo paññāya sudiṭṭho hoti suppaṭividdho—

Dukkhasutta

Pucchā – dukkhasuttaṃ pañāvuso bhagavatā kattha kaṃ ārabha kathaṃca bhāsitaṃ.

Vissajjanā – sāvatthiyaṃ bhante sambahule bhikkhū ārabha ‘‘dukkhassa bhikkhave samudayañca atthaṅgamañca desessāmi’’ti evamādinā bhagavatā bhāsitaṃ.

Pucchā – kathañcāvuso tattha bhagavatā dukkhasamudayo pakāsito.

Vissajjanā – katamo ca bhikkhave dukkhasa samudayo. Cakkhuñca paṭicca rūpe ca uppajjati cakkhuvīññānaṃ, tiṇṇaṃ saṅgati phasso, phassapaccayā vedanā, vedanāpaccayā taṇhā. Ayaṃ kho bhikkhave dukkhasa samudayo. Sotañca paṭicca sadde ca uppajjati sotaviññānaṃ...pe... ghānañca paṭicca gandhe ca...pe... jivhañca paṭicca rase ca...pe... kāyañca paṭicca phoṭṭhabbe ca...pe... manañca paṭicca dhamme ca uppajjati manoviññānaṃ, tiṇṇaṃ saṅgati phasso, phassapaccayā vedanā, vedanāpaccayā taṇhā. Ayaṃ kho bhikkhave dukkhasa samudayoti evaṃkho bhante tattha bhagavatā

dukkhassa samudayo pakāsito.

Pucchā – kathañcāvuso tattha bhagavatā dukkhassa atthaṅgamo pakāsito.

Vissajjanā – katamo ca bhikkhave dukkhassa atthaṅgamo. Cakkhuñca paṭicca rūpe ca uppajjati cakkhuvīññāṇaṃ, tiṇṇaṃ saṅgati phasso, phassapaccayā vedanā, vedanāpaccayā taṇhā, tassāyeva taṇhāya asesavirāgaṇirodhā upādānaṇirodho upādānaṇirodhā bhavanaṇirodho, bhavanaṇirodhā jātinirodho, jātinirodhā jarāmaṇaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hotīti evamādinā bhante tattha bhagavatā dukkhassa atthaṅgamo pakāsito.

Puttamaṃsūpamasutta

Pucchā – puttamaṃsūpamasuttaṃ panāvuso bhagavatā kattha kaṃ ārabba kismiṃ vatthusmiṃ kathañca bhāsitaṃ.

Vissajjanā – sāvatthiyaṃ bhante sambahule adhunā pabbajite bhikkhū ārabba bhāsitaṃ. Bhagavato ca bhante bhikkhusaṅghassa ca mahālābhasakkāro udapādi, ekacce ca bhante bhikkhū navā acirapabbajitā kulaputtā āhāraṃ apaccavekkhitvā paribhuñjimsu. Tasmīṃ bhante vatthusmiṃ “cattārome bhikkhave āhārā bhūtānaṃ vā sattānaṃ ṭhitiyā sambhavesīnaṃ vā anuggahāya. Katame cattāro kabaḷikāro āhāro oḷāriko vā sukhumo vā phasso dutiyo manosañcetanā tatiyā viññāṇaṃ catuttha”nti evaṃ kho bhante bhagavatā bhāsitaṃ.

Pucchā – kathañcāvuso tattha kabaḷikārassa āhārassa daṭṭhabbākāro bhagavatā pakāsito.

Vissajjanā – seyyathāpi bhikkhave dve jāyampatikā parittaṃ sambalaṃ ādāya kantāramaggaṃ paṭipajjeyyūṃ. Tesamassa ekaputtako piyo manāpoti evamādinā bhante tattha bhagavatā kabaḷikārassa āhārassa daṭṭhabbākāro pakāsito.

Pucchā – kathañcāvuso tattha bhagavatā phassāhārassa daṭṭhabbākāro pakāsito.

Vissajjanā – seyyathāpi bhikkhave gāvī niccammā kuṭṭaṃ ce nissāya tiṭṭheyya, ye kuṭṭanissitā pāṇā, te naṃ khādeyyūṃ. Rukkhaṃ ce nissāya tiṭṭheyya. Udaṃ ce nissāya tiṭṭheyya. Ākāsaṃ ce nissāya tiṭṭheyya, ye ākāsanissitā pāṇā, te naṃ khādeyyunti evamādinā bhante tattha bhagavatā phassassa āhārassa daṭṭhabbākāro vitthāretvā pakāsito.

Evameva khvāhaṃ bhikkhave phassāhāro daṭṭhabboti vadāmi.

Pucchā – kathañcāvuso tattha bhagavatā manosañcetanāhārassa daṭṭhabbākāro pakāsito.

Vissajjanā – seyyathāpi bhikkhave aṅgārakāsu sādhipaporisā puṇṇā aṅgārānaṃ vītaccikānaṃ vītadhūmānaṃ. Atha puriso āgaccheyya jīvitukāmo amaritukāmo sukha kāmo dukkhappaṭikūloti evamādinā bhante tattha bhagavatā manosañcetanāhārassa daṭṭhabbākāro vitthārena pakāsito.

Pucchā – kathañcāvuso tattha bhagavatā viññāṇāhārassa daṭṭhabbākāro pakāsito.

Vissajjanā – seyyathāpi bhikkhave coraṃ āgucāriṃ gahetvā rañño dasseyyūṃ “ayaṃ te devacoro āgucārī, imassa yaṃ icchasi, taṃ daṇḍaṃ paṇehī”ti evamādinā bhante tattha bhagavatā viññāṇāhārassa daṭṭhabbākāro pakāsito.

Susimaparibbājakasutta

Pucchā – tenāvuso bhagavatā...pe... sammāsambuddhena susimaparibbājaka suttaṃ kattha kaṃ ārabha kismim vatthusmim kathaṅca bhāsitaṃ.

Vissajjanā – rājagahe bhante āyasmantaṃ susimaṃ ārabha bhāsitaṃ. Āyasmā bhante susimo yāvatako bhikkhūhi saddhim ahosi kathāsallāpo, taṃ sabbaṃ bhagavato ārocesi. Tasmim vatthusmim “pubbe kho susima dhammaṭṭhitiñāṇaṃ, pacchā nibbāne ñāṇa”’nti evamādinā bhante bhagavatā bhāsitaṃ.

Pucchā – kathaṅcāvuso tattha bhagavā āyasmato susimattherassa sampatiarahattapattassa anuyogavasena paṭipucchitvā paṭipucchitvā uttari dhammadesanaṃ vitthāretvā desesi.

Vissajjanā – jātipaccayā jarāmarañanti susima passasīti. Evaṃ bhante. Bhavapaccayā jātīti susima passasīti. Evaṃ bhanteti evamādinā bhante bhagavā tattha āyasmato susimassa sampatiarahattapattassa uttaripi anuyogavasena paṭipucchitvā paṭipucchitvā vitthārato dhammaṃ desesi.

Tassa me bhante bhagavā accayaṃ accayato paṭiggaṇhātu āyatimsaṃvarāya–

Abhisamayasaṃyutta

Nakhasikhāsutta

Pucchā – abhisamayasaṃyutte panāvuso paṭhamam saṃgītaṃ nakhasikhāsuttaṃ bhagavatā kattha kaṃ ārabha kathaṅca bhāsitaṃ.

Vissajjanā – sāvatthiyam bhante sambahule bhikkhū ārabha “taṃ kim maññatha bhikkhave, katamaṃ nu kho bahutaram, yo vāyam mayā paritto nakhasikhāyam paṃsuāropito, ayam vā mahāpathavī”’ti evamādinā bhagavatā bhāsitaṃ.

Dhātusaṃyutta

Caṅkamasutta

Pucchā – dhātusaṃyutte panāvuso caṅkamasuttaṃ bhagavatā kattha kaṃ ārabha kathaṅca bhāsitaṃ.

Vissajjanā – rājagahe bhante sambahule bhikkhū ārabha “dhātusova bhikkhave sattā saṃsandanti samenti, hīnādhimuttikā hīnādhimuttikehi saddhim saṃsandanti samenti, kalyāṇādhimuttikā kalyāṇādhimuttikehi saddhim saṃsandanti samenti”’ti evamādinā bhagavatā bhāsitaṃ.

Assaddhasaṃsandanasutta

Pucchā – assaddhasaṃsandanasuttaṃ panāvuso bhagavatā kattha kaṃ ārabha kathaṅca bhāsitaṃ.

Vissajjanā – sāvatthiyam bhante sambahule bhikkhū ārabha “dhātusova bhikkhave sattā saṃsandanti samenti, assaddhā assaddhehi saddhim saṃsandanti samenti, ahirikā ahirikehi saddhim saṃsandanti samenti, anottappino. Appassutā. Kusitā. Muṭṭhassatino. Duppaññā duppaññehi saddhim saṃsandanti samenti”’ti evamādinā bhagavatā bhāsitaṃ.

Anamataggasaṃyutta

Pathavīsutta

Pucchā – anamataggasaṃyutte āvuso dutiyaṃ saṃgītaṃ pathavīsuttaṃ kattha kaṃ ārabha kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabha “anamataggoyaṃ bhikkhave saṃsāro, pubbā koṭi na paññāyati avijjānīvaraṇānaṃ sattānaṃ taṇhāsamojjanānaṃ sandhāvataṃ saṃsarataṃ. Seyyathāpi bhikkhave puriso imaṃ mahāpathaviṃ kolaṭṭhimattaṃ kolaṭṭhimattaṃ mattikāguḷikaṃ karitvā nikkhipeyya ‘ayaṃ me piyā, tassa me pitu ayaṃ pitā’ti. Apariyādinnāva bhikkhave tassa purisassa pitupitaro assu. Athāyaṃ mahāpathavī parikkhayaṃ pariyādānaṃ gaccheyya. Taṃ kissahetu, anamataggoyaṃ bhikkhave saṃsāro, pubbā koṭi na paññāyati avijjānīvaraṇānaṃ sattānaṃ taṇhā samyojanānaṃ sandhāvataṃ saṃsarataṃ” evamādinā bhagavatā bhāsitaṃ.

Evaṃ dīgharattaṃ vo bhikkhave dukkhaṃ paccanubhūtaṃ tibbaṃ paccanubhūtaṃ byasanaṃ paccanubhūtaṃ kaṭasī vaḍḍhitā.

Alameva sabbasaṅkhāresu nibbindituṃ,
Alaṃ virajjituṃ, alaṃ vimuccituṃ,

Assusutta

Pucchā – tatthāvuso tatiyaṃ saṃgītaṃ assusuttaṃ bhagavatā kattha kaṃ ārabha kathaṅca bhāsitaṃ.

Vissajjanā – sāvatthiyaṃ bhante sambahuleyeva bhikkhū ārabha “taṃ kiṃ maññatha bhikkhave, katamaṃ nu kho bahutaraṃ, yaṃ vā vo iminā dīghena addhunā sandhāvataṃ saṃsarataṃ amanāpasampayogā manāpavippayogā kandantānaṃ rodantānaṃ assu passannaṃ paggharitaṃ, yaṃ vā catūsu mahāsamuddesu udaka’nti evamādinā bhagavatā bhāsitaṃ.

Sāsapasutta

Pucchā – tatthāvuso chaṭṭhaṃ saṃgītaṃ sāsapasuttaṃ bhagavatā kattha kaṃ ārabha kismim vatthusmim kathaṅca bhāsitaṃ.

Vissajjanā – sāvatthiyaṃ bhante aññataraṃ bhikkhuṃ ārabha bhāsitaṃ. Aññataro bhante bhikkhu bhagavantaṃ etadavoca “kīvadīgho nu kho bhante kappo”ti. Tasmim bhante vatthusmim “dīgho kho bhikkhu kappo, so na sukaro saṅkhātuṃ ettakāni vassāni itivā, (peyyāla) ettakāni vassasatasahassāni itivāti evamādinā bhagavatā bhāsitaṃ.

Gaṅgāsutta

Pucchā – tenāvuso...pe... sammāsambuddhena anamataggasaṃyutte gaṅgāsuttaṃ kattha kaṃ ārabha kismim vatthusmim kathaṅca bhāsitaṃ.

Vissajjanā – rājagahe bhante aññataraṃ brāhmaṇaṃ ārabha bhāsitaṃ. Aññataro bhante brāhmaṇo bhagavantaṃ etadavoca “kīva-

Bahukā nu kho bho gotama kappā abbatitā atikkantā”ti. Tasmim bhante vatthusmim “bahukā kho brāhmaṇa kappā abbatitā atikkantā, te na sukara saṅkhātuṃ ‘ettakā kappā’ iti vā ‘ettakāni kappasatāni’ iti vā ‘ettakāni kappasahasassāni’ itivā ‘ettakāni kappasatasahasassāni’ iti vā”ti eva mādinā bhagavatā

bhāsitaṃ.

Puggalasutta

Pucchā – puggalasuttaṃ panāvuso bhagavatā kattha kaṃ ārabba kathaṅca bhāsitaṃ.

Vissajjanā – rājagahe bhante sambahule bhikkhū ārabba “anamataggoyaṃ bhikkhave saṃsāro, pubbākoṭi na paññāyati avijjā nīvaraṇānaṃ sattānaṃ taṇhāsamojjanānaṃ sandhāvataṃ saṃsarataṃ. Ekapuggalassa bhikkhave kappam sandhāvato saṃsarato siyā evaṃ mahā aṭṭhikaṅkalo aṭṭhipuṅḥo aṭṭhirāsi, yathā yaṃ vepullo pabbato. Sace saṃhārako assa, sambhataṅca na vinassetyā”ti evamādinā bhagavatā bhāsitaṃ.

Duggatasutta, sukhitasutta

Pucchā – tathāvuso duggatasuttaṅca sukhitasuttaṅca bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “anamataggoyaṃ bhikkhave saṃsāro, pubbā koṭi na paññāyati avijjānīvaraṇānaṃ sattānaṃ taṇhāsamojjanānaṃ sandhāvataṃ saṃsarataṃ. Yaṃ bhikkhave passeyyātha duggataṃ durūpetam, niṭṭhamettha gantabbaṃ ‘amhehipi evarūpaṃ paccaṇubhūtaṃ iminā dīghena addhunā’ti, yaṃ bhikkhave passeyyātha sukhitam susajjitaṃ,

Niṭṭhamettha gantabbaṃ, “amhehipi paccaṇubhūtaṃ iminā dīghena addhunā”ti evamādinā bhagavatā bhāsitaṃ.

Tiṃsamattasutta

Pucchā – tiṃsamattasuttaṃ panāvuso bhagavatā kattha kaṃ ārabba kathaṅca bhāsitaṃ.

Vissajjanā – rājagahe bhante tiṃsamatte pāveyyake bhikkhū ārabba “anamataggoyaṃ bhikkhave saṃsāro, pubbākoṭi na paññāyati avijjānīvaraṇānaṃ sattānaṃ taṇhāsamojjanānaṃ sandhāvataṃ saṃsarataṃ. Taṃ kiṃ maññatha bhikkhave, katamaṃ nu kho bahutaraṃ, yaṃ vā vo iminā dīghena addhunā sandhāvataṃ saṃsarataṃ sīsacchinnānaṃ lohitaṃ passannaṃ paggharitaṃ, yaṃ vā catūsu mahāsamuddesu udaka”nti evamādinā bhagavatā bhāsitaṃ.

Mātusutta

Pucchā – mātusuttādīni panāvuso chasuttāni bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “anamataggoyaṃ bhikkhave saṃsāro, pubbā koṭi na paññāyati avijjānīvaraṇānaṃ sattānaṃ taṇhāsamojjanānaṃ sandhāvataṃ saṃsarataṃ. Na so bhikkhave satto sulabharūpo, yo na mātābhūtapubbo iminā dīghena addhunā. Yo na pitābhūtapubbo. Yo na bhātābhūtapubbo. Yo na bhaginibhūtapubbo. Yo na puttābhūtapubbo. Yo na dhītābhūtapubbo iminā dīghena addhunā”ti evamādinā bhante bhagavatā bhāsitaṃ.

Kassapasamyutta

Candūpamasutta

Pucchā – kassapasamyutte panāvuso candūpamasuttaṃ bhagavatā kattha kaṃ ārabba kathaṅca

bhāsitaṃ.

Vissajjanā – sāvatthiyaṃ bhante sambahule bhikkhū ārabha “candūpamā bhikkhave kulāni upasaṅkamatha apakasseva kāyaṃ apakassa cittaṃ niccanavakā kulesu appagabbhā. Seyyathāpi bhikkhave puriso jarudapānaṃ vā olokeyya pabbatavisamaṃ vā nadīviduggaṃ vā apakasseva kāyaṃ apakassa cittaṃ. Evameva kho bhikkhave candūpamā kulāni upasaṅkamatha apakasseva kāyaṃ apakassa cittaṃ niccanavakā kulesu appagabbhā”ti evamādinā bhagavatā bhāsitaṃ.

Taṃ kiṃ maññatha bhikkhave, kathaṃ rūpā bhikkhu arahati kulāni upasaṅkamitaṃ.

Pucchā – kathañcāvuso tattha bhagavatā parisuddhāparisuddha dhammadesanaṃ dassetvā bhikkhūnaṃ ovādo dinno.

Vissajjanā – “taṃ kiṃ maññatha bhikkhave, kathaṃ rūpassa bhikkhuno aparisuddhā dhammadesanā hoti, kathaṃ rūpassa bhikkhuno parisuddhā dhammadesanā hoti”ti evamādinā parisuddhāparisuddhadhammadesanā vitthārato dassetvā “kassapena vā hi vo bhikkhave ovadissāmi yo vā panassa kassapasadiso, ovaditehi ca pana vo tathattāya paṭipajjitabba”nti. Evaṃ kho bhante bhagavato bhikkhūnaṃ ovādo dinno.

Yo hi koci bhikkhave bhikkhu evaṃcitto paresaṃ dhammaṃ deseti “aho vata me dhammaṃ suṇeyyūṃ, sutvā ca pana dhammaṃ pasīdeyyūṃ, pasannā ca me pasannākāraṃ kareyyūṃ–

Svākkhāto bhagavatā dhammo sandiṭṭhiko akāliko ehi passiko opaneyyiko paccattaṃ veditaṃ viññūhi–

Kassapena vā hi vo bhikkhave ovadissāmi yo vā panassa kassapasadiso, ovaditehi ca pana vo tathattāya paṭipajjitabbaṃ–

Kulūpakasutta

Pucchā – tenāvuso bhagavatā...pe... sammāsambuddhena kassapasamṃyutte catutthaṃ kulūpakasuttaṃ kattha kaṃ ārabha kathañca bhāsitaṃ.

Vissajjanā – sāvatthiyaṃ bhante sambahule bhikkhū ārabha “taṃ kiṃ maññatha bhikkhave, kathaṃ rūpo bhikkhu arahati kulūpako hotuṃ, kathaṃ rūpo bhikkhu na arahati kulūpako hotu”ti evamādinā bhagavatā bhāsitaṃ.

Kassapena vā hi vo bhikkhave ovadissāmi yo vā panassa kassapasadiso, ovaditehi ca pana vo tathattāya paṭipajjitabbaṃ.

Dutiya ovādasutta

Pucchā – tathevāvuso bhagavatā dutiya ovādasuttaṃ kattha kena saddhiṃ kathañca bhāsitaṃ.

Vissajjanā – rājagahe bhante āyasmatā mahākassapena saddhiṃ “ovada kassapa bhikkhū, karohi kassapa bhikkhūnaṃ dhammiṃ kathaṃ, ahaṃ vā kassapa bhikkhū ovadeyyaṃ tvaṃ vā, ahaṃ vā bhikkhūnaṃ dhammiṃ kathaṃ kareyyaṃ tvaṃ vā”ti evamādinā bhagavatā bhāsitaṃ.

Yassa kassaci bhante saddhā natthi kusalesu dhammesu, hirī natthi. Ottappaṃ natthi. Vīriyaṃ natthi. Paññā natthi kusalesu dhammesu.

Tatiya ovādasutta

Pucchā – tatthevāvuso bhagavatā tatiyaovādasuttaṃ kattha kena saddhiṃ kathaṅca bhāsitaṃ.

Vissajjanā – rājagahe bhante āyasmatāyeva mahākassapena saddhiṃ “ovada kassapa bhikkhū. Karohi kassapa bhikkhūnaṃ dhammiṃ kathaṃ, ahaṃ vā kassapa bhikkhū ovadeyyaṃ tvaṃ vā. Ahaṃ vā bhikkhūnaṃ dhammaṃ kathaṃ kareyyaṃ tvaṃ vā” ti evamādinā bhagavatā bhāsitaṃ.

Dubbacā kho bhante etarahi bhikkhū dovacassakaraṇehi dhammehi samannāgatā akkhamā appadakkhiṇaggāhino anusāsaniṃ–

Saddhammappatirūpakasutta

Pucchā – tatthevāvuso bhagavatā pariyosānaṃ saddhammappatirūpakasuttaṃ kattha kaṃ ārabha kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante āyasmantaṃyeva mahākassapaṃ ārabha bhāsitaṃ. Āyasmā bhante mahākassapo bhagavantaṃ etadevoca “ko nu kho bhante hetu ko paccayo, yena pubbe appatarāni ceva sikkhāpadāni ahesuṃ, bahutarā ca bhikkhū aññāya saṅghaḥimsu. Ko pana bhante hetu ko paccayo, yenetarahi bahutarāni ceva sikkhāpadāni appatarā ca bhikkhū aññāya saṅghahantī” ti. Tasmīṃ bhante vatthusmiṃ “evañcetāṃ kassapa hoti sattesu hāyamānesu saddhamme antaradhāyamāne bahutarāniceva sikkhāpadāni honti, appatarāca bhikkhū aññāya saṅghahantī” ti evamādinā bhagavatā bhāsitaṃ.

Lābhasakkārasaṃyutta

Mīlhakasutta

Pucchā – tenāvuso...pe... sammāsambuddhena lābhasakkārasaṃyutte pañcamaṃ saṃgītaṃ mīlhakasuttaṃ kattha kaṃ ārabha kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabha “dāruṇo bhikkhave lābhasakkārasiloko pharusso antarāyiko anuttarassa yogakkhemassa adhiḡamāya. Seyyathāpi bhikkhave mīlhakā gūthādī gūthapūrā puṇṇā gūthassa, purato cassa mahāgūthapuṅjo, sā tena aññā mīlhakā atimaññeyya “ahamhi gūthādī gūthapūrā puṇṇā gūthassa, purato ca myāyaṃ mahāgūthapuṅjo” ti evamādinā bhagavatā bhāsitaṃ.

Taṃ hi tassa bhikkhave moghapurisassa hoti dīgharattaṃ ahitāya dukkhāya.

Evaṃ dāruṇo kho bhikkhave lābhasakkārasiloko.

Tasmātiha bhikkhave evaṃ sikkhitabbaṃ, “uppannaṃ lābhasakkāraṃsi lokāṃ pajahissāma, na ca no uppanno lābhasakkārasiloko cittaṃ pariyādāya ṭhassabhi” ti, evañhi kho bhikkhave sikkhitabbaṃ.

Ekaputtakasutta

Pucchā – tattho āvuso porāṇakehi dhammasaṃgāhakehi saṃgītaṃ ekaputtakasuttaṃ kattha kaṃ ārabhaṃ kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabha “dāruṇo bhikkhave

lābhasakkārasiloko kaṭuko pharuso antarāyiko anuttarassa yogakkhemassa adhigamāya, saddhā bhikkhave upāsikā ekaputtakaṃ piyaṃ manāpaṃ evaṃ sammāyācamānā āyāceyya tādiso tāta bhavāhi, yādiso citto ca gahapati hatthako ca ālavako’ ti evamādinā bhagavatā bhāsitaṃ.

Esā bhikkhave tulā etaṃ pamāṇaṃ mama sāvakānaṃ upāsakānaṃ yadidaṃ citto ca gahapati hatthako ca ālavako.

Sace kho tvaṃ tāta agārasmā anagāriyaṃ pabbajasi, tādiso tāta bhavāhi, yādisā sārīputtamoggallānā.

Mā ca kho tvaṃ tāta sekhaṃ appattamānasaṃ lābhasakkārasiloko anupāpuṇātu—

Evaṃ dāruṇo bhikkhave lābhasakkārasiloko kaṭuko pharuso antarāyiko anuttarassa yogakkhemassa adhigamāya.

Ekavītusutta

Pucchā – tattheva āvuso porāṇakehi dhammasaṃgāyakehi saṃgītaṃ ekadhītusuttaṃ bhagavatā kattha kaṃ ārabba kathaṃca bhāsitaṃ.

Vissajjanā – sāvattiyāmyeva bhante sambahule bhikkhū ārabba “dāruṇo bhikkhave lābhasakkārasiloko kaṭuko pharuso antarāyiko anuttarassa yogakkhemassa adhigamāya. Saddhā bhikkhave upāsikā ekaṃ dhītaraṃ piyaṃ manāpaṃ evaṃ sammā āyācamānā āyāceyya ‘tādisā ayye bhavāhi, yādisā khujjuttarā ca upāsikā veḷukaṇḍakīyā ca nandamātā’ ti. Esā bhikkhave tulā etaṃ pamāṇaṃ mama sāvīkānaṃ upāsīkānaṃ, yadidaṃ khujjuttarā ca upāsikā veḷukaṇḍakīyā ca nandamātā’ ti evamādinā bhante bhagavatā bhāsitaṃ.

Sace kho tvaṃ ayye agārasmā anagāriyaṃ pabbajasi, bhādisā ayye bhavāhi, yādisā khemā ca bhikkhunī uppalavaṇṇā ca—

Tasmātiha bhikkhave evaṃ sikkhitabbaṃ.

Rāhulasamyutta

Pucchā – rāhulasamyuttaṃ panāvuso bhagavatā kattha kaṃ ārabba kismiṃ vatthusmiṃ kathaṃca bhāsitaṃ.

Vissajjanā – sāvattiyāmyeva bhante āyasmantaṃ rāhulaṃ ārabba bhāsitaṃ. Āyasmā bhante rāhulo bhagavantaṃ etadavoca “sādhu me bhante bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitto vihareyya’ nti, tasmīṃ bhante vatthusmiṃ “taṃ kiṃ maññasi rāhula, cakkhuniccaṃ vā aniccaṃ vāti. Aniccaṃ bhante. Yaṃ panāniccaṃ, dukkhaṃ vā taṃ sukhaṃ vāti. Dukkhaṃ bhante. Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ ‘etaṃ mama, eso hamasmi, eso me attā’ ti. No hetamaṃ bhante’ ti evamādinā bhante bhagavatā bhāsitaṃ.

Lakkhaṇasamyutta

Aṭṭhisutta

Pucchā – lakkhaṇasamyutte panāvuso porāṇakehi dhammasaṃgāhakattherehi paṭhamaṃ saṃgītaṃ

aṭṭhisuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – rājagahe bhante āyasmantaṅca lakkhaṇaṃ āyasmantaṅca mahāmogallānaṃ ārabba bhāsitaṃ. Āyasmā bhante lakkhaṇo bhagavatā sammukhe āyasmantaṃ mahāmogallānaṃ etadavoca “idhāyasmā mahāmogallāno gijjhakūṭā pabbatā orohanto aññatarasmiṃ padese sitaṃ pātvākāsi, ko nu kho āvuso moggallāna hetu, ko paccayo sitassa pātukammāyā”ti. Āyasmā ca bhante mahāmogallāno “idhāhaṃ āvuso gijjhakūṭā pabbatā orohanto addasaṃ aṭṭhikasāṅkhalikaṃ vehāsaṃ gacchantiṃ”ti evamādinā ārocesi. Tasmīṃ bhante vatthusmiṃ “cakkhubhūtā vata bhikkhave sāvaka viharanti, ñāṇabhūtā vata bhikkhave sāvaka viharanti, yatrahi nāma sāvako evarūpaṃ ñassati vā dakkhati vā sakkhiṃ vā karissati”ti evamādinā bhagavatā bhāsitaṃ.

Acchariyaṃ vata bho, abbhutaṃ vata bho;
Evarūpopi nāma satto bhavissati.

Piṇḍasutta

Pucchā – tenāvuso jānatā...pe... sammāsambuddhena lakkhaṇasaṃyutte tatiyaṃ saṃgītaṃ piṇḍasuttaṃ kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – rājagahe bhante āyasmantaṅca lakkhaṇaṃ āyasmantaṅca mahāmogallānaṃ ārabba bhāsitaṃ. Āyasmā bhante lakkhaṇo bhagavato sammukhe āyasmantaṃ mahāmogallānaṃ etadavoca “idhāyasmā mahāmogallāno gijjhakūṭā pabbatā orohanto aññatarasmiṃ padese sitaṃ pātvākāsi, ko nukho āvuso moggallānahetu, ko paccayo sitassa pātukammāyā”ti. Āyasmā ca bhante mahāmogallāno “idhāhaṃ āvuso gijjhakūṭā pabbatā orohanto addasaṃ maṃsapiṇḍaṃ vehāsaṃ gacchantaṃ, tamenāṃ gijjhāpi kākāpi kulalāpi anupatitvā anupatitvā vitacchenti virājenti. Sā sudaṃ aṭṭassaraṃ karotī”ti evamādinā ārocesi. Tasmīṃ bhante vatthusmiṃ “cakkhubhūtā vata bhikkhave sāvaka viharanti, ñāṇabhūtā vata bhikkhave sāvaka viharanti, yatrahi nāma sāvako evarūpaṃ ñassati vā dakkhati vā sakkhiṃ vā karissati”ti evamādinā bhagavatā bhāsitaṃ.

Asilomasutta

Pucchā – tattheva āvuso porāṇakehi dhammasaṃgāhakehi mahātherehi saṃgītaṃ asilomasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – rājagahe bhante āyasmantaṅca lakkhaṇaṃ āyasmantaṅca mahāmogallānaṃ ārabba bhāsitaṃ. Āyasmā bhante lakkhaṇo bhagavato sammukhe āyasmantaṃ mahāmogallānaṃ etadavoca “ko nu kho āvuso moggallāna hetu, ko paccayo sitassa pātukammāyā”ti. Āyasmā ca bhante mahāmogallānatthero “idhāhaṃ āvuso gijjhakūṭā pabbatā orohanto addasaṃ asilomaṃ vehāsaṃ gacchantaṃ”ti evamādinā ārocesi. Tasmīṃ bhante vatthusmiṃ cakkhubhūtā vata bhikkhave sāvaka viharanti, ñāṇabhūtā vata bhikkhave sāvaka viharanti. (Peyyāla) eso bhikkhave satto imasmiṃyeva rājagahe sūkariko ahoṣī”ti evamādinā bhagavatā bhāsitaṃ.

Sūcilomasutta

Pucchā – tattheva āvuso porāṇakehi dhammasaṃgāhakamahātherehi saṃgītaṃ sūcilomasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – tattheva bhante rājagahe āyasmantaṅca lakkhaṇaṃ āyasmantaṅca mahāmogallānaṃ ārabba bhāsitaṃ. Āyasmā bhante lakkhaṇo bhagavato sammukhe tattheva avoca.

Āyasmā ca bhante mahāmogallāno tattheva ārocesi. Tasmīṃ bhante vatthusmiṃ “cakkhubhūtā

vata bhikkhave sāvakā viharanti, ñāṇabhūtā vata bhikkhave sāvakā viharanti, (peyyāla) eso bhikkhave satto imasmiṃyeva rājagahe sūto ahoṣī’ ti evamādinā bhagavatā bhāsītā.

Pāpabhikkhusutta

Pucchā – tattheva āvuso porāṇakehi dhammasaṃgāhakamahātherehi saṃgītāni pāpabhikkhusuttādīni pañcasuttāni bhagavatā kattha kaṃ ārabba kismiṃ vatthusmiṃ kathaṅca bhāsītāni.

Vissajjanā – rājagahe āyasmantaṅca lakkhaṇaṃ āyasmantaṅca mahāmoggallānaṃ ārabba bhāsītāni. Āyasmā bhante lakkhaṇo bhagavato sammukhe pubbe vuttanayeneva ārocesi. Āyasmā ca bhante mahāmoggallāno “idhāhaṃ āvuso gijjhakūṭā pabbatā orohanto addasaṃ bhikkhuṃ vehāsaṃ gacchantaṃ. Addasaṃ bhikkhuniṃ vehāsaṃ gacchantiṃ. Addasaṃ sikkhamānaṃ vehāsaṃ gacchantiṃ. Addasaṃ sāmaṇeraṃ vehāsaṃ gacchantaṃ. Addasaṃ sāmaṇeriṃ vehāsaṃ gacchantiṃ. Tassā saṅghātipi ādittā sampajjalitā sajotibhūtā, pattopi āditto sampajjalito sajotibhūto, kāyabandhanampi ādittaṃ sampajjalitaṃ sajotibhūtaṃ, kāyopi āditto sampajjalito sajotibhūto, sā sudam aṭṭassaraṃ karoti’ ti evamādinā ārocesi. Tasmīṃ bhante vatthusmiṃ “cakkhubhūtā vata bhikkhave sāvakā viharanti ñāṇabhūtā vata bhikkhave sāvakā viharanti. (Peyyāla). Eso bhikkhave bhikkhu kassapassasammāsambuddhassa pāvacane pāpabhikkhu ahoṣi. Esā bhikkhave bhikkhuni kassapassa sammāsambuddhassa pāvacane pāpabhikkhuni ahoṣi. Esā bhikkhave sikkhamānā kassapassa sammāsambuddhassa pāvacane pāpasikkhamānā ahoṣi. Eso bhikkhave sāmaṇero kassapassasammāsambuddhassa pāvacane pāpasāmaṇero ahoṣi. Esā bhikkhave sāmaṇerī kassapassa sammāsambuddhassa pāvacane pāpasāmaṇerī ahoṣī’ ti evamādinā bhagavatā bhāsītāni.

Opammasaṃyutta

Nakhasikhasutta

Pucchā – opammasaṃyutte āvuso porāṇakehi dhammasaṃgāhakamahātherehi saṃgītaṃ nakhasikhasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvattiyāṃ bhante sambahule bhikkhū ārabba “taṃ kiṃ maññatha bhikkhave, katamaṃ nu kho bahutaraṃ, yo cāyaṃ mayā paritto nakhasikhāyaṃ paṃsu āropito, yā cāyaṃ mahāpathavī’ ti evamādinā bhagavatā bhāsitaṃ.

Taṃ kiṃ maññatha bhikkhave, katamaṃ nu kho bahutaraṃ.

Tasmātiha bhikkhave evaṃ sikkhitabbaṃ.

Āṇisutta

Pucchā – tattheva āvuso porāṇakehi dhammasaṃgāhakamahātherehi saṃgītaṃ āṇisuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvattiyāṃyeva bhante sambahule bhikkhū ārabba “bhūtapubbaṃ bhikkhave dasārahānaṃ ānako nāma mudīṅgo ahoṣi, tassa dasārahā ānake ghaṭite aññaṃ āṇiṃ odahiṃsu, ahu kho so bhikkhave samayo yaṃ ānakassa mudīṅgassa porāṇaṃ pokkharaphalakaṃ antaradhāyi, āṇisaṅghāṭova avasissī’ ti evamādinā bhagavatā bhāsitaṃ.

Bhikkhusaṃyutta

Navasutta

Pucchā – bhikkhusaṃyutte āvuso bhagavatā navasuttaṃ kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante aññatarāṃ navaṃ bhikkhuṃ ārabba bhāsitaṃ. Aññataro bhante navo bhikkhu pacchābhattaṃ piṇḍapātaṭṭikkanto vihāraṃ pavisitvā apposukko tuṅhībhūto saṅkasāyabhi, na bhikkhūnaṃ veyyāvaccaṃ karoti cīvarakārasamaye tasmim̐ bhante vatthusmiṃ “mā kho tumhe bhikkhave etassa bhikkhuno ujjhāyitthā eso kho bhikkhave bhikkhu catunnaṃ jhānaṃ ābhicetasikānaṃ diṭṭhadhamma sukhavīhāraṇaṃ nikāmalābhī akicchālābhī akasiralābhī” ti evamādinā bhagavatā bhāsitaṃ.

Ahampi kho bhante sakaṃ kiccaṃ karomi,

Eso kho bhikkhave bhikkhu catunnaṃ jhānaṃ ābhicetasikānaṃ diṭṭhadhammasukhavīhāraṇaṃ nikāmalābhī akicchālābhī akasiralābhī –

Nayidaṃ sithilamārabba, nayidaṃ appena thāmasā;
Nibbānaṃ adhigantabbaṃ, sabbadukkhappamocanaṃ;
Ayaṅca daharo bhikkhu, ayamuttamapuriso;
Dhāreti antimaṃ dehaṃ, jetvā māraṃ savāhinaṃ–

Khandhavaggasaṃyuttapāḷi

Samgāyanassa pucchā vissajjanā

Nakulapitusutta

Pucchā – tenāvuso bhagavatā jānata...pe... sammāsambuddhena khandhavaggasaṃyutte paṭhamaṃ nakulapitusuttaṃ kattha kaṃ ārabba kismim̐ vatthusmiṃ kathaṅca bhāsitaṃ.

Vissajjanā – bhaggesu bhante susumāragire bhesakaḷāvane migadāye nakulapitaraṃ gahapatiṃ ārabba bhāsitaṃ. Nakulapitā bhante gahapati bhagavantaṃ “ahamasmi bhante jīṇṇo vuḍḍho mahallako addhagato vayoanupatto āturakāyo abhikkhaṇātaṅko, aniccadassāvī kho panāhaṃ bhante bhagavato manobhāvanīyānaṅca bhikkhūnaṃ, ovadatu maṃ bhante bhagavā, anusāsatu maṃ bhante bhagavā, yaṃ mamassa dīgharattaṃ hitāya sukhāyā” ti. Tasmim̐ bhante vatthusmiṃ “evametaṃ gahapati, evametaṃ gahapati, āturo hāyaṃ gahapati kāyo aṇḍabhūto pariyaṇaddho, yo hi gahapati imaṃ kāyaṃ pariharanto muhuttampī ārogyaṃ paṭijāneyya, kimaññatra bālyā. Tasmātiha te gahapati evaṃ sikkhitabbaṃ ‘āturakāyassa me sato cittaṃ anāturaṃ bhavissatī’ ti. Evañhi te gahapati sikkhitabba’ nti. Evaṃ kho bhante bhagavatā bhāsitaṃ.

Tasmātiha te gahapati evaṃ sikkhitabbaṃ.

Pucchā – tañcāvuso bhagavatā saṃkhittena bhāsitaṃ vitthārena kena kathaṅca vibhattaṃ.

Vissajjanā – taṃ kho bhante bhagavatā saṃkhittena desitaṃ “kathaṅca gahapati āturakāyo ceva hoti āturacitto ca. Idha gahapati assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisdhammassa akovido sappurisdhamme avinīto rūpaṃ attato samanupassati rūpavantaṃ vā attānaṃ, attani vā rūpaṃ, rūpasmim̐ vā attānaṃ, “ahaṃ rūpaṃ mama rūpa’ nti pariyaṭṭhaṭṭhāyī hoti. Tassa “ahaṃ rūpaṃ mama rūpa’ nti pariyaṭṭhaṭṭhāyino taṃ rūpaṃ vipariṇamati aññathā hoti. Tassa rūpavipariṇāmaññathābhāvā uppajjanti

sokaparidevadukkhadomanassupāyāsā’’ti evamādinā bhante āyasmatā sārīputtena dhammasenāpatinā vitthārena vibhattaṃ.

Aniccāsutta

Pucchā – tattheva āvuso dutiyavagge porāṇakehi dhammasaṃgāhaka mahātherehi paṭhamam saṃgītaṃ aniccāsuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba ‘‘rūpaṃ bhikkhave aniccaṃ, vedanā aniccā, saññā aniccā, saṅkhārā aniccā, viññāṇaṃ aniccaṃ. Evaṃ passaṃ bhikkhave sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimpi nibbindati, nibbindaṃ virajjati, virāgā vimuccati, vimuttasmiṃ ‘vimutta’miti ñāṇaṃ hotī’’ti. Evaṃ kho bhante bhagavatā bhāsitaṃ.

Dukkhaanattasutta

Pucchā – dukkhaanattasuttāni panāvuso bhagavatā kattha kaṃ ārabba kathaṅca bhāsītāni.

Vissajjanā – sāvatthiyaṃyeva bhante sambahule bhikkhū ārabba ‘‘rūpaṃ bhikkhave dukkhaṃ, vedanā dukkhā, saññā dukkhā, saṅkhārā dukkhā, viññāṇaṃ dukkhaṃ. Rūpaṃ bhikkhave anattā, vedanā anattā, saññā anattā, saṅkhārā anattā, viññāṇaṃ anattā. Evaṃ passaṃ bhikkhave sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimpi nibbindati, nibbindaṃ virajjati, virāgā vimuccati, vimuttasmiṃ ‘vimutta’miti ñāṇaṃ hotī, khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānātī’’ti evamādinā bhagavatā bhāsītāni.

Bhārasutta

Pucchā – bhārasuttaṃ panāvuso bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃyeva bhante sambahule bhikkhū ārabba ‘‘bhāraṅca vo bhikkhave desessāmi bhārahāraṅca bhārādānaṅca bhāranikkhepanaṅca, taṃ suṇātha. Katamo ca bhikkhave bhāro, ‘pañcupādānakkhandhā’ tissa vacanīyaṃ. Katame paṅca, rūpupādānakkhandho vedanupādānakkhandho saññupādānakkhandho saṅkhārupādānakkhandho viññāṇupādānakkhandho. Ayaṃ vuccati bhikkhave bhāro’’ti evamādinā bhagavatā bhāsitaṃ.

Bhārā have pañcakkhandhā, bhārahāro ca puggalo;
Bhārādānaṃ dukhaṃ loke, bhāranikkhepanaṃ sukhaṃ;
Nikkhipitvā garuṃ bhāraṃ, aññaṃ bhāraṃ anādiya;
Samūlaṃ taṇhamabbuyha, nicchāto parinibbuto.

Natumhākasutta

Pucchā – na tumhākasuttaṃ panāvuso bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃyeva bhante sambahule bhikkhu ārabba ‘‘yaṃ bhikkhave natumhākaṃ taṃ pajahatha, taṃ vo pahīnaṃ hitāya sukhāyabhavissati’’ti evamādinā bhagavatā bhāsitaṃ.

Anattalakkhaṇasutta

Pucchā – anattalakkhaṇasuttaṃ paṇāvuso bhagavatā kattha kaṃ ārabba kathaṇca bhāsitaṃ.

Vissajjanā – bārāṇasiyaṃ bhante isipatane migadāye pañcavaggiye bhikkhū ārabba “rūpaṃ bhikkhave anattā, rūpaṇca hidaṃ bhikkhave attā abhaviṣṣa, nayidaṃ rūpaṃ ābādhāya saṃvatteyya, labbhettha ca rūpe evaṃ me rūpaṃ hotu, evaṃ me rūpaṃ mā ahoṣī”ti evamādinā bhagavatā bhāsitaṃ.

Yamakasutta

Pucchā – theravagge paṇāvuso tatiyaṃ saṃgītaṃ yamakasuttaṃ kattha kaṃ ārabba kismim vattusmim kena kathaṇca bhāsitaṃ.

Vissajjanā – sāvatthiyaṃ bhante āyasmantaṃ yamakattheraṃ ārabba āyasmataṃ sārīputtattherena dhammasenāpatinā bhāsitaṃ. Āyasmato bhante yamakattherassa evarūpaṃ pāpakaṃ diṭṭhigataṃ uppannaṃ hoti “tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bhedā ucchijjati vinassati, na hoti paraṃmaraṇā”ti. Tasmim bhante vattusmim “taṃ kiṃ maññasi āvuso yamaka, rūpaṃ niccaṃ vā aniccaṃ vā”ti evamādinā bhante āyasmataṃ sārīputtattherena dhammasenāpatinā bhāsitaṃ.

Pucchā – kathaṇcāvuso tattha āyasmā sārīputtatthero dhammasenāpati āyasmato yamakattherassa paṭividdhasaccassa diṭṭhisampannassa anuyogavattajhāpanavasena paṭipucchitvā uttari dhammadesanaṃ vitthārena desesi.

Vissajjanā – taṃ kiṃ maññasi āvuso yamaka, rūpaṃ ‘tathāgato’ti samanupassasīti. ‘No hetam āvuso’. Vedanaṃ. Saññaṃ. Saṅkhāre. Viññāṇaṃ ‘tathāgato’ti samanupassasīti. ‘No hetam āvuso’ti evamādinā bhante āyasmā sārīputtatthero dhammasenāpati āyasmato yamakattherassa anuyogavattajhāpanavasena paṭipucchitvā paṭipucchitvā uttari dhammadesanaṃ pavattesi.

Taṃ kiṃ maññasi āvuso yamaka, rūpaṃ, vedanaṃ, saññaṃ, saṅkhāre, viññāṇaṃ ‘tathāgato’ti samanupassasi–

Vakkalisutta

Pucchā – tenāvuso bhagavatā...pe... sammāsambuddhena khandhavaggasaṃyutte theravagge pañcamaṃ vakkalisuttaṃ kattha kaṃ ārabba kismim vattusmim kathaṇca bhāsitaṃ.

Vissajjanā – rājagahe bhante āyasmantaṃ vakkaliṃ therā ārabba bhāsitaṃ. Āyasmā bhante vakkalithero ābādhiko dukkhito bālhagilāno bhagavantaṃ etadavoca “cirapaṭikāhaṃ bhante bhagavantaṃ dassanāya upasaṅkamitukāmo, natthi ca me kāyasmim tāvatikā balamattā, yāvatāhaṃ bhagavantaṃ dassanāya upasaṅkameyya”nti. Tasmim bhante vattusmim “alaṃ vakkali, kiṃ te iminā pūtikāyena diṭṭhena, yo kho vakkali dhammaṃ passati, so maṃ passati, yo maṃ passati, so dhammaṃ passati. Dhammañhi vakkali passanto maṃ passati, maṃ passanto dhammaṃ passati. Taṃ kiṃ maññasi vakkali, rūpaṃ niccaṃ vā aniccaṃ vā”ti evamādinā bhante bhagavatā bhāsitaṃ.

“Ahaṃ vakkali, kiṃ te iminā pūtikāyena diṭṭhena” –

“Taṃ kiṃ maññasi vakkali, rūpaṃ niccaṃ vā aniccaṃ vā” –

Aniccaṃ bhante.

“Yaṃ paṇāniccaṃ, dukkhaṃ vā taṃ sukhaṃ vā”–

Dukkhaṃ bhante.

Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ ‘‘etaṃ mama, eso hamasmi, eso me attā’’ –

Pucchā – kathaṅcāvuso punapi bhagavā bhikkhū pesetvā āyasmato vakkalītherassa paggahavacanaṃ ārocāpesi. Sopi kathaṃ attano pavattīṃ bhagavato paccārocāpesi. Kathaṅcassa abhisamparāyo ahoṣi.

Vissajjanā – suṇāvuso tvam vakkali bhagavato vacanaṃ dvinnāṅca devatānaṃ, imaṃ āvuso rattīṃ dve devatāyo abhikkantāya rattiyā abhikkantavaṇṇā kevalakappaṃ gijjhakūṭaṃ obhāsetvā yena

Bhagavā tenupasaṅkamiṃsu, upasaṅkamtivā bhagavantaṃ abhivādetvā ekamantaṃ aṭṭhaṃsu, ekamantaṃ ṭhitā kho āvuso ekā devatā bhagavantaṃ etadavoca ‘vakkali bhante bhikkhu vimokkhāya cetetī’ ti. Aparā devatā bhagavantaṃ etadavoca ‘so hi nūna bhante suvimutto vimuccissatī’ ti. Bhagavā ca taṃ āvuso vakkali evamāha ‘mā bhāyi vakkali, mā bhāyi vakkali, apāpakaṃ te maraṇaṃ bhavissati, apāpikā kālakiriyā’ ti. Evaṃ kho bhante bhagavā punapi bhikkhū pesetvā āyasmato vakkalītherassa paggahavacanaṃ ārocāpesi. Sopi bhante āyasmā tenahāvuso mama vacanena bhagavato pāde siraṣā vandatha ‘‘vakkali bhante bhikkhu ābādhiko dukkhito bāḷhagilāno, so bhagavato pāde siraṣā vandatī’ ti, evaṅca vadetha ‘‘rūpaṃ aniccaṃ, tāhaṃ bhante na kaṅkhāmi, yadaniccaṃ taṃ dukkhanti navicikicchāmi, yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃvātī na vicikicchāmi’’ ti evamādinā bhagavato attano pavattīṃ paccārocāpesi. So hi bhante āyasmā acirapakkantesu tesu bhikkhūsu satthaṃ āharitvā vedanaṃ vikkhambhetvā mūlakammaṭṭhānaṃ ādāya sampajāno arahattaṃ sacchikatvā kālamakāsi. Evaṃ kho bhante tassa āyasmato abhisamparāyo ahoṣi.

Assajisutta

Pucchā – assajisuttaṃ paṇāvuso bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – rājagahe bhante āyasmantaṃ assajīṃ ārabba bhāsitaṃ. Āyasmā bhante assajī ābādhiko dukkhito bāḷhagilāno bhagavantaṃ etadavoca ‘‘pubbe khvāhaṃ bhante gelaṅṅe passambhetvā passambhetvā kāyasaṅkhāre viharāmi, sohaṃ samādhīṃ nappaṭilabhāmi. Tassa mayhaṃ bhante taṃ samādhīṃ appaṭilabhato evaṃ hoti no cassāhaṃ parihāyāmī’ ti. Tasmīṃ bhante vatthusmiṃ ‘‘ye te assajī samaṇabrāhmaṇā samādhisārakā samādhisāmaṅṅā, tesam taṃ samādhīṃ appaṭilabhataṃ evaṃ hoti ‘no cassu mayaṃ parihāyāmā’ ti. Taṃ kiṃ maṅṅasi assajī, rūpaṃ niccaṃ vā aniccaṃ vā’’ ti evamādinā bhante bhagavatā bhāsitaṃ.

Khemakasutta

Pucchā – khemakasuttaṃ paṇāvuso kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – kosambiyam bhante sambahule there bhikkhū ārabba āyasmatā khemakattherena bhāsitaṃ. Sambahulā bhante therā bhikkhū āyasmantaṃ dāsakaṃ pesetvā catukkhattuṃ āyasmantaṃ khemakaṃ ābādhikaṃ dukkhitaṃ bāḷhagilānaṃ gelaṅṅakāraṇaṅca dhammaṅca pucchīṃsu, tasmīṃ bhante vatthusmiṃ ‘‘pañcime āvuso upādānakkhandhā vuttā bhagavatā. Seyyathidaṃ, rūpupādānakkhandho vedanupādānakkhandho saṅṅupādānakkhandho saṅkhārupādānakkhandho viññānupādānakkhandho, imesu khvāhaṃ āvuso pañcasu upādānakkhandhesu na kiñci attam vā attaniyam vā samanupassāmi’’ ti evamādinā bhante āyasmatā khemakattherena bhāsitaṃ.

Pucchā – kathañcāvuso tattha āyasmā khemako uttari dhammadesanaṃ pavaḍḍhetvā vitthārena therānaṃ bhikkhūnaṃ desesi. Kīdiso ca nesamaṃ dhammadesakadhammappaṭiggāhakānaṃ dhammadesanāya ānisaṃso adhigato.

Vissajjana – catutthe bhante vāre āyasmā khemako “alam āvuso dāsaka kiṃ imāya sandhāvanikāya, āharāvuso daṇḍaṃ, ahameva therānaṃ santikaṃ gamissāmi”ti daṇḍamolubbha āyasmā khemako yena therā bhikkhū tenupasaṅkami, upasaṅkamitvā therehi bhikkhūhi pucchito “nakhvāhaṃ āvuso rūpaṃ asmīti vadāmi, napi aññatra rūpā asmīti vadāmi. Na khvāhaṃ āvuso vedanaṃ asmīti vadāmi, napi aññatra vedanā asmīti vadāmi”ti evamādinā bhante āyasmā khemako uttaripi dhammadesanaṃ pavaḍḍhetvā vitthārena desesi. Imasmiñca pana bhante veyyākaraṇasmiṃ bhaññamāne saṭṭhimattānaṃ therānaṃ bhikkhūnaṃ anupādāya āsavehi cittāni vimuccimsu āyasmato ca khemakassa. Evaṃ kho bhante tesamaṃ therānaṃ dhammadesakadhammappaṭiggāhakānaṃ dhammābhisamayo ahoṣi.

Channasutta

Pucchā – channasuttaṃ paṇāvuso kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjana – kosambiyaṃ bhante āyasmantaṃ channattheraṃ ārabba bhāsitaṃ. Āyasmā bhante channatthero āyasmantaṃ ānandaṃ etadavoca “ovadatu maṃ āyasmā ānando, anusāsatu maṃ āyasmā ānando, karotu me āyasmā ānando dhammiṃ kathaṃ, yathāhaṃ dhammaṃ passeyya”nti. Tasmīṃ bhante vatthusmiṃ “sammukhā me taṃ āvuso channa bhagavato suttaṃ, sammukhā paṭiggahitaṃ kaccānagottaṃ bhikkhuṃ ovadantassa, dvayanissito khvāyaṃ kaccāna loko yebhuyyena atthitañceva natthitañca, lokasamudayaṃ kho kaccāna yathābhūtaṃ sammappaññāya passato yā loke natthitā, sā na hotī”ti evamādinā bhante āyasmata ānandattherena dhammabhaṇḍāgārikena bhāsitaṃ.

Ovadatu maṃ āyasmā ānando, anusāsatu maṃ āyasmā ānando.

Pupphasutta

Pucchā – tenāvuso...pe... sammāsambuddhena khandhavaggasaṃyutte pupphavagge pupphasuttaṃ kattha kaṃ ārabba kathaṅca bhāsitaṃ.

Vissajjana – sāvatthiyaṃ bhante sambahule bhikkhū ārabba “nāhaṃ bhikkhave lokena vivadāmi, lokova mayā vivadati, na bhikkhave dhammavādī kenaci lokasmiṃ vivadati, yaṃ bhikkhave natthi sammataṃ loke paṇḍitānaṃ, ahampitaṃ “natthī”ti vadāmi, yaṃ bhikkhave atthisammataṃ loke paṇḍitānaṃ, ahampitaṃ “atthī”ti vadāmi”ti evamādinā bhagavatā bhāsitaṃ.

Nāhaṃ bhikkhave lokena vivadāmi.

Na bhikkhave dhammavādī kenaci lokasmiṃ vivadati.

Pheṇapiṇḍūpamasutta

Pucchā – tattheva āvuso pheṇapiṇḍūpamasuttaṃ bhagavatā kattha kaṃ ārabba kathaṅca bhāsitaṃ.

Vissajjana – ayujjhāyaṃ bhante gaṅgāya nadiyā tīre sambahule bhikkhū ārabba “seyyathāpi bhikkhave ayaṃ gaṅgā nadī mahantaṃ pheṇapiṇḍaṃ āvaheyya, tamenāṃ cakkhumā puriso passeyya nijjhāyeyya yoniso upaparikkheyya, tassa taṃ passato nijjhāyato yoniso upaparikkhato rittakaññeva khāyeyya, tucchakaññeva khāyeyya, asārakaññeva khāyeyya, kiṃ siyā bhikkhave pheṇapiṇḍe sāro. Evameva kho bhikkhave yaṃ kiñci rūpaṃ atītānāgatapaccuppannaṃ ajjhattaṃvā bahiddhā vā oḷārikaṃ

vā sukhumaṃ vā hīnaṃ vā paṇītaṃ vā yaṃ dūre santike vā, taṃ bhikkhu passati nijjhāyati yoniso upaparikkhati, tassa taṃ passato nijjhāyato yoniso upaparikkhato rittakaññeva khāyati, tucchakaññeva khāyati, asāraññeva khāyati, kiñhi siyā bhikkhave rūpe sāro’’ti evamādinā bhagavatā bhāsitaṃ.

Phenaṇiṇḍūpamaṃ rūpaṃ, vedanā pubbuḷupamā;
Marīcikūpamā saññā, saṅkhārā kadalūpamā;
Māyūpamañca viññāṇaṃ, desitādiccabandhunā;

Yathā yathā nijjhāyati, yoniso upaparikkhati;
Rittakaṃ tucchakaṃ hoti, yo naṃ passati yoniso.

Imañca kāyaṃ ārabha, bhūripaññena desitaṃ;
Pahānaṃ tiṇṇaṃ dhammānaṃ, rūpaṃ passatha chaḍḍitaṃ.

Āyu usmāca viññāṇaṃ, yadā kāyaṃ jahantimaṃ;
Apariddho tadā seti, parabhattaṃ acetanaṃ.

Etādisāyaṃ santāno, māyāyaṃ bālalāpinī;
Vadhako esa akkhāto, sāro ettha na vijjati.

Evaṃ khandhe avekkheyya, bhikkhu āradhaviṇṇayo;
Divā vā yadi vā rattiṃ, sampajāno paṭissato.

Jaheyya sabbasaṃyogaṃ, kareyya saraṇattano;
Careyyādittasīsova, patthayaṃ accutaṃ padaṃ.

Dutiyadhammakatikasutta

Pucchā – tattheva āvuso dhammakathikavagge dutiyadhammakathikasuttaṃ bhagavatā kattha kaṃ ārabha kismiṃ vatthusmiṃ kathañca bhāsitaṃ.

Vissajjanā – sāvatthiyaṃ bhante aññataraṃ bhikkhuṃ ārabha bhāsitaṃ. Aññatamo bhante bhikkhu bhagavantaṃ etadavoca ‘‘dhammakathiko dhammakathikoti bhante vuccati, kittāvatā nu kho bhante dhammakathiko hoti, kittāvatā dhammānudhammappaṭipanno hoti, kittāvatā diṭṭhadhammanibbānappatto hoti’’ti. Tasmīṃ bhante vatthusmiṃ ‘‘rūpassa ce bhikkhu nibbidāya virāgāya nirodhāya dhammaṃ deseti, ‘dhammakathiko bhikkhū’’ti alaṃ vacanāyā’’ti evamādinā bhagavatā bhāsitaṃ.

Sīlavantasutta, sutavantasutta

Pucchā – tattheva āvuso porāṇakehi dhammasaṃgāhakamahātherehi saṃgītaṃ sīlavantasuttañca sutavantasuttañca kattha kaṃ ārabha kismiṃ vatthusmiṃ kena kathañca bhāsitaṃ.

Vissajjanā – bārāṇasiyaṃ bhante āyasmantaṃ mahākoṭṭhikaṃ ārabha āyasmatā sārīputtattherena dhammasenāpatinā bhāsitaṃ. Āyasmā bhante mahākoṭṭhiko sāyanhasamayaṃ paṭisallānā vuṭṭhito yenāyasmā sārīputto tenupasaṅkami, upasaṅkamitvā āyasmantaṃ sārīputtaṃ etadavoca ‘‘sīlavatāvuso sārīputta bhikkhunā katame dhammā yoniso manasikātabbā. Sutāvatāvuso sārīputta bhikkhunā katame dhammā yoniso manasikātabbā’’ti. Tasmīṃ bhante vatthusmiṃ ‘‘sīlavatāvuso koṭṭhika bhikkhunā, sutāvatāvuso koṭṭhika bhikkhunā pañcupādānakkhandhā aniccato dukkhato rogato gaṇḍato sallato aghato ābādhato parato palokato suññato anattato yoniso manasikātabbā’’ti evamādinā āyasmatā sārīputtattherena dhammasenāpatinā bhāsitaṃ.

Rādhasaṃyutta

Sattasutta

Pucchā – rādhasaṃyutte panāvuso dutiyaṃ sattasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante āyasmantaṃ rādhattheraṃ ārabba bhāsitaṃ. Āyasmā bhante rādhatthero bhagavantaṃ etadavoca “satto sattoti bhante vuccati, kittāvatā nu kho bhante sattoti vuccatī”ti. Tasmīṃ bhante vatthusmiṃ “rūpe kho rādha yo chando yo rāgo yā nandī yā taṇhā, tatra satto tatra visatto, tasmā sattoti vuccatī”ti evamādinā bhagavatā bhāsitaṃ.

Diṭṭhisāṃyutta

Soattāsutta

Pucchā – diṭṭhisāṃyutte panāvuso tatiyaṃ saṃgītaṃ soattā suttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “kismiṃ nu kho bhikkhave sati kiṃ upādāya kiṃ abhinivissa evaṃ diṭṭhi uppajjati so attā so loko so pecca bhavissāmi nicco dhuvo sassato avipariṇāmadhammo”ti evamādinā bhante bhagavatā bhāsitaṃ.

Natthidinnasutta

Pucchā – tattheva āvuso pañcamaṃ natthidinnasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “kismiṃ nu kho bhikkhave sati kiṃ upādāya kiṃ abhinivissa evaṃ diṭṭhi uppajjati natthi dinnam, natthi yiṭṭham, natthi hutam, natthi sukata dukkaṭānaṃ kammānaṃ phalaṃ vipāko”ti evamādinā bhagavatā bhāsitaṃ.

Okkantasaṃyutta

Cakkhusutta

Pucchā – okkantasaṃyutte panāvuso paṭhamaṃ cakkhusuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “cakkhuṃ bhikkhave aniccaṃ vipariṇāmi aññathābhāvi. Sotaṃ. Ghānaṃ. Jivhaṃ. Kāyo. Mano anicco vipariṇāmi aññathābhāvi”ti evamādinā bhagavatā bhāsitaṃ.

Sāriputtasāṃyutta

Sucimukhīsutta

Pucchā – sāriputtasāṃyutte panāvuso dasamaṃ sucimukhīsuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – rājagahe bhante sucimukhiṃ paribbājikaṃ ārabha āyasmatā sārīputtattherena dhammasenāpatinā bhāsitaṃ. Sucimukhī bhante paribbājikā āyasmantaṃ sārīputtaṃ etadavoca “kiṃ nu kho samaṇa adhomukho bhuñjasi”ti. Tasmīṃ bhante vatthusmiṃ “na khvāhaṃ bhagini adhomukho bhuñjāmi”ti evamādinā paṭikkhipitvā “ye hi keci bhagini samaṇabrāhmaṇā vatthuvijjā tiracchānavijjāya micchājīvena jīvikaṃ kappenti, ime vuccanti bhagini samaṇabrāhmaṇā adhomukhā bhuñjanti”ti evamādinā āyasmatā sārīputtattherena dhammasenāpatinā bhāsitaṃ.

Kiṃ nu kho samaṇa adho mukho bhuñjasi.

Na khvāhaṃ bhagini adhomukho bhuñjāmi.

Tena hi samaṇa ubbhamukho bhuñjasi.

Na khvāhaṃ bhagini ubbhamukho bhuñjāmi.

Salāyatanavaggasaṃyuttapāḷi

Ajjhattānīcasutta, bāhirasutta

Pucchā – tenāvuso bhagavatā...pe... sammāsambuddhena salāyatanavaggasaṃyutte paṭhamamaṃ ajjhattānīcasuttaṅca catutthamaṃ bāhirānīcasuttaṅca kattha kaṃ ārabha kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabha “cakkhuṃ bhikkhave aniccaṃ, yadaniccaṃ taṃ dukkhaṃ, yaṃ dukkhaṃ tadanattā, yadanattā taṃ ‘netamaṃ mama, nesohamasmi, na meso attā’ti evametaṃ yathābhūtaṃ sammappaññāya daṭṭhabba”nti evamādināca. “Rūpā bhikkhave aniccā. Yadaniccaṃ taṃ dukkhaṃ, yaṃ dukkhaṃ tadanattā, yadanattā taṃ netamaṃ mama, nesohamasmi, na meso attā”ti ca evamādinā bhagavatā bhāsitaṃ.

Sabbavagga

Ādittasutta

Pucchā – tathāvuso sabbavagge chaṭṭhamaṃ ādittasuttaṃ bhagavatā kattha kaṃ ārabha kathaṅca bhāsitaṃ.

Vissajjanā – gayāyaṃ bhante gayāsīse purāṇajaṭilaṃ bhikkhusahassaṃ ārabha “sabbamaṃ bhikkhave ādittamaṃ, kiṅca bhikkhave sabbamaṃ ādittamaṃ. Cakkhu bhikkhave ādittamaṃ, rūpā ādittā, cakkhuvīññānaṃ ādittamaṃ, cakkhusamphassa ādito, yampidaṃ cakkhusamphassapaccayā uppajjati, vedayitaṃ sukhaṃ vā dukkhaṃ vā adukkhamasukhaṃvā, tampi ādittamaṃ. Kena ādittamaṃ. Rāgagginā dosagginā mohagginā ādittamaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi”ti evamādinā bhagavatā bhāsitaṃ.

Migajālavagga

Paṭhama migajālasutta

Pucchā – migajālavagge āvuso paṭhamamigajālasuttaṃ bhagavatā kattha kaṃ ārabha kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante āyasmantaṃ migajālattheramaṃ ārabha bhāsitaṃ. Āyasmā bhante

migajālatthero bhagavantam etadavoca ‘‘ekavihārī ekavihārīti bhante vuccati, kittāvatānukho bhante ekavihārī hoti, kittāvatāca pana sadutiyavihārī hoti’’ti. Tasmim bhante vatthusmim ‘‘santi kho migajāla cakkhuviññeyā rūpā iṭṭhā kantā manāpā piyarūpā kāmūpasamhitā rajanīyā, tañce bhikkhu abhinandati abhivadati ajjhosāya tiṭṭhati, tassa tam abhinandato abhivadato ajjhosāya tiṭṭhato uppajjati nandī, nandiyā sati sārāgo hoti, sārāge sati samyogo hoti, nandisamyojanasamyutto kho migajāla bhikkhu sadutiyavihārīti vuccati’’ti evamādinā bhagavatā bhāsitaṃ.

Paṭhama chaphassāyatanasutta

Pucchā – tattheva navamaṃ saṃgītaṃ paṭhamachaphassāyatanasuttaṃ bhagavatā kattha kaṃ ārabha kathaṃca bhāsitaṃ.

Vissajjanā – rājagahe bhante sambahule bhikkhū ārabha ‘‘yo hi koci vikkhave bhikkhu channaṃ phassāyatanānaṃ samudayaṃca atthaṅgamaṃca assādaṃca ādīnavaṃca nissaraṇaṃca yathābhūtaṃ nappajānāti, avusitaṃ tena brahmacariyaṃ, ārakā so imasmā dhammavinayā’’ti evamādinā bhagavatā bhāsitaṃ.

Ahaṃ hi bhante channaṃ phassāyatanānaṃ samudayaṃca atthaṅgamaṃca assādaṃca ādīnavaṃca nissaraṇaṃca yathābhūtaṃ nappajānāmi.

Cakkhum etaṃ mama, esohamasmi, eso me attāti samanupassasi.

No hetam bhante.

Ettha ca te bhikkhu cakkhu netaṃ mama, nesohamasmi, na meso attāti evametaṃ yathābhūtaṃ sammappaññāya sudiṭṭhaṃ bhavissati, esevanto dukkhassa.

Gilānavagga

Paṭhama gilānasutta

Pucchā – gilānavagge panāvuso paṭhamaṃ gilānasuttaṃ bhagavatā kattha kaṃ ārabha kismiṃ vatthusmim kathaṃca bhāsitaṃ.

Vissajjanā – sāvatthiyaṃ bhante aññataraṃ navaṃ bhikkhum gilānaṃ ābādhitam dukkhitam bāḷhagilānaṃ ārabha bhāsitaṃ. Aññataro bhante bhikkhu gilāno ābādhiko dukkhito bāḷhagilāno bhagavantam etadavoca ‘‘nakhvāham bhante sīlavissuddhattham bhagavatā dhammam desitam ājānāmi’’ti. Tasmim bhante vatthusmim tam bhikkhum paṭipucchitvā tassa ca vacanaṃ sādhuṅkāraṃ datvā ‘‘rāgavirāgattho hi bhikkhu mayā dhammo desito, tam kim maññasi bhikkhu, cakkhu niccam vā aniccaṃ vāti. Aniccaṃ bhante. Yaṃ panāniccam dukkham vā tam sukham vāti, dukkham bhante’’ti evamādinā bhagavatā bhāsitaṃ.

Na me bhante khamanīyaṃ.

Sādhu kho tvam bhikkhu rāgavirāgattham mayā dhammam desitam ājānāsi,

Channavagga

Puṇṇasutta

Pucchā – channavagge panāvuso pañcamam saṃgītam puññasuttam bhagavatā kattha kam ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyam bhante āyasmantaṃ puñnattheram ārabba bhāsitaṃ, āyasmā bhante puñnatthero bhagavantaṃ etadavoca “sādhū me bhante bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”nti. Tasmim vatthusmiṃ “santi kho puñña cakkhuvīñṇeyyā rūpā iṭṭhā kantā manāpā piyarūpā kāmūpasamhitā rajanīyā, tañce bhikkhu abhinandati abhivadati ajjhosāya tiṭṭhati, tassa taṃ abhinandato abhivadato ajjhosāya tiṭṭhato uppajjati nandī, nandī samudayo dukkhasamudayo puñṇāti vadāmi”ti evamādinā bhante bhagavatā bhāsitaṃ.

Pucchā – evañcāvuso bhagavā āyasmato puñnattherassa saṃkhittena ovādam datvā kathaṅca naṃ paṭipucchi, kathaṅca so bhagavato ārocesi, kathaṅcassāyasmato puñnattherassa abhisamparāyo ahoṣi.

Vissajjanā – evaṃ kho bhante bhagavā āyasmato puñnattherassa saṃkhittena ovādam datvā “iminā tvaṃ puñña mayā saṃkhittena ovādena ovadito katamasmiṃ janapade viharissasi”ti taṃ āyasmantaṃ puñnattheram paṭipucchi. So ca bhante āyasmā “atthi bhante sunāparanto nāma janapado, tatthāhaṃ viharissāmi”ti evamādinā bhagavato ārocesi. So hi bhante āyasmā sunāparante janapade vasitvā teneva antaravassena tisso vijjā sacchākāsi. Teneva antaravassena parinibbāyi. Evaṃ kho bhante tassa āyasmato abhisamparāyo ahoṣi.

Santi kho tassa bhagavato sāvakā kāyena ca jīvitena ca aṭṭiyamānā harāyamānā jigucchamānā satthahāraṃ pariyesanti.

Sakkhissasi kho tvaṃ puñña iminā damūpasamena samannāgato sunāparasantaṃ janapade vatthum.

Ṣaḍavagga

Mālukiyaṭṭasutta

Pucchā – tenāvuso bhagavatā...pe... sammāsambuddhena ṣaḍavagge dutiyaṃ māluṅkiyaṭṭasuttaṃ kattha kam ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyam bhante āyasmantaṃ māluṅkiyaṭṭattheram ārabba bhāsitaṃ. Āyasmā bhante māluṅkiyaṭṭatthero bhagavantaṃ etadavoca “sādhū me bhante bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”nti. Tasmim vatthusmiṃ “ettha dāni māluṅkiyaṭṭa kiṃ dahare bhikkhū vakkhāmāti”ādinaṃ theram apasādetvā ceva ussādetvā ca “taṃ kiṃ mañṇasi māluṅkiyaṭṭa, ye te cakkhuvīñṇeyyā rūpā adiṭṭhā adiṭṭhapubbā, na ca passasi, na ca te hoti passeyyanti, atthi te tattha chando vā rāgo vā evamādinā bhante bhagavatā bhāsitaṃ.

Pucchā – imasmim ca kho panāvuso bhagavatā ovāde saṃkhittena bhāsita so āyasmā māluṅkiyaṭṭatthero bhagavantaṃ kiṃ avoca kathaṅcassa bhagavā anuñṇāsi. Kīdiso cassāyasmato māluṅkiyaṭṭattherassa dhammābhisamayo ahoṣi.

Vissajjanā – imasmim kho bhante ovāde bhagavatā saṃkhittena bhāsita āyasmā māluṅkiyaṭṭatthero bhagavantaṃ etadavoca “imassa khvāhaṃ bhante bhagavatā saṃkhittena bhāsitaṃ vitthārena atthaṃ ājānāmi.

Rūpaṃ disvā muṭṭhā, piyaṃ nimittaṃ manasi karoto;

Sārattacitto vedeti, tañca ajjhosa tiṭṭhati.

Tassa vaḍḍhanti vedanā, anekā rūpasambhavā;
Abhijjhā ca vihesā ca, cittamassūpahaññati;
Evaṃ ācinato dukkhaṃ, ārā nibbāna vuccati;

Peyyāla

Na so rajjati dhammesu, dhammaṃ ñatvā paṭissato;
Virattacitto vedeti, tañca nājjhosa tiṭṭhati.

Yathāssa jānato dhammaṃ, sevato cāpi vedanaṃ;
Khīyati nopacīyati, evaṃ so caratī sato;
Evaṃ apacinato dukkhaṃ, santike nibbāna vuccatīti.

Imassa khvāhaṃ bhante bhagavatā saṃkhittena bhāsītassa evaṃ vitthārena atthaṃ ājānāmīti.
Bhagavā ca bhante “sādhu sādhu mālukyaputta, sādhu kho tvaṃ mālukyaputta mayā saṃkhittena
bhāsītassa vitthārena atthaṃ ājānāsī”ti sādhukāraṃ datvā—

“Rūpaṃ disvā sati muṭṭho, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati”ti—

Ādinā

Therassa vacanaṃ samanūññāsī. So ca bhante āyasmā mālukyaputtatthero eko vūpakaṭṭho
appamatto ātāpī pahitatto viharanto nacirasseva yassatthāya kulaputtā sammadeva agārasmā anagāriyaṃ
pabbajanti, tadanuttaraṃ brahmacariyapariyosānaṃ diṭṭheva dhamme sayāṃ abhiññā sacchikatvā
upasampajja vihāsi, “khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā”ti
abbhaññāsī. Aññataroca panāyasmā mālukyaputto arahataṃ ahoṣi. Evaṃ kho bhante tassa āyasmato
abhisamparāyo ahoṣi.

Rūpaṃ disvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

Pamādavihārīsutta

Pucchā – tattheva āvuso catutthaṃ pamādavihārīsuttaṃ bhagavatā kattha kaṃ ārabha bhāsitaṃ.

Vissajjana – sāvatthiyaṃ bhante sambahule bhikkhū ārabha “pamādavihārīṇca vo bhikkhave
desessāmi appamādavihārīṇca, taṃ suṇātha. Kathaṃca bhikkhave pamādavihārī hoti. Cakkhundriyaṃ
asaṃvutassa bhikkhave viharato cittaṃ byāsīñcati cakkhuvīññeyyesu rūpesu, tassa byāsittacittassa
pāmojjaṃ na hoti, pāmojje asati pīti na hoti, pītiyā passaddhi na hoti, passaddhiyā asati dukkhaṃ hoti,
dukkhino cittaṃ na samādhiyati, asamāhi te citte dhammā na pātubhavanti, dhammānaṃ apātubhāvā
pamādavihārīteva saṅkhaṃ gacchatī”ti evamādinā bhante bhagavatā bhāsitaṃ.

Lokakāmaguṇavagga

Rāhulovādasutta

Pucchā – lokakāmaguṇavagge āvuso aṭṭhamaṃ rāhulovādasuttaṃ bhagavatā kattha kaṃ ārabha

kathañca bhāsitaṃ.

Vissajjanā – sāvatthiyaṃyeva bhante āyasmantaṃ rāhulaṃ ārabha “taṃ kiṃ maññasi rāhula, cakkhu niccaṃ vā aniccaṃ vāti. Aniccaṃ bhante. Yaṃ panāniccaṃ, dukkhaṃ vā taṃ sukhaṃvāti. Dukkhaṃ bhante. Yaṃ panāniccaṃ dukkhaṃ vipariṇāmadhammaṃ kallaṃ nu taṃ samanupassitaṃ ‘etaṃ mama, esohamasmi, eso me attā’ti. No hettaṃ bhante”ti evamādinā bhante bhagavatā bhāsitaṃ.

Yaṃnūnāhaṃ rāhulaṃ uttariṃ āsavānaṃ khaye vineyyaṃ.

Gaṇhāhi rāhula nisīdanaṃ.

Gahapativagga

Bhāradvājasutta

Pucchā – gahapativagge āvuso porāṇakehi dhammasaṃgāhakamahātherehi catutthaṃ saṃgītaṃ bhāradvājasuttaṃ kattha kaṃ ārabha kismiṃ vatthusmiṃ kena kathañca bhāsitaṃ.

Vissajjanā – kosambiyaṃ bhante rājānaṃ udenaṃ ārabha āyasmataṃ piṇḍolabhāradvājattherena bhāsitaṃ. Rājā bhante udeno āyasmantaṃ piṇḍolabhāradvājaṃ etadavoca “ko nu kho bho bhāradvāja hetu ko paccayo, yenime daharā bhikkhū susū kāḷakesā bhadrena yobbanena samannāgatā paṭhamena vayasā anikīḷitāvino kāmesu yāvajīvaṃ paripuṇṇaṃ parisuddhaṃ brahmacariyaṃ caranti, addhānañca āpādentī”ti. Tasmīṃ vatthusmiṃ “vuttaṃ kho

Ettaṃ mahārāja tena bhagavatā jānatā passatā arahatā sammāsambuddhena etha tumhe bhikkhave mātumattīsu mātucittaṃ upaṭṭhapetha. Bhaganimattīsu bhaginiccittaṃ upaṭṭhapetha, dhītumattīsu dhītucittaṃ upaṭṭhapethā”ti evamādinā bhante āyasmataṃ piṇḍola bhāradvājattherena bhāsitaṃ.

Verahaccānisutta

Pucchā – tattheva āvuso porāṇakehi dhammasaṃgāhakamahātherehi dasamaṃ saṃgītaṃ verahaccānisuttaṃ kattha kaṃ ārabha kismiṃ vatthusmiṃ kena kathañca bhāsitaṃ.

Vissajjanā – kāmaṇḍāyaṃ bhante verahaccānigottaṃ brāhmaṇiṃ ārabha āyasmataṃ udāyittherena bhāsitaṃ. Verahaccānīgottā bhante brāhmaṇī āyasmantaṃ udāyittheraṃ etadavoca “kismiṃ nu kho bhante sati arahanto sukhadukkhaṃ paññapenti, kismiṃ asati arahanto sukhadukkhaṃ na paññapenti”ti. Tasmīṃ vatthusmiṃ “cakkhusmiṃ kho bhagini sati arahanto sukhadukkhaṃ paññapenti, cakkhusmiṃ asati arahanto sukhadukkhaṃ na paññapenti”ti evamādinā bhante āyasmataṃ udāyittherena bhāsitaṃ.

Devadahavagga

Khaṇasutta

Pucchā – devadahavagge āvuso khaṇasuttaṃ bhagavatā kattha kaṃ ārabha kathañca bhāsitaṃ.

Vissajjanā – sakkesu bhante devadahe nāma sakyānaṃ nigame sambahule bhikkhū ārabha “lābhā vo bhikkhave, suladdhaṃ vo bhikkhave, khaṇo vo paṭiladdho brahmacariyavāsāyā”ti evamādinā bhante bhagavatā bhāsitaṃ.

Samuddavagga

Bālisikopamasutta

Pucchā – samuddavagge panāvuso tatiyaṃ bālisikopamasuttaṃ bhagavatā kattha kaṃ ārabha bhāsitaṃ.

Vissajjanā – rājagahe bhante jīvakambavane sambahule bhikkhū ārabha “seyyathāpi bhikkhave bālisiko āmisagatabāliṣaṃ gambhīre udakarahade pakkhipeyyā”ti evamādinā bhagavatā bhāsitaṃ.

Ādittapariyāyasutta

Pucchā – salāyatanavaggasaṃyutte samuddavagge panāvuso porāṇakehi dhammasaṃgāhakamahātherehi saṃgītaṃ aṭṭhamaṃ ādittapariyāyasuttaṃ bhagavatā kaṃ ārabha kathaṅca bhāsitaṃ.

Vissajjanā – sambahule bhante bhikkhū ārabha “ādittapariyāyaṃ vo bhikkhave dhammapariyāyaṃ desessāmi, taṃ suṇātha. Katamo ca bhikkhave ādittapariyāyo dhammapariyāyo. Varam bhikkhave tattāya ayosalākāya ādittāya sampajjalitāya sajotibhūtāya cakkhundriyaṃ sampalimaṭṭhaṃ, natveva cakkhuviññeyyesu rūpesu anubyañjanaso nimittaggāho”tiadinā bhagavatā bhāsitaṃ.

Āsīvisavagga

Paṭhamadārukkhandhopamasutta

Pucchā – āsīvisavagge āvuso porāṇakehi dhammasaṃgāhakamahātherehi catutthaṃ saṃgītaṃ paṭhamadārukkhandhopamasuttaṃ bhagavatā kattha kaṃ ārabha kathaṅca bhāsitaṃ.

Vissajjanā – kosambiyaṃ bhante gaṅgāya nadiyā tīre sambahule bhikkhū ārabha “passatha no tumhe bhikkhave amhaṃ mahantaṃ dārukkhandhaṃ gaṅgāya nadiyā sotena vuyhamāna”nti evamādinā bhagavatā bhāsitaṃ.

Upacāravacanaṃ

Pucchā – kathaṅcāvuso tattha bhagavatā orimatīrādīnaṃ upacāravacanānaṃ attho vitthārena vibhajitvā pakāsito.

Vissajjanā – orimaṃ tīranti kho bhikkhu channaṃ ajjhattikānaṃ āyatanānaṃ adhivacanaṃ. Pārimaṃ tīranti kho bhikkhu channaṃ bāhirānaṃ āyatanānaṃ adhivacanaṃ. Majjhe saṃsīdoti kho bhikkhu nandirāgassetāṃ adhivacanaṃ. Thale ussādoti kho bhikkhu asmimānassetāṃ adhivacanaṃti evamādinā bhante bhagavatā tattha orimatīrādīnaṃ upacāravacanānaṃ attho vitthārena vibhajitvā pakāsito.

Pucchā – imasmiṃ kho pana āvuso sutte bhagavatā bhāsīte visesato kassa kīdiso attho kathaṅca paṭiladdho.

Vissajjanā – imasmiṃ bhante sutte bhagavatā bhāsīte visesato nandassa gopālakassa pabbajjā ca upasampadā ca yāva arahattāca visesato attho adhigato.

Labheyyāhaṃ bhante bhagavato santike pabbajjaṃ, labheyyaṃ upasampadaṃ.

Tena hi tvaṃ nanda sāmikānaṃ gāvo niyyātehi.

Gamissanti bhante gāvo vacchagiddhiniyo.

Kiṃsukopamasutta

Pucchā – tattheva āvuso porāṇakehi dhammasaṃgāhakamahātherehi aṭṭhamāṃ saṃgītaṃ kiṃsukopamasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sakkesu bhante kapilavatthusmiṃ nigrodhārāme aññataraṃ kārakaṃ bhikkhuṃ ārabba bhāsitaṃ. Aññataro bhante kārako bhikkhu cattāro khāṇāsava bhikkhū ñāṇadassanavisuddhaṃ pucchitvā asantuṭṭho tesāṃ bhikkhūnaṃ pañhāveyyākaraṇena yena bhagavā tenupasaṅkami. Upasaṅkamitvā bhagavantaṃ etadavoca “kittāvataṃ nu kho bhante bhikkhuno dassanaṃ suvisuddhaṃ hotī”ti. Tasmīṃ vatthusmiṃ “seyyathāpi bhikkhu purisassa kiṃsuko adiṭṭhapubbo assa, so yenaññataro puriso kiṃsukassa dassāvī tenupasaṅkameyyā”ti evamādinā bhante bhagavatā bhāsitaṃ.

Chappāṇakopamasutta

Pucchā – tattheva āvuso porāṇakehi dhammasaṃgāhakamahātherehi dasamaṃ saṃgītaṃ chappāṇakopamasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sakkesuyeva bhante sambahule bhikkhū ārabba “seyyathāpi, bhikkhave puriso arugatto pakkagatto saravanaṃ paviseyyā”ti evamādinā bhagavatā bhāsitaṃ.

Pucchā – kathaṅcāvuso tattha bhagavatā asaṃvaro vitthārena vibhajitvā desito.

Vissajjanā – kathaṅca bhikkhave asaṃvaro hoti, idha bhikkhave bhikkhu cakkhunā rūpaṃ disvā piyarūpe rūpe adhimuccati, appiyarūpe rūpe byāpajjati, anupaṭṭhitakāyassati ca viharati parittacetaso. Taṅca cetovimuttiṃ paññāvimuttiṃ yathābhūtaṃ nappajānāti, yatthassa te uppannā pāpakā akusalā dhammā aparisesā nirujjhantīti evamādinā bhante bhagavatā tattha asaṃvaro vitthārena vibhajitvā desito.

Pucchā – kathaṅcāvuso tattha bhagavatā saṃvaro vibhajitvā vitthārena desito.

Vissajjanā – kathaṅca bhikkhave saṃvaro hoti, idha bhikkhave bhikkhu cakkhunā rūpaṃ disvā piyarūpe rūpe nādhimuccati, appiyarūpe rūpe na byāpajjati, evamādinā bhante bhagavatā tattha saṃvaro vibhajitvā vitthārena desito.

Vedanāsaṃyutta

Daṭṭhabbasutta

Pucchā – tenāvuso bhagavatā...pe... sammāsambuddhena vedanāsaṃyutte pañcamaṃ daṭṭhabbasuttaṃ kattha kaṃ ārabba kathaṅca bhāsitaṃ.

Vissajjanā – sakkesu bhante kapilavatthusmiṃ nigrodhārāme sambahule bhikkhū ārabba “tisso imā bhikkhave vedanā. Katamā tisso, sukhā vedanā dukkhāvedanā adukkhamasukhā vedanā. Sukhā bhikkhave vedanā dukkhato daṭṭhabbā, dukkhā vedanā sallato daṭṭhabbā, adukkhamasukhā vedanā aniccato daṭṭhabbā”ti evamādinā bhagavatā bhāsitaṃ.

Sukhā bhikkhave vedanā dukkhato daṭṭhabbā.

Yo sukhaṃ dukkhato addasa, dukkhamaddakkhi sallato;
Adukkhamasukhaṃ santaṃ, addakkhinaṃ aniccato.

Sa ve sammaddaso bhikkhu, parijānāti vedanā;
So vedanā pariññāya, diṭṭhe dhamme anāsavo;
Kāyassa bheda dhammaṭṭho, saṅkhyāṃ nopeti vedagū.

Sallasutta

Pucchā – tattheva āvuso chaṭṭhaṃ sallasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sakkesu bhante kapilavatthusmiṃ nigrodhārāme sambahule bhikkhū ārabba “assutavā bhikkhave puthujjano sukhampi vedanaṃ vedayati, dukkhampi vedanaṃ vedayati, adukkhamasukhampi vedanaṃ vedayati. Sutavā bhikkhave ariyasāvako sukhampi vedanaṃ vedayati, dukkhampi vedanaṃ vedayati, adukkhamasukhampi vedanaṃ vedayati. Tatra bhikkhave ko viseso, ko adhippayāso, kiṃ nānākaraṇaṃ sutavato ariyabhāvakassa assutavatā puthujjanenā”ti evamādinā bhagavatā bhāsitaṃ.

Jambukhādakasamyutta

Nibbānapañhāsutta

Pucchā – jambukhādakasamyutte āvuso paṭhamaṃ nibbānapañhāsuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – magadhesu bhante nālakagāmake jambukhādakaṃ paribbājakaṃ ārabba āyasmatā sārīputtattherena dhammasenāpatinā bhāsitaṃ. Jambukhādako bhante paribbājako āyasmantaṃ sārīputtaṃ etadavoca “nibbānaṃ nibbānanti āvuso sārīputta vuccati, katamaṃ nukho āvuso nibbāna”nti. Tasmīṃ bhante vatthusmiṃ “yo kho āvuso rāgakkhayo dosakkhayo mohakkhayo, idaṃ vuccati nibbāna”nti evamādinā āyasmatā sārīputtattherena dhammasenāpatinā bhāsitaṃ.

Dhammavādīpañhāsutta

Pucchā – tattheva āvuso porāṇakehi dhammasaṃgāhakamahātherehi tatiyaṃ saṃgītaṃ dhammavādīpañhāsuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – magadhesuyeva bhante nālakagāme jambukhādakaṃ paribbājakaṃ ārabba āyasmatā sārīputtattherena dhammasenāpatinā bhāsitaṃ. Jambukhādako bhante paribbājako āyasmantaṃ sārīputtaṃ etadavoca “ke nu kho āvuso sārīputta loke dhammavādino, ke loke suppaṭipannā, ke loke sugatā”ti. Tasmīṃ bhante vatthusmiṃ “ye kho āvuso rāgappahānāya dhammaṃ desenti, dosappahānāya dhammaṃ desenti, mohappahānāya dhammaṃ desenti. Te loke dhammavādino”ti evamādinā āyasmatā sārīputtattherena dhammasenāpatinā bhāsitaṃ.

Ke loke suppaṭipannā.

Ke loke sugatā.

Dukkarapañhāsutta

Pucchā – tattheva porāṇakehi dhammasaṃgāhaka mahātherehi pariyosānasuttabhāvena saṃgītaṃ dukkarapañhāsuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – magadhesuyeva nālakaḡāme jambukhādakaṃ paribbājakaṃ ārabba āyasmatā sāriputtattherena dhammasenāpatinā bhāsitaṃ. Jambukhādako bhante paribbājako āyasmantaṃ sāriputtaṃ etadavoca “kiṃ nu kho āvuso sāriputta imasmiṃ dhammavinaye dukkara”nti. Tasmim bhante vatthusmiṃ “pabbajjā kho āvuso imasmiṃ dhammavinaye dukkarā”ti evamādinā āyasmatā sāriputtattherena dhammasenāpatinā bhāsitaṃ.

Moggallānasamyutta

Sakkasutta

Pucchā – moggallānasamyutte āvuso dasamaṃ saṃgītaṃ sakkasuttaṃ kattha kaṃ ārabba kena kathaṅca bhāsitaṃ.

Vissajjanā – devesu bhante tāvatiṃsesu sakkamaṃ devānamindaṃ ārabba “sādhu kho devānaminda buddhasaraṇagamaṇaṃ hoti, buddhasaraṇagamaṇaṃ hetu kho devānaminda evamidhekacce sattā kāyassa bhedaṃ paraṃ maraṇā sugatiṃ saggamaṃ lokamaṃ upapajjanti”ti evamādinā bhante āyasmatā mahāmoggallānattherena bhāsitaṃ.

Cittasamyutta

Nigaṇṭhanāṭaputtasutta

Pucchā – cittasamyutte āvuso porāṇakehi dhammasaṃgāhakamahātherehi aṭṭhamaṃ saṃgītaṃ nigaṇṭhanāṭaputtasuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – macchikāsaṇḍe bhante nigaṇṭhaṃ nāṭaputtaṃ ārabba cittena gahapatinā bhāsitaṃ. Nigaṇṭho bhante nāṭaputto cittaṃ gahapatiṃ etadavoca “saddahasi tvamaṃ gahapati samaṇassa gotamassa atthi avitakko avicāro samādhī, atthi vitakkavicārānaṃ nirodho”ti. Tasmim bhante vatthusmiṃ “na khvāhaṃ ettha bhante bhagavato saddhāya gacchāmi, atthi avitakko avicāro samādhī, atthi vitakkavicārānaṃ nirodho”ti evamādinā cittena gahapatinā bhāsitaṃ.

Idaṃ bhavanto passantu.

Yāva ujuko cāyaṃ citto gahapati.

“Ahaṃ kho bhante yāvadeva ākaṅkhāmi, vivicceva kāmehi vivicca akusalehi dhammehi savitakkaṃ savicāraṃ vivekajamaṃ pītisukhaṃ paṭhamaṃ jhānaṃ upasampajja viharāmi” –

Idaṃ bhavanto passantu.

Acelakassapasutta

Pucchā – tattheva āvuso porāṇakehi dhammasaṃgāhakamahātherehi navamaṃ saṃgītaṃ acelakassapasuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – tattheva bhante macchikāsaṇḍe acelaṃ kassapaṃ ārabba cittena gahapatinā bhāsitaṃ. Acelo bhante kassapo cittaṃ gahapatiṃ etadavoca “imehi pana te gahapati tiṃsamattehi

vassehi atthi koci uttarimanussadhammo alamariyaññadassanaviseso adhigato phāsuvihāro”ti. Tasmim bhante vatthusmim “gihinopi siyā bhante ahañhi bhante yāvadeva ākañkhāmi, vivicca kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharāmi”ti evamādinā cittaena gahapatinā bhāsitaṃ.

Gāmaṇisaṃyutta

Caṇḍasutta

Pucchā – tenāvuso bhagavatā...pe... sammāsambuddhena gāmaṇisaṃyutte paṭhamaṃ caṇḍasuttaṃ kattha kaṃ ārabba kismim vatthusmim kathaṇca bhāsitaṃ.

Vissajjanā – sāvatthiyaṃ bhante caṇḍaṃ gāmaṇim ārabba bhāsitaṃ. Caṇḍo bhante gāmaṇi bhagavantaṃ etadavoca “ko nu kho bhante hetu ko paccayo, yena midhekacco caṇḍo caṇḍotveva sañkhaṃ gacchati. Ko pana bhante hetu ko paccayo, yena midhekacco sorato soratotveva sañkhaṃ gacchati”ti. Tasmim bhante vatthusmim “idha gāmaṇi ekaccassa rāgo appahīno hoti, rāgassa appahīnattā pare kopenti, parehi kopiyamāno kopam pātukaroti, so caṇḍotveva sañkhaṃ gacchati”ti evamādinā bhagavatā bhāsitaṃ.

Khettūpamasutta

Pucchā – tattheva āvuso porāṇakehi dhammasaṃgāhakamahātherehi sattamaṃ saṃgītaṃ khettūpamasuttaṃ kattha kaṃ ārabba kismim vatthusmim kathaṇca bhāsitaṃ.

Vissajjanā – nālandāyaṃ bhante pāvārikambavane asibandhakaputtaṃ gāmaṇim ārabba bhāsitaṃ. Asibandhakaputto bhante gāmaṇi bhagavantaṃ etadavoca “nanu bhante bhagavā sabbapāṇabhūtahitānukampī viharatīti. Evaṃ gāmaṇi tathāgato sabbapāṇabhūtahitānukampī viharatīti. Atha kiñcarahi bhante bhagavā ekaccānaṃ sakkaccaṃ dhammaṃ deseti, ekaccānaṃ no tathā sakkaccaṃ dhammaṃ deseti”ti. Tasmim bhante vatthusmim “tena hi gāmaṇi taññevettha paṭipucchissāmi, yathā te khameyya, tathā naṃ byākareyyāsi”ti evamādinā bhagavatā bhāsitaṃ.

Saṅkhadhamasutta

Pucchā – tattheva āvuso porāṇakehi dhammasaṃgāhaka mahātherehi aṭṭhamaṃ saṃgītaṃ saṅkhadhamasuttaṃ bhagavatā kattha kaṃ ārabba kismim vatthusmim kathaṇca bhāsitaṃ.

Vissajjanā – nālandāyaṃyeva bhante pāvārikambavane asibandhakaputtaṃ gāmaṇim nigaṇṭhasāvakaṃ ārabba bhāsitaṃ. Bhagavā bhante asibandhakaputtaṃ gāmaṇim nigaṇṭhasāvakaṃ etadavoca “kathaṃ nu kho gāmaṇi nigaṇṭho nāṭaputto sāvakānaṃ dhammaṃ deseti”ti. Evaṃ kho bhante nigaṇṭho nāṭaputto sāvakānaṃ dhammaṃ deseti “yo koci pāṇaṃ atipāṭeti, sabbo so āpāyiko nerayiko. (Peyyāla) yaṃbahulaṃ yaṃbahulaṃ viharati, tena tena nīyatī”ti. Tasmim bhante vatthusmim “yaṃbahulaṃ yaṃbahulaṇca gāmaṇi viharati, tena tena nīyati, evaṃ sante na koci āpāyiko nerayiko bhavissati, yathā nigaṇṭhassa nāṭaputtassa vacana”nti evaṃ kho bhagavatā saṃkhittena bhāsitaṃ.

Yaṃ bahulavāda

Pucchā – kathaṇcāvuso tattha bhagavatā yaṃbahulavāde doso pakāsito.

Vissajjanā – taṃ kim maññasi gāmaṇi, yo so puriso pāṇātipātī rattiyaṃ vā divasassa vā samayāsamayaṃ upādāya katamo bahutaro samayo yaṃ vāso pāṇamatipāṭeti. Yaṃ vā so pāṇaṃ

nātipātetīti evamādinā bhante tattha bhagavatā asibandhakam nigaṇṭhanāṭaputtassa sāvakaṃ gāmaṇiṃ pucchitvā pucchitvā yaṃbahulavāde doso pakāsito.

Pucchā – kathañcāvuso tattha bhagavatā anekamṣa vipākakammassa ekaṃ savipākavāde doso pakāsito.

Vissajjanā – idha gāmaṇi ekacco satthā evaṃvādī hoti evaṃdiṭṭhi yo koci pāṇamatipātetī, sabbo so āpāyiko nerayikoti evamādinā bhante tattha bhagavatā anekamṣa kammavipākassa ekamṣavipākavāde doso vitthāretvā pakāsito.

Pucchā – kathañcāvuso tattha bhagavatā yathādhammasāsane guṇovibhajitvā pakāsito.

Vissajjanā – idha pana gāmaṇi tathāgato loka uppajjati arahaṃ sammāsambuddho vijjācaraṇasampanno sugato lokavidū anuttaropurisa dammasārathi satthādevamanussānaṃ buddho bhagavā, so anekapariyāyena pāṇātipātaṃ garahati vigarahati. ‘‘Pāṇātipātā viramathā’’ti cāhāti evamādinā bhante bhagavatā tattha yathādhammasāsane guṇo vitthāretvā pakāsito.

Bhadrakasutta

Pucchā – tattheva āvuso porāṇakehi dhammasaṃgāhakamahātherehi ekādasamaṃ saṃgītaṃ bhadrakasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – mallesu bhante uruvelakappenāma mallānaṃ nigame bhadrakaṃ gāmaṇiṃ ārabba bhāsitaṃ. Bhadrako bhante gāmaṇi bhagavantaṃ etadavoca ‘‘sādhu me bhante bhagavā dukkhassa samudayaṅca atthaṅgamaṅca desetū’’ti. Tasmīṃ bhante vatthusmiṃ ‘‘ahañce te gāmaṇi atītamaddhānaṃ ārabba dukkhassa samudayaṅca atthaṅgamaṅca deseyyaṃ ‘evaṃ ahoṣi atītamaddhāna’nti. Tatra te siyā kaṅkhā siyā vimatī’’ti evamādinā bhagavatā bhāsitaṃ.

Sādhu me bhante bhagavā dukkhassa
Samudayaṅca atthaṅgamaṅca desetū—

‘‘Taṃ kiṃ maññasi gāmaṇi, atthi uruvelakappe manussā’’ –

Rāsiyasutta

Pucchā – tenāvuso bhagavatā...pe... sammāsambuddhena gāmaṇisaṃyutte dvādasamaṃ saṃgītaṃ rāsiyasuttaṃ kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – mallesu bhante uruvelakappenāma mallānaṃ nigame rāsiyaṃ gāmaṇiṃ ārabba bhāsitaṃ. Rāsiyo bhante gāmaṇi bhagavantaṃ upasaṅkamitvā etadavoca ‘‘sutaṃ me bhante ‘samaṇo gotamo sabbaṃ tapaṃ garahati, sabbaṃ tamassiṃ lūkhajīviṃ ekaṃsena upavadati upakkosatī’’ti. Ye te bhante evamāhaṃsu ‘samaṇo gotamo sabbaṃ tapaṃ garahati, sabbaṃ tapassiṃ lūkhajīviṃ ekaṃsena upavadati upakkosatī’’ti. Kacci te bhante bhagavato vuttavādino, na ca bhagavantaṃ abhūtena abbhācikkhanti, dhammassa cānudhammaṃ byākarontī’’ti. Tasmīṃ bhante vatthusmiṃ ye te gāmaṇi evamāhaṃsu ‘‘samaṇo gotamo sabbaṃ tapaṃ garahati, sabbaṃ tapassiṃ lūkhajīviṃ ekaṃsena upavadati upakkosatī’’ti evamādinā bhagavatā bhāsitaṃ.

Pucchā – kathañcāvuso tattha bhagavatā garahitabbāgarahitabbā kāmabhogino vitthārena vibhajitvā pakāsitaṃ.

Vissajjanā – tayo kho me gāmaṇi kāmabhogino santo saṃvijjamānā lokasmiṃ. Katame tayo. Idha gāmaṇi ekacco kāmabhogī adhammena bhoge pariyesati sāhasena, adhammena bhoge pariyesitvā sāhasena na attānaṃ sukheti na pīṇeti, na saṃvibhajati na puññāni karotīti evamādinā bhante tattha bhagavatā garahitabbāgarahitabbā kāmabhogino vitthārena vibhajitvā pakāsītā.

Pucchā – kathañcāvuso tattha bhagavatā garahitabbāgarahitabbā tapassino lūkhajīvino vitthārena vibhajitvā pakāsītā.

Vissajjanā – tayo me gāmaṇi tapassino lūkhajīvino santo saṃvijjamānā lokasmiṃ. Katame tayo. Idha gāmaṇi ekacco tapassī lūkhajīvī saddhā agārasmā anagāriyaṃ pabbajito hoti “appeva nāma kusalaṃ dhammaṃ adhigaccheyyaṃ, appeva nāma uttarimanussadhammā alamariyaññadassanavisesaṃ sacchikareyya”nti, so attānaṃ ātāpeti paritāpeti, kusalañca dhammaṃ nādhigacchati, uttari ca manussadhammā alamariyaññadassanavisesaṃ na sacchikarotīti evamādinā bhante tattha bhagavatā garahitabbāgarahitabbā tapassino lūkhajīvino vitthārena vibhajitvā pakāsītā.

Abyākatasamyutta

Khemāsutta

Pucchā – abyākatasamyutte panāvuso porāṇakehi dhammasaṃgāhaka mahātherehi paṭhamaṃ saṃgītaṃ khemāsuttaṃ kattha kaṃ ārabba kismiṃ vatthusmiṃ kena kathañca bhāsitaṃ. Kathañca taṃ bhagavatāpi puna bhāsitaṃ.

Vissajjanā – antarā ca bhante sāvattiṃ antarā ca sāketaṃ toraṇavatthusmiṃ padese rājānaṃ pasenadiṃ kosalaṃ ārabba khemāya bhikkhuniyā bhāsitaṃ. Rājā bhante pasenadi kosalo yena khemā bhikkhunī tenupasaṅkami, upasaṅkamtvā abhivādetvā ekamantaṃ nisīdi, ekamantaṃ nisinno kho bhante rājā pasenadikosalo khemaṃ bhikkhuniṃ etadavoca “kiṃ nukho ayye hoti tathāgato paraṃmaraṇā”ti. Tasmīṃ bhante vatthusmiṃ “abyākataṃ kho etaṃ mahārāja bhagavatā hoti tathāgato paraṃ maraṇā”ti evamādinā khemāya bhikkhuniyā bhāsitaṃ. Bhagavatā ca bhante aparena samayena raññā pasenadikosalena puṭṭhena evameva puna bhāsitaṃ.

Kiṃ panayye nahoti tathāgato paraṃ maraṇā.

Kutūhalasālāsutta

Pucchā – tattheva āvuso porāṇakehi dhammasaṃgāhakamahātherehi navamaṃ saṃgītaṃ kutūhalasālāsuttaṃ bhagavatā kattha kaṃ ārabba kismiṃ vatthusmiṃ kathañca bhāsitaṃ.

Vissajjanā – vesāliyaṃ bhante vacchagottaṃ paribbājakaṃ ārabba bhāsitaṃ. Vacchagotto bhante paribbājako bhagavantaṃ upasaṅkamtvā “purimāni bho gotama divasāni purimatarāni sambahulānaṃ nānātitthiyānaṃ samaṇabrāhmaṇānaṃ paribbājakānaṃ kutūhalasālāyaṃ sannisinnānaṃ sannipatitānaṃ ayamantarakathā udapādī”ti evamādikāṃ vacanaṃ avoca. Tasmīṃ bhante vatthusmiṃ “alañhi te vaccha kaṅkhituṃ, alaṃ vicikichituṃ. Kaṅkhanīye ca pana te ṭhāne vicikicchā uppannā”ti evamādinā bhagavatā bhāsitaṃ.

Mahāvaggasamyuttapāḷi

Avijjāvagga

Upaḍḍhasutta

Pucchā – mahāvaggasaṃyutte panāvuso porāṇakehi dhammasaṃgāhakamahātherehi dutiyaṃ saṃgītaṃ upaḍḍhasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sakkesu bhante sakkare nāma sakyānaṃ nigame āyasmantaṃ ānandattheraṃ ārabba bhāsitaṃ. Āyasmā bhante ānandatthero bhagavantaṃ etadavoca “upaḍḍhamidaṃ bhante brahmacariyaṃ yadidaṃ kalyāṇamittatā kalyāṇasahāyatā kalyāṇasampavaṅkatā”ti. Tasmim bhante vatthusmiṃ “mā hevaṃ ānanda, mā hevaṃ ānanda, sakalamevidaṃ ānanda brahmacariyaṃ yadidaṃ kalyāṇamittatā kalyāṇasahāyatā kalyāṇasampavaṅkatā”ti evamādinā bhagavatā bhāsitaṃ.

Mamaṃ hi ānanda kalyāṇamittaṃ āgama jātiddhammā sattā jātiyā parimuccanti.

Bojjhaṅgasamyutta

Kuṇḍaliyasutta

Pucchā – bojjhaṅgasamyutte panāvuso porāṇakehi dhammasaṃgāhakamahātherehi chaṭṭhaṃ saṃgītaṃ kuṇḍaliyasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sākete bhante añjanavane migadāye kuṇḍaliyaṃ paribbājakaṃ ārabba bhāsitaṃ. Kuṇḍaliyo bhante paribbājako bhagavantaṃ upasaṅkamitvā “ahamasmi bho gotama ārāmanissayī parisāvacarō, tassa mayhaṃ bho gotama pacchābhantaṃ bhuttapātarāsassa ayamācāro hoti ārāmena ārāmaṃ uyyānena uyyānaṃ anucaṅkamāmi anuvicārāmi, so tatha passāmi eke samaṇabrāhmaṇe itivādappamokkhānisamsaṅceva kathaṃ kathante upārambhānisamsaṅca, bhavaṃ pana gotamo kimānisamsō viharatī”ti etaṃ vacanaṃ avoca. Tasmim bhante vatthusmiṃ “vijjāvuttiphālānisamsō kho kuṇḍaliya tathāgato viharatī”ti evamādinā bhagavatā bhāsitaṃ.

Paṭhama gilānasutta

Pucchā – tenāvuso bhagavata jānatā...pe... sammāsambuddhena bojjhaṅgasamyutte dutiye gilānavagge paṭhamagilānasuttaṃ kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – rājagahe bhante pippaliguhāyaṃ āyasmantaṃ mahākassapattheraṃ ārabba bhāsitaṃ. Āyasmā bhante mahākassapatthero pippaliguhāyaṃ viharati ābādhiko dukkhito bālhaḡilāno. Atha kho bhante bhagavā sāyanhasamayaṃ paṭisallānā vuṭṭhito yenāyasmā mahākassapo tenupasaṅkami, upasaṅkamitvā paññatte āsane nisīdi, nisajja kho bhagavā āyasmantaṃ mahākassapaṃ etadavoca – “kacci te kassapa khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paññāyati no abhikkamoti. Na me bhante khamanīyaṃ na yāpanīyaṃ, bālha me dukkhā vedanā abhikkamanti no paṭikkamanti, abhikkamosānaṃ paññāyati no paṭikkamo”ti. Tasmim bhante vatthusmiṃ “sattime kassapa bojjhaṅgā mayā sammadakkhātā bhāvitā bahulīkatā abhiññāya sambodhāya nibbānāya saṃvattantī”ti evamādinā bhagavatā bhāsitaṃ.

Udāyisutta

Pucchā – tattheva āvuso tatiye udāyivagge porāṇakehi dhammasaṃgāhakamahātherehi dasamaṃ saṃgītaṃ udāyisuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sumbhesu bhante setakenāma sumbhānaṃ nigame āyasmantaṃ udāyittheraṃ ārabba bhāsitaṃ. Āyasmā bhante udāyitthero bhagavantaṃ upasaṅkamitvā “acchariyaṃ bhante, abbhutaṃ bhante, yāva bahukataṅca me bhante bhagavati pemaṅca gāravo ca hirī ca ottappañcāti evamādikāṃ vacanaṃ avoca. Tasmim bhante vatthusmiṃ “sādhu sādhu udāyi eso hi te udāyi maggo paṭiladdho. Yo te bhāvito bahulīkato, tathā tathā viharantaṃ tathattāya upanessati, yathā tvaṃ ‘khīṇā jāti, vusitaṃ

brahmacariyaṃ, kataṃ karaṇīyaṃ, nāparaṃ itthattāyā'ti pajānissatī'ti. Evaṃ kho bhagavatā bhāsitaṃ.

Satipaṭṭhānasamyutta

Satisutta

Pucchā – satipaṭṭhānasamyutte āvuso porāṇakehi dhammasaṃgāhaka mahātherehi dutiyaṃ saṃgītaṃ satisuttaṃ bhagavatā kattha kaṃ kārabbha kathaṅca bhāsitaṃ.

Vissajjanā – vesāliyaṃ bhante ambapālivane sambahule bhikkhū ārabba “sato bhikkhave bhikkhu vihareyya sampajāno ayaṃ vo amhākaṃ anusāsani'ti evamādinā bhagavatā bhāsitaṃ.

Sālasutta

Pucchā – tattheva āvuso porāṇakehi dhammasaṃgāhakamahātherehi catutthaṃ saṃgītaṃ sālasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – kosalesu bhante sālāyanāma kesalānaṃ brāhmaṇagāme sambahule bhikkhū ārabba “ye te bhikkhave bhikkhū navā acirapabbajitā adhunāgatā imaṃ dhammavinayaṃ, te vo bhikkhave bhikkhū catunnaṃ satipaṭṭhānānaṃ bhāvanāya samādapetabbā nivesetabbā patiṭṭhāpetabbā'ti evamādinā bhante bhagavatā bhāsitaṃ.

Sakuṇagghisutta

Pucchā – tattheva āvuso porāṇakehi dhammasaṃgāhakamahātherehi chaṭṭhaṃ saṃgītaṃ sakuṇagghisuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba “bhūtapubbaṃ bhikkhave sakuṇagghi lāpaṃ sakuṇaṃ sahasā ajjhappattā aggahesi. Atha kho bhikkhave lāpo sakuṇo sakuṇagghiyā hariyamāno evaṃ paridevasi mayamevamha alakkhikā, mayaṃ appapuññā, ye mayaṃ agocare carimha paravisaye, sacejja mayaṃ gocare careyyāma sake pettike visaye, na myāhaṃ sakuṇagghi alaṃ abhaviṣṣa yadidaṃ yuddhāyā'ti evamādinā bhagavatā bhāsitaṃ.

Mayamevamha alakkhikā, mayaṃ appapuññā.

Ko pana te lāpa gocaro sako pettiko visayo.

Yadidaṃ naṅgalakaṭṭhakarāṇaṃ leḍḍuṭṭhānaṃ.

Ehi kho dāni me sakuṇagghi, ehi kho dāni me sakuṇagghi,

(Dāruḷoviya vinivattitvā tasseva leḍḍussa antare paccupādi. Aṭṭhakathā)

Evañhi taṃ bhikkhave hoti yo agocare carati paravisaye.

Tasmātiha bhikkhave mā agocare carittha paravisaye.

Gocare bhikkhave caratha sake pettike visaye.

Gocare bhikkhave carataṃ sake pettike visaye na lacchati māro otāraṃ, na lacchati māro ārammaṇaṃ.

Bhikkhunupassayasutta

Pucchā – tattheva āvuso porāṇakehi dhammasaṃgāhakamahātherehi dasamaṃ saṃgītaṃ bhikkhunupassayasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante āyasmantaṃ ānandattheraṃ ārabba bhāsitaṃ. Āyasmā bhante ānando yāvattako ahosi bhikkhunīhi saddhiṃ kathāsallāpo taṃ sabbamaṃ bhagavato ārocesi. Tasmīṃ bhante vatthusmiṃ “evametaṃ ānanda, evametaṃ ānanda, yohi koci ānanda bhikkhu vā bhikkhunī vā catūsu satipaṭṭhānesu suppatiṭṭhitacitto viharati, tassetamaṃ paṭikaṅkhaṃ uḷāraṃ pubbenāparaṃ visesaṃ sañjānissati”ti evamādinā bhagavatā bhāsitaṃ.

Cundasutta

Pucchā – tattheva āvuso dutiye nālandavagge porāṇakehi dhammasaṃgāhakamahātherehi tatiyaṃ saṃgītaṃ cundasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante āyasmantaṃyeva ānandattheraṃ ārabba bhāsitaṃ. Āyasmā bhante ānandatthero cundena samaṇuddesena saddhiṃ yena bhagavā tenupasaṅkami. Upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinno kho bhante āyasmā ānando bhagavantaṃ etadavoca “ayaṃ bhante cundo samaṇuddeso evamāha ‘āyasmā bhante sārīputto parinibbuto, idamassa pattacīvara’nti. Api ca me bhante madhurakajāto viya kāyo, disāpi me na pakkhāyanti, dhammāpi maṃ nappaṭibhanti ‘āyasmā sārīputto parinibbuto’ti sutvā”ti. Tasmīṃ bhante vatthusmiṃ “kiṃ nu kho te ānanda sārīputto sīlakkhandhaṃ vā ādāya parinibbuto, samādhikkhandhaṃ vā, paññākkhandhaṃvā, vimuttikkhandhaṃvā, vimuttiñāṇadassanakkhandhaṃ vā ādāya parinibbuto”ti evamādinā bhagavatā bhāsitaṃ.

Ayaṃ bhante cundosamaṇuddeso evamāha.

Tasmātihānanda attadīpā viharatha attasaraṇā anaññasaraṇā dhammadīpā dhammasaraṇā anaññasaraṇā.

Bāhiyasutta

Pucchā – tattheva āvuso porāṇakehi dhammasaṃgāhakamahātherehi pañcamaṃ saṃgītaṃ bāhiyasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante āyasmantaṃ bāhiyaṃ ārabba bhāsitaṃ. Āyasmā bhante bāhiyo bhagavantaṃ etadavoca “sādhu me bhante bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitto vihareyya”nti. Tasmīṃ bhante vatthusmiṃ “tasmātiha tvaṃ bāhiya ādimeva visodhehi kusalesu dhammesu. Ko cādikusalānaṃ dhammānaṃ, sīlaṅca suvisuddhaṃ diṭṭhica ujukā”ti evamādinā bhagavatā bhāsitaṃ.

Sīlaṭṭhitivagga

Ciraṭṭhitisutta

Pucchā – tattheva āvuso tatiye sīlaṭṭhitivagge porāṇakehi dhammasaṃgāhakamahātherehi dutiyaṃ

saṃgītaṃ ciraṭṭhitissuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – pāṭaliputte bhante āyasmantaṃ bhaddaṃ ārabba āyasmatā ānandattherena dhammabhaṇḍāgārikaena bhāsitaṃ. Āyasmā bhante bhaddo sāyanhasamayam paṭisallānā vuṭṭhito yenāyasmā ānando tenupasaṅkami, upasaṅkamitvā āyasmantaṃ ānandaṃ etadavoca “ko nu kho āvuso ānanda hetu ko paccayo, yena tathāgate parinibbute saddhammo na ciraṭṭhitiko hoti, ko panāvuso ānanda hetu ko paccayo, yena tathāgate parinibbute saddhammo ciraṭṭhitiko hoti”’ti. Tasmim bhante vatthusmiṃ “sādhu sādhu āvuso bhadda, bhaddako kho te āvuso bhadda ummaṅgo”’ti evamādinā āyasmatā ānandattherena dhammabhaṇḍāgārikaena bhāsitaṃ.

Bhaddako te āvuso bhadda ummaṅgo.

“Catunnaṃ kho āvuso satipaṭṭhānānaṃ abhāvitattā abahulīkatattā tathāgate parinibbute saddhammo na ciraṭṭhitiko hoti”’ –

Sirivaḍḍhasutta

Pucchā – tassāvuso bhagavatā arahato sammāsambuddhassa pāvacaṇasamudayabhūtāya mahāvaggapāḷiyā satipaṭṭhānaṣṣyutte sīlaṭṭhitivagge navamaṃ sirivaḍḍhasuttaṃ kattha kaṃ ārabba kismiṃ vatthusmiṃ kena kathaṅca bhāsitaṃ.

Vissajjanā – rājagahe bhante sirivaḍḍhaṃ gahapatiṃ ārabba āyasmatā ānandattherena dhammabhaṇḍāgārikaena bhāsitaṃ. Sirivaḍḍho bhante gahapati ābādhiko hoti dukkhito bāḷhagilāno. Athakho bhante āyasmā ānando yenasirivaḍḍhassa gahapatissa nivesanaṃ tenupasaṅkami, upasaṅkamitvā paññatte āsane nisīdi. Nisajja kho āyasmā ānando sirivaḍḍhaṃ gahapatiṃ etadavoca “kacci te gahapati khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paññāyati no abhikkamo”’ti. Na me bhante khamanīyaṃ, na yāpanīyaṃ, bāḷhā me dukkhā vedanā abhikkamanti no paṭikkamanti, abhikkamosānaṃ paññāyati no paṭikkamo”’ti. Tasmim bhante vatthusmiṃ “tasmātiha te gahapati evaṃ sikkhitabbaṃ ‘kāye kāyānupassī viharissāmi ātāpī sampajāno satimā vineyya loke abhijjhā domanassaṃ. Vedanāsu. Cितte. Dhammesu dhammānupassī viharissāmi ātāpī sampajāno satimā vineyya loke abhijjhā domanassa’nti. Evañhi te gahapati sikkhitabba’nti. Evaṃ kho āyasmatā ānandattherena dhammabhaṇḍāgārikaena bhāsitaṃ.

Iddhipādasamyutta

Moggallānasutta

Pucchā – iddhipādasamyutte āvuso catutthaṃ moggallānasuttaṃ bhagavatā kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sāvatthiyaṃ bhante sambahule bhikkhū ārabba bhāsitaṃ. Sambahulā bhante bhikkhū heṭṭhāmigāramātipāsāde viharanti uddhatā unnaḷā capalā mukharā vikiṇṇavācā muṭṭhassatino asampajānā asamāhitā bhantacittā pākatiṇḍriyā. Tasmim bhante vatthusmiṃ āyasmantaṃ mahāmoggallānaṃ te bhikkhū saṃvejetvā “kiṃ nu tumhe bhikkhave saṃviggā lomahaṭṭhajātā ekamantaṃ ṭhitā”’ti evamādinā bhagavatā bhāsitaṃ.

Acchariyaṃ vata bho, abbhutaṃ vata bho.

Nivātaṅca vata.

Ayañca migāramātupāsādo gambhīranemo.

Tumheva kho bhikkhave saṃvejetukāmena moggallānena bhikkhunā pādaṅguṭṭhakena migāramātupāsādo saṅkampito sampakampito sampadhālito.

Taṃ kiṃ maññatha bhikkhave, katamesaṃ dhammānaṃ bhāvitattā bahulīkatattā moggallāno bhikkhu evaṃ mahiddhiko evaṃ mahānubhāvo.

Anuruddhasaṃyutta

Bāḷhagilānasutta

Pucchā – anuruddhasaṃyutte āvuso porāṇakehi dhammasaṃgāhakamahātherehi dasamaṃ saṃgītaṃ bāḷhaginānasuttaṃ kattha kaṃ ārabba kismiṃ vatthusmiṃ kena kathañca bhāsitaṃ.

Vissajjanā – sāvatthiyaṃ bhante sambahule bhikkhū ārabba āyasmatā anuruddhattherena bhāsitaṃ. Sambahulā bhante bhikkhū āyasmantaṃ anuruddhaṃ ābādhiḃkaṃ dukkhitaṃ bāḷhagilānaṃ etadavocaṃ “katamenāyasmato anuruddhassa vihārena viharato uppannā sārīrikā dukkhā vedanā cittaṃ na pariyādāya tiṭṭhantī”ti. Tasmīṃ bhante vatthusmiṃ “catūsu kho me āvuso satipaṭṭhānesu suppatiṭṭhitacittassa viharato uppannā sārīrikā dukkhā vedanā cittaṃ na pariyādāya tiṭṭhantī”ti evamādinā āyasmatā anuruddhattherena bhāsitaṃ.

Ānāpānasamūyutta

Mahākappinasutta

Pucchā – ānāpānasamūyutte āvuso porāṇakehi dhammasaṃgāhakamahātherehi sattamaṃ saṃgītaṃ mahākappinasuttaṃ bhagavatā kattha kaṃ ārabba kathañca bhāsitaṃ.

Vissajjanā – sāvatthiyaṃ bhante sambahule bhikkhū ārabba “passatha no tumhe bhikkhave etassa bhikkhuno kāyassa iñjitattaṃ vā phanditabbaṃ vā”ti evamādinā bhagavatā bhāsitaṃ.

Ichchānaṅgalasutta

Pucchā – tattheva āvuso dutiyavagge paṭhamaṃ icchānaṅgalasuttaṃ bhagavatā kattha kaṃ ārabba kathañca bhāsitaṃ.

Vissajjanā – icchānaṅgale bhante sambahule bhikkhū ārabba “sace kho bhikkhave aññatitthiyā paribbājakā evaṃ puccheyyūṃ ‘katame nāvuso vihārena samaṇo gotamo vassāvāsaṃ bahulaṃ vihāsī’ti. Evaṃ puṭṭhā tumhe bhikkhave tesamā aññatitthiyānaṃ paribbājakānaṃ evaṃ byākareyyātha ānāpānassatisamādhinā kho āvuso bhagavā vassāvāsaṃ bahulaṃ vihāsī”ti evamādinā bhante bhagavatā bhāsitaṃ.

Sotāpattisaṃyutta

Cakkavattirājasutta

Pucchā – sotāpattisaṃyutte āvuso porāṇakehi dhammasaṃgāhakamahātherehi paṭhamaṃ saṃgītaṃ cakkavattirājasuttaṃ bhagavatā kattha kaṃ ārabba kathañca bhāsitaṃ.

Vissajjanā – sāvatthiyaṃ bhante sambahule bhikkhū ārabha “kiñcāpi bhikkhave rājā cakkavattī catunnaṃ dīpānaṃ issariyādhipaccaṃ rajjaṃ kāretvā kāyassa bhedaṃ paraṃ maraṇā sugatiṃ saggāṃ lokaṃ upapajjati devānaṃ tāvatiṃsānaṃ saḥabyataṃ, so tatha nandane vane accharāsaṅghaparivuto dībbehi ca pañcahi kāmaguṇehi samappito samaṅgībhūto paricāreti so catūhi dhammehi asamannāgato, atha kho so aparimutto va nirayā, aparimutto tiracchānayoṇiyā, aparimutto pettivisayā, aparimutto apāyaduggativinipātā”ti evamādinā bhante bhagavatā bhāsitaṃ.

Dīghāvu upāsakasutta

Pucchā – tattheva āvuso porāṇakehi dhammasaṃgāhakamahātherehi tatiyaṃ saṃgītaṃ dīghāvuupāsakasuttaṃ bhagavatā kattha kaṃ ārabha kismiṃ vatthusmiṃ kathaṅca bhāsitaṃ.

Vissajjanā – rājagahe bhante dīghāvuṃ upāsakaṃ ārabha bhāsitaṃ. Bhagavā bhante dīghāvuṃ upāsakaṃ ābādikaṃ dukkhitaṃ bālhaḡilānaṃ etadavoca “kacci te dīghāvu khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paññāyati no abhikkamo”ti. Na me bhante khamanīyaṃ, na yāpanīyaṃ bālha me dukkhā vedanā abhikkamanti no paṭikkamanti, abhikkamosānaṃ paññāyati no paṭikkamoti. Tasmīṃ bhante vatthusmiṃ “tasmātiha te dīghāvu evaṃ sikkhitabbaṃ buddhe aveccappasādena samannāgato bhavissāmi”ti evamādinā bhagavatā bhāsitaṃ.

Yānimāni bhante bhagavatā cattāri sotāpattiyaṅgāni desitāni, saṃvijjante te dhammā mayi–

Tasmātiha tvaṃ dīghāvu imesu catūsu sotāpattiyaṅgesu patitṭhāya cha vijjābhāgiye dhamme uttari bhāveyyāsi–

Mā tvaṃ tāta dīghāvu evaṃ manasākāsi.

Ingha tvaṃ tāta dīghāvu yadeva te bhagavā āha, tadeva tvaṃ sādhukaṃ manasikarohi.

Paṇḍito bhikkhave dīghāvu upāsako.

Paccapādi dhammassānudhammaṃ.

Na ca maṃ dhammādhikaraṇaṃ viheṭhesi.

Dīghāvu bhikkhave upāsako pañcannaṃ orambhāgiyānaṃ saṃyojanānaṃ parikkhayā opapātiko tatha parinibbāyī anāvattidhammo tasmā lokā.

Veḷudvāreyyasutta

Pucchā – tenāvuso bhagavatā...pe... sammāsambuddhena sotāpattisaṃyutte sattamaṃ saṃgītaṃ veḷudvāreyyasuttaṃ kattha kaṃ ārabha kismiṃ vatthusmiṃ kathaṅca bhāsitaṃ.

Vissajjanā – kosalesu bhante veḷudvāre nāma kosalānaṃ brāhmaṇa gāme veḷudvāreyyake brāhmaṇagahapatike ārabha bhāsitaṃ.

Veḷudvāreyyakā bhante brāhmaṇagahapatikā bhagavantaṃ etadavocumaṃ “mayamaṃ bho gotama evamaṃkāma evamaṃchandā evamaṃdhippāyā puttasaṃbādhasayanaṃ ajjhāvaseyyāma...pe... jātārūparajataṃ sādiyeyyāma, kāyassa bhedaṃ paraṃ maraṇā sugatiṃ saggāṃ lokaṃ upapajjeyyāma, tesamaṃ no bhavaṃ gotamo amhākaṃ evamaṃkāmanaṃ evamaṃchandānaṃ evamaṃdhippāyānaṃ tathā dammaṃ desetu, yathā

mayam puttambādhasayanam ajjhāvaseyyāma...pe... kāyassa bheda param maraṇā sugatiṃ saggam lokam upapajjeyyāma”ti. Tasmim bhante vatthusim “attūpanāyikam vo gahapatayo dhammapariyāyam desessāmi, tam suṇātha sādhuṃ manasi karotha, bhāssāmi”ti evamādinā bhagavatā bhāsitaṃ.

Saraṇānivagga

Paṭhama mahānāmasutta

Pucchā – tattheva āvuso tatiye saraṇānivagge porāṇakehi dhammasaṃgāhakamahātherehi paṭhamam saṃgītam paṭhamamahānāmasuttam bhagavatā kattha kam ārabba kismim vatthusim kathaṇca bhāsitaṃ.

Vissajjanā – sakkesu bhante kapilavatthusim nigrodhārāme mahānāmam sakkaṃ ārabba bhāsitaṃ. Mahānāmo bhante sakko bhagavantam etadavoca “idaṃ bhante kapilavattu iddhañceva phītaṇca bāhujaññam ākiṇṇamanussam sambādhabhūyam, so khvāham bhante bhagavantam vā payirupāsivā manobhāvanīye vā bhikkhū sāyanhasamayam kapilavattum pavisanto bhantenapi hatthinā samāgacchāmi, bhantenapi assena samāgacchāmi, bhantenapi rathena samāgacchāmi, bhantenapi sakaṭena samāgacchāmi, bhantenapi purisena samāgacchāmi, tassa mayham bhante tasmim samaye mussateva bhagavantam ārabba sati, mussati dhammam ārabba sati, mussati saṅgham ārabba sati, tassa mayham bhante evam hoti imamhi cāham samaye kālam kareyyam, kā mayham gati, ko abhisamparāyo”ti. Tasmim bhante vatthusim “mā bhāyi mahānāma, mā bhāyi mahānāma, apāpakam te maraṇam bhavissati apāpikā kālam kiriya”ti evamādinā bhagavatā bhāsitaṃ.

Dutiya saraṇānisakkasutta

Pucchā – tattheva āvuso dhammasaṃgāhakamahātherehi pañcamam saṃgītam dutiyasaraṇānisakkasuttam bhagavatā kattha kam ārabba kismim vatthusim kathaṇca bhāsitaṃ.

Vissajjanā – sakkesu bhante kapilavatthusim nigrodhārāme mahānāmaṃyeva sakkaṃ ārabba bhāsitaṃ.

Mahānāmo bhante sakko bhagavantam etadavoca “idha bhante saraṇāni sakko kālaṅkato, so bhagavatā byākato ‘sotāpanno avinipātadhammo niyato sambodhiparāyaṇo’ti. Tatra sudam bhante sambahulā sakkā saṅgama samāgama ujjhāyanti khīyanti vipācenti ‘acchariyam vata bho, abbhutam vata

Bho, ettha dāni ko na sotāpanno bhavissati, yatra hi nāma saraṇāni sakko kālaṅkato, so bhagavatā byākato ‘sotāpanno avinipātadhammo niyato sambodhiparāyaṇo’ti, saraṇāni sakko sikkhāya aparipūrakārī ahoṣī”ti tasmim bhante vatthusim “yo so mahānāma dīgharattam upāsako buddham saraṇam gato, dhammam saraṇam gato, saṅgham saraṇam gato, so katham vinipātam gaccheyyā”ti evamādinā bhagavatā bhāsitaṃ.

Paṭhama anāthapiṇḍikasutta

Pucchā – tattheva āvuso porāṇakehi dhammasaṃgāhakamahātherehi chaṭṭham saṃgītam paṭhamaanāthapiṇḍikasuttam kattha kam ārabba kismim vatthusim kena kathaṇca bhāsitaṃ.

Vissajjanā – sāvatthiyam bhante anāthapiṇḍikam gahapatiṃ ārabba āyasmatā sārīputtattherena dhammasenāpatinā bhāsitaṃ.

Āyasmā bhbhante sārīputtatthero āyasmatā ānandattherena pacchāsamaṇena saddhiṃ yena anāthapiṇḍikassa gahapatissa nivesanaṃ tenupasānkami, upasānkamitvā paññatte āsane nisīdi, nisajja kho āyasmā sārīputto anāthapiṇḍikaṃ gahapatiṃ ābādhikaṃ dukkhitaṃ bālḥagilānaṃ etadavoca “kacci te gahapati khamanīyaṃ kacci yāpanīyaṃ, kacci dukkhā vedanā paṭikkamanti, no abhikkamanti, paṭikkamosānaṃ paññāyati, no abhikkamo”’ti, na me bhante khamanīyaṃ, na yāpanīyaṃ, bālḥā me dukkhā vedanā abhikkamanti, no paṭikkamanti, abhikkamosānaṃ paññāyati, no paṭikkamoti. Tasmīṃ bhante vatthusmiṃ “yathā rūpena kho gahapati buddhe appasādena samannāgato assutavā puthujjano kāyassa bhedaṃ paraṃ maraṇā apāyaṃ duggatiṃ vinipātaṃ niyaraṃ upapajjati tathārūpo te buddhe appasādo natthi, atthi ca kho te gahapati buddhe aveccappasādo ‘itipi so bhagavā arahamaṃ sammāsambuddho...pe... bhagavā’’ti tañca pana te buddhe aveccappasādaṃ attani samanupassato ṭhānaso vedanā paṭippassambheyyā”’ti evamādinā āyasmatā sārīputtattherena dhammasenāpatinā bhāsitaṃ.

Yassa saddhā tathāgate, acalā suppatiṭṭhitā;
Sīlañca yassa kalyāṇaṃ, ariyakantaṃ pasamsitaṃ.

Saṅghe pasādo yassatthi, ujubhūtañca dassanaṃ;
Adaliddoti taṃ āhu, amoghaṃ tassa jīvitaṃ.

Tasmā saddhañca sīlañca, pasādaṃ dhammadassanaṃ;
Anuyuñjetha medhāvī, saraṃ buddhānasāsanaṃ.

Puññābhisandavagga

Mahānāmasutta

Pucchā – tattheva āvuso puññābhisandavaggo porāṇakehi dhammasaṃgāhakamahātherehi sattamaṃ saṃgītaṃ mahānāmasuttaṃ bhagavatā kattha kaṃ ārabba kismiṃ vatthusmiṃ kathañca bhāsitaṃ.

Vissajjanā – sakkesu bhante kapilavatthusmiṃ mahānāmaṃ sakkaṃ ārabba bhāsitaṃ.

Mahānāmo bhante sakko bhagavantaṃ etadavoca “kittāvatā nu kho bhante upāsako hoti”’ti. Tasmīṃ bhante vatthusmiṃ “yato kho mahānāma buddhaṃ saraṇaṃ gato hoti, dhammaṃ saraṇaṃ gato hoti, saṅghaṃ saraṇaṃ gato hoti”’ti evamādinā bhagavatā bhāsitaṃ.

Kittāvatā nu kho bhante upāsako hoti.

Kāligodhasutta

Pucchā – tattheva āvuso porāṇakehi dhammasaṃgāhakamahātherehi navamaṃ saṃgītaṃ kāligodhasuttaṃ bhagavatā kattha kaṃ kārabba kathañca bhāsitaṃ.

Vissajjanā – sakkesu bhante kāligodhaṃ nāma sākiyaṇiṃ ārabba “catūhi kho godhe dhammehi samannāgatā ariyasāvikaṃ sotāpannā hoti avinipātadhammā niyatā sambodhiparāyaṇā”’ti evamādinā bhagavatā bhāsitaṃ.

Lābhā te godhe, suladdhaṃ te godhe, sotāpattiphalaṃ tayā godhe –

Nandiyasakkasutta

Pucchā – tenāvuso jānatā...pe... sammāsambuddhena sotāpattisaṃyutte puññābhisandavagge dasamaṃ nandiyasakkasuttaṃ kattha kaṃ ārabba kismiṃ vatthusmiṃ kathaṅca bhāsitaṃ.

Vissajjanā – sakkesu bhante kapilavatthusmiṃ nigrodhārāme nandiyam sakkam ārabba bhāsitaṃ. Nandiyo bhante sakko bhagavantaṃ etadavoca “yasseva nu kho bhante ariyasāvakaṃ cattāri sotāpattiyaṅgāni sabbena sabbam sabbathāsabbam natthi, sveva nu kho bhante ariyasāvako pamādavihārī”ti. Tasmim bhante vatthusmiṃ “yassa kho nandiya cattāri sotāpattiyaṅgāni sabbenasabbam sabbathāsabbam natthi, tamaḥam bāhiro puthujjanapakkhe ṭhitoti vadāmi”ti evamādinā bhagavatā bhāsitaṃ.

Saccasaṃyutta

Tiracchānakathāsutta

Pucchā – saccasaṃyutte āvuso porāṇakehi dhammasaṃgāyakamahātherehi dasamaṃ saṃgītaṃ tiracchānakathāsuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyam bhante sambahule bhikkhū ārabba mā bhikkhave anekavihiṭam tiracchānakathaṃ katheyyātha. Seyyathidaṃ, rājakathaṃ corakathaṃ mahāmattakathaṃ senākathaṃ bhayakathaṃ yuddhakathaṃ annakathaṃ pānakathaṃ vatthakathaṃ sayanakathaṃ evamādinā bhante bhagavatā bhāsitaṃ.

Idaṃ dukkhanti katheyyātha.

Tasmātiha bhikkhave idaṃ dukkhanti yogo karaṇīyo...pe... ayaṃ dukkhanirodhagāminī paṭipadāti yogo karaṇīyo.

Dhammacakkapavattanasutta

Pucchā – tattheva āvuso dhammacakkappavattanavagge porāṇakehi dhammasaṃgāhakamahātherehi paṭhamaṃ saṃgītaṃ dhammacakkapavattanasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – bārāṇasiyam bhante isipatane migadāye pañcavaggiye bhikkhū ārabba “dve me bhikkhave antā pabbajitena nasevitabbā. Katame dve, yo cāyam kāmesu kāmasukhallikānuyogo hīno gammo pothujjaniko anariyo anattasaṃhito, yo cāyam attakilamathānuyogo dukkho anariyo anattasaṃhito, ete kho bhikkhave ubho ante anupagamma majjhimāpaṭipadā tathāgatena abhisambuddhā”ti evamādinā bhagavatā bhāsitaṃ.

Āsavakkhayaṣutta

Pucchā – tattheva āvuso koṭigāmaṃvagge porāṇakehi dhammasaṃgāhakamahātherehi pañcamaṃ saṃgītaṃ āsavakkhayaṣuttaṃ bhagavatā kattha kaṃ ārabba kathaṅca bhāsitaṃ.

Vissajjanā – sāvatthiyam bhante sambahule bhikkhū ārabba “jānatoḥam bhikkhave passato āsavānaṃ khayam vadāmi, no ajānato apassato. Kiṅca bhikkhave jānato passato āsavānaṃ khayoti, idaṃ dukkhanti bhikkhave jānato passato āsavānaṃ khayoti, ayaṃ dukkhasamudayoti, ayaṃ dukkhanirodhoti, ayaṃ dukkhanirodhagāminīpaṭipadāti jānato passato āsavānaṃ khayoti. Evaṃ kho bhikkhave jānato evaṃ passato āsavānaṃ khayoti. Tasmātiha bhikkhave “idaṃ dukkha”nti yogo karaṇīyo, ayaṃ dukkhasamudayoti, ayaṃ dukkhanirodhoti, ayaṃ dukkhanirodhagāminīpaṭipadāti yogo

karaṇīyo’’ti evaṃ kho bhagavatā bhāsitaṃ.

Sīsapāvanasutta

Pucchā – tattheva āvuso sīsapāvanavagge porāṇakehi dhammasaṃgāhakamahātherehi paṭhamam saṃgītaṃ sīsapāvanasuttaṃ bhagavatā kattha kaṃ ārabba kathaṅca bhāsitaṃ.

Vissajjanā – kosambiyaṃ bhante sīsapāvane sambahule bhikkhū ārabba ‘‘taṃ kiṃ maññatha bhikkhave, katamaṃ nukho bahutaraṃ yāni vā mayā parittāni sīsapāpaṇṇāni pāṇinā gahitāni yadidaṃ upari sīsapāvane’’ti evamādinā bhagavatā bhāsitaṃ.

Pañcagatipeyyālavagga

Pucchā – tattheva āvuso porāṇakehi dhammasaṃgāhakamahātherehi pariyosānabhāvena saṃgīto pañcagatipeyyālavagge, bhagavatā kattha kaṃ ārabba kathaṅca bhāsito.

Vissajjanā – vesāliyaṃ bhante sambahule bhikkhū ārabba ‘‘taṃ kiṃ maññatha bhikkhave, katamaṃ nu kho bahutaraṃ, yo vāyaṃ mayā paritto nakhasikhāyaṃ paṃsu āropito, ayaṃ vā mahāpathavī’’ti evamādinā bhagavatā bhāsito.

Pucchā – ke āvuso sikkhanti.

Vissajjanā – sekkhā ca bhante puthujjanakalyāṇakā ca sikkhanti.

Pucchā – ke āvuso sikkhitasikkhā.

Vissajjanā – arahanto bhante sikkhitasikkhā.

Pucchā – kattha āvuso ṭhitaṃ.

Vissajjanā – sikkhākāmesu bhante ṭhitaṃ.

Pucchā – ke āvuso dhārenti.

Vissajjanā – yesaṃ bhante vattati te dhārenti.

Pucchā – kassa āvuso vacanaṃ.

Vissajjanā – bhagavato bhante vacanaṃ arahato sammāsambuddhassa.

Pucchā – kena āvuso ābhatam.

Vissajjanā – paramparāya bhante ābhatam.